



ル 5
2998
7



金陵通傳卷十一 目錄

第五十九冊

倪謙 姚友直 弟沙士清 繆榜

鄒和 顧言 謙兄誠 子岳

張瑄 童軒 從孫時

周經

第六十冊

王敞 吳文度 翟瑄

茹欽

劉蒼 趙端 端子麟 麟子經 龔海 吳英

麟子膺 裔孫應龍

王徽 子韋 韋子逢元 韋從弟韜

第六十一冊

沈琮 朱貞 九思 張紳 子鳳翔 從孫九思

沈鍾 子寶

謝芳 子承舉 任德 承舉子

盧雍 顧儼 凌文 子雲翰 鄭禮 蘇潤 高諤 王韶 李瑛 李景暘 弟景星

鄭禮 孫濂 王韶 李瑛 李景暘 弟景星

黃縉 詹側 謝瑄 胡漢 季璘

胡漢 季璘

門 儿 5
號 2998
卷 7

金陵通傳卷十二

倪張童周王吳茹傳第五十九

江甯陳作霖伯雨纂述

倪謙字克讓號靜存上元人兄誠字允恭豐頤長髯飄然有神仙之度尙簡略
勵聲華讀書能通大義工詩善飲有召輒往傾倒終日故自號坦庵闢別墅於
韓橋江滸耕田釣魚足迹不入城市人言其弟姪之榮卽掩耳而走遂以隱終
謙生負偉質目光如電體有四乳同縣姚友直以女妻之舉正統三年鄉試明
年成進士一甲第三名除編修使朝鮮卽席屬文略不構思國人以爲神景奉
中入直文華殿凡應制賦詩中官常立俟以進累官至翰林侍講學士天順三
年主試順天遭讒謫戍開化成化初復舊職與子岳同入史局纂修英宗實錄
進禮部右侍郎轉南京禮部尙書生平德量寬宏誠信無僞耆學不倦立朝多
所建明卒贈太子少保謚文僖著有玉堂上谷歸田南宮等稿遼海編朝鮮紀
事李東陽稱其集典雅得館閣體姚友直其先浙人以貴徙京師家累萬金子

通傳十二

昭和九年
四月二十八日
購

愷字秉和愷子桓字武仲桓弟環璫皆世有義行時有鄒和或作利字允達亦上元人治書景泰四年舉人天順元年進士官知縣累升都御史性至孝築精舍於鳳皇臺先瑩之西寫萬壑蒼煙卷以寄慕思又著懷仙吟詩謙與之友善嘗稱其英邁之氣節磊落不羣又願言字如綸號九峰江甯人謙典試北闈見其文曰此必學識士也拔置第一後官韓王府教授言于景昌字文昭以成化四年舉人官至贛州知府謙子岳

岳字舜咨號清溪父謙奉命祀北岳母姚夢岳神指捧香合童子云以賜汝因生子遂以岳為名長而頌躬廣頤美如冠玉腹大十圍其為文敏捷若不經意天順六年舉於鄉八年成進士改庶吉士授編修成化中歷侍讀學士直講東宮二十三年擢禮部右侍郎仍直經筵每進講上前敷古義傳時政言意剴切弘治初改左侍郎尚書耿裕方正持大體至禮文制度率待岳而決嘗議太廟寢殿後當別建藏祧之所如古夾室孝穆皇后當別建廟如魯闕宮並釐正諸淫祀少詹事程敏政欲改定孔廟諸從祀岳言秦漢以來六經出於煨燼賴諸

儒得復存七十二子名字自司馬遷至今相傳已久今生千百年後安敢臆定六年擢本部尚書尋召國師領占竹於蜀岳力爭久之始罷時營造諸王府規模踰制岳請頒成式示之又以四方所報災異禮部歲終類奏率為具文乃詳次其月日博引經史徵應勸帝勤講學開言路寬賦役慎刑罰黜奸貪進忠直汰冗員停齋醮省營造止濫費頗蒙采納九年改南京吏部尚書俄轉兵部參贊機務秉正達變百廢具舉兵民相戒不敢犯法留都肅然家居鐵作坊每赴登車或問之曰鄉黨父兄宗族所在豈得妄自尊大又嘗曰吾輩生長於斯每得科名鄰里姻親皆為我喜及其為官居鄉刻薄此心何安而且平時學校科舉諸費孰非鄉里脂膏一旦得志圖報不得敢妄作威福乎時與往還者有同縣沙士清高隱不仕築樂清軒岳賦詩十律以紀之會清甯宮災條上修省疏遂召為吏部尚書嚴絕請託銓政稱平生善斷大事每盈廷聚議決以片言聞者悅服同列中最推馬文升然論事未嘗苟同前後陳請百餘事軍國弊政剔抉無遺論西北用兵一疏尤推碩畫大略言東勝不可城延綏不可棄河套不可驟復因陳重將權增城堡廣斥埃募民壯去客兵明賞罰嚴間諜實屯田復邊漕數事而兵部方主用兵不能盡從也十四年十月卒贈少

保諡文毅父子俱以文諡當世榮之弟阜護其喪歸葬上元清風鄉後祀鄉賢
著有清溪漫稿妻盧字德恆湖廣左布政雍女也工詩善畫白描尤妙嘗自寫
九歌璇璣二圖藏於家

阜字舜薰號東岡成化十六年舉人二十三年進士選庶吉士歷至山東參政
境多盜賊阜捕治首惡餘黨悉平官終四川布政使所莅皆有清操岳孫翰儒
官雲南尋甸知府翰儒子民悅字公甫官湖廣蘄水知縣工詩著有江上篇山
樓霞寺舊有宋明州女子陳氏繡佛久而流傳於江
浦定林寺民悅仍取以歸棲霞同里盛時泰為記之其裔孫燦自有傳

張瑄字廷璽江浦人父俊永樂中以楷書薦任左府都事忤近臣謫戍復起為
德清知縣瑄舉正統六年鄉試明年成進士除刑部主事歷郎中景泰中出為
吉安知府俗尚巫迎神無休日瑄遇諸途投神水中俄遭危疾父老皆言神祟
請復之瑄怒不許疾亦愈歲大饑陳牒上官不俟報輒發廩振貸居八年升廣
東右布政使廣西賊莫文章等越境陷連山瑄擊斬之又破陽山賊周公轉新
興賊鄧李保等既而大藤峽賊頻陷屬縣瑄坐停俸成化初韓雍平賊錄瑄轉

餉勞賜銀幣給俸如初瑄按行所部督建預備倉六十二修陂塘圩岸四千六
百增築廣州新會諸城垣一十二已轉左布政使滿九載當赴京軍民相率乞
留巡撫陳濂為之請乃仍故任八年始以右副都御史巡撫福建平賊林壽六
等福安壽甯諸縣鄰江浙賊渠葉旺等負險瑄捕斬之餘皆解散改撫河南陳
撫流民振滯才十八事所司多議行黃河水溢瑄請振且移王府祿米於他所
留應輸榆林餉濟荒石取直入錢輸榆林民稱便還理院事尋遷南京刑部侍
郎進尚書居官五十年自奉如寒士吉安閩廣皆立石紀功久之因星變落職
孝宗立復官致仕自號安拙翁又七年而卒年七十八後祀鄉賢著有五經研
朱集香泉集粉署餘閒凝清集閩汴紀巡錄南征錄安拙類稿子綱廕通判紡
成化二十二年舉人孫鉞嘉靖十三年舉人亦官通判

童軒字士昂號雪崖其先鄱陽人明初徙家應天父瑄字玉壺永樂中充天文
生遂占南京欽天監籍嘗纂修天文諸書著有玉壺集軒舉正統十年鄉試景
泰二年成進士歷至南京吏科給事中上言南京糴貴民饑宜急振又乞止南

京貢翠毛魚魷諸物以萬計成化中屢上封事多見采納蜀寇起命往撫之軒親歷賊壘宣布威惠賊羅拜乞生乃悉遣歸農累遷太常寺少卿掌欽天監事尋乞病歸蕭然一室非知舊不輕接納家人衣食或不給雖同縣王做餉以米及白金亦辭尚書常州王某知其介不敢致餽會有持禮幣求文者因謂曰童公之文勝余汝可求之至則軒問其人曰汝自來乎抑有使之者乎其人以實對遂卻而不納其慎取予如此弘治元年召軒仍掌監事因日食請修身窮理進君子退小人以謹天戒是冬進右副都御史提督松潘軍務兼巡撫以安民保邊爲事擢南京吏部侍郎就轉禮部尚書生平強學好問而身弱如不勝衣性孝友事嫡母備極色養分祿以贍兄嫂撫猶子及諸孫皆有恩卒贈太子少保葬鳳臺岡後祀鄉賢著有枕肱集清風亭稿海嶽涓埃論蜀稿籌邊錄夢徵錄醯甕集從孫時

時字用中號西巖以廕爲太僕寺主簿寺在南滁時日隨長官觴詠爲邊華泉潘竹澗所重宸濠之變獨署寺事綜理馬政兌調不乏徙荊州府通判明達勵

精不畏強禦兼攝府事勅報大獄民用懷服俄丁父憂遂不出名堂曰早聞喜

爲詩亦清婉著有西巖漫稿聯唱錄馬政奏議續名臣言行錄早閒堂詩集

周經字伯常刑部尚書瑄子也瑄自陽曲移家南京遂爲應天人平葬江甯經之黃門山

舉天順四年進士改庶吉士除檢討成化中歷侍講中允編學校閱有文章名

侍東宮講文華大訓太子起立閣臣萬安以爲勞議請坐聽經不可孝宗立進

太常寺少卿兼侍讀弘治二年擢禮部右侍郎中官請修黃村尼寺奉祀孝穆

太后土魯番貢師子不由甘肅欲假道滿刺加浮海至廣東經倡議毀其寺卻

貢不與通改吏部左侍郎通政經歷沈祿以皇后姑壻中官傳旨擢爲參議經

言非面奉旨又無御札不敢輒遵事雖不能止朝論躉焉靈壽奸民獻地於中

官李廣戶部持之不得經率九卿以爭卒罪獻地者嘗上言外戚家無功求遷

無勞乞賞兼齋醮遊宴濫費無紀致帑藏空虛宜大爲撙節近例預備倉積粟

多者守令賜告勅不次遷官遂致剝下干進請如洪武閒例悉出官帑平糶毋

奪民財考績毋專以積粟爲能至清軍之弊洪熙以前在旗校宣德以後在里

胥弊在旗校者版籍猶在若里胥則並版籍而淆亂之宜考故冊洗奸弊災傷民乞省恤惜薪司薪炭約支數年災荒郡縣宜盡與停免四方顏料雜辦亦然此救民急務也帝多采納之八年文武大臣以災異陳時政經爲具草而斥戲樂一事語尤切直帝密令廉草奏者尙書耿裕曰疏首吏部裕實具草經曰疏草出經手經請當罪世兩賢之時孝宗寬仁而戶部尤奸蠹所萃少不致慎讒毀隨之經升是部尙書悉按祖宗成憲無所顧寬逋緩征裁節尤濫四方告災必覆奏蠲除每委官監稅課入多者予下考苛切之風少衰矣奉御趙瑄獻雄縣地爲東宮莊經爭之曰太祖太宗定制閒田任民開墾若因奸人言而籍之官小民何以爲生乎乃治瑄罪田仍賦之民雍正王祐檣乞衡州稅課司及河泊所經言不可許中官織造者請增給浙鹽二萬引經言鹽莢佐邊不宜濫給且祖宗朝織染諸局供御有常數若曰取用有加則江南兩浙已例外增造若曰工匠不足則仰食公家不下千餘人所爲何事是知供用未必缺而徒導陛下以勞民傷財也帝不從先是倉場監督內官依成化末例裁減至是復用三人

經上疏力爭帝以已遣不聽內靈臺請錦衣餘丁百人供灑掃經曰祖宗設內臺其地至密今一旦增百人將有漏洩妄言者帝悟立已之俄以肅甯地四百餘頃賜張鶴齡其家人因侵民地三倍且毆民至死又每田畝奏加徵銀二分經抗章執奏命侍郎許進覆覈經言地已再勘今復遣使徒滋煩擾昔太祖以劉基故減青田賦徵米五合欲使基鄉里子孫世世頌基今興濟篤生皇后正宜恤民減賦俾世世戴德何乃使小民銜怨無已也頃之進還言此地乃憲宗皇親柏權及民恆產不可奪帝竟予鶴齡如其請加稅而命償權直除民租額經復諫曰東宮親王莊田徵稅自有例鶴齡不宜獨優權先帝妃家亦戚畹也名雖償直實乃奪之天下將謂陛下惟厚椒房親不念先朝外戚帝終不納大同缺馬馬文升請太倉銀以市經言糧馬各有司存祖訓六部毋相壓兵部侵戶部權非祖訓詔改撥太僕寺銀給之給事中魯昂請盡括稅役金錢輸太倉經曰不節織造賞齋醮土木之費而欲括天下財是舛也內官傳旨索太倉銀三萬兩爲燈費持不與以是積爲宦官貴戚所忌會太監李廣死帝得其饋

遺簿籍大怒科道因劾諸臣交通狀有及經者經上疏曰
李廣闌入臣名雖蒙恩不問實舍傷忍痛無以自明夫人
左右圖寵眷耳陛下試思廣在日曾言及臣否且交結饋滯
否有臣姓名更嚴鞫廣家人但令臣有寸金尺帛即治臣奔
以為奔競無恥之戒若無干涉亦乞為臣洗雪庶得展布還
答之十三年以星變乞休報許加太子太保武宗立召為南
母憂未任服闋拜禮部尚書時劉瑾已寢用事是召出於瑾
數月乞病去正德五年卒年七十一贈太保諡文端弟紘侏
南京吏科給事中兩因災異言事帝皆嘉納未幾與御史張
琮所誣奏貶南京光祿署正後官終山東布政參議時為蔣
水繆樛字全之成化十一年進士由東陽知縣擢南京陝西
法忤太監汪直謫莒州卒祀鄉賢未幾南京廣洋衛指揮石
殺人掘聚寶山傷皇陵氣諸罪乃謫琮充孝陵淨軍經子曾

參政

王敞字漢英號竹堂南京錦衣衛人成化十六年舉於鄉
科給事中出閱四川諸鎮邊備還上便宜六事其一言建
家所占請罷之孝宗初立賜一品服使朝鮮宴有女樂敞
忍聽此其國君臣愧歎乃遣去還朝轉通政使置大匱於
部左侍郎擢尚書武職黃冊舊藏內府例納賄乃得對勘
提督戎政平甯夏逆黨廕一子錦衣以子從子企四川盜殺
定賞罰格所用總制諸將皆協人望事平乞歸開詩社延
太子太保敞性孝友事母備極色養與人和易無崖岸著
作高頂禪高底輿高杌
人戲呼為三高先生 妻田處士仲實之女有賢德長子僉
次子全孫鎮曾孫起宗字振之漳州府通判
吳文度字憲之號交石江甯人成化元年舉於鄉八年成進
南京御史以論僧繼曉被廷杖出為汀州知府猺種弗靖設

通傳十二

五
科道劾廷臣奔競
李廣莫其進言
簿籍具在乞檢會
結之罪斬首市曹
體終事聖明帝慰
京戶部尚書遭繼
意固辭不許受事
具字初以進士為
兩閱軍為中官蔣
瑛中傷者又有溧
坦御史以論琮不
又通奏蔣琮僭侈
進士官浙江右

年成進士歷至刑
礦夫事革尚為權
天子在諒陰吾何
堂親司其鑰進兵
請膳副本存部尋
兩增諸要地兵備
舊歡宴未幾卒贈
士氏家乘敞身短小紗帽
跣衣衛百戶早卒
上除龍泉知縣擢
乃略殺撫之遂承

賦如居民弘治中歷江西參政山西河南布政使正德元年以右副都御史巡撫雲南師宗州賊阿本將起諭之不從乃遣兵攻之別截盤江路據賊巢背先後俘斬千人入厯戶部侍郎南京右都御史方文度自雲南還也太監劉瑾以滇地產金寶屢責賄不應深銜之會廷推工部尚書中旨改爲南京戶部尚書致仕命下舉朝駭異乃歸居北門橋南屋僅數楹文度少與兄文威同苦學既貴嘗過其兄徒行卽下輿扶歸與故舊處如布衣時撫猶子如己出人談盛德長者必推交石先生瑾誅未及用而卒著有交石類稿文度孫伯誠隆慶元年舉人官禹州知州時達官能友恭者有翟瑄字廷瑞南京太醫院籍少與弟瑛並篤於內行天順八年成進士除奉化知縣轉御史執法不撓歷至僉都御史巡撫山西有平賊功擢右都御史升刑部尚書屢平反大獄瑛亦舉成化二年進士由庶吉士改官厯至禮兵二科給事中封事數十上於時政多所規益遷太常寺少卿告歸白首事兄無異事父喜交遊四方士大夫問勞沓至裁答不倦兼工書法晚號錦屏山人卒與兄俱葬新亭故世稱兄弟之美者必曰二翟

茹欽字宗堯溧水人遠祖茅壽字惟厚宋建炎初官提舉與李綱等主戰被黜來家江南後裔甚繁至明初因遣戍改姓茹其別支或姓毛欽舉成化七年鄉試十四年成進士除行人轉御史劾閹宦用事者上不之譴出使塞上論邊事甚悉尋爲江西僉事以事謫淮安通判復四徙至大理寺卿攝刑部尚書獄訟稱平未幾乞歸嘗語客曰生者寄也因賦自挽詩以寄意或曰昔陶潛作自祭文公真無愧淵明答曰余愧弗及淵明者挂冠晚耳著有鈍翁集至國朝有名士旋者諸生工書其苗裔也

論曰成弘之世明治號極隆而留都人才亦於是時爲盛倪文僖文章華國文毅加之以經濟韋平之業也張安拙童雪崖偉略匡時清操勵己志節矯然世所難矣周文端守正不阿貴臣側目幸遇不諱之朝得全始終交石廷瑞亦著名蹇諤而友于惇篤齊治一貫理或然乎茹宗堯循職盡分幾至台鼎而難進易退達於死生亦尚書中之佼佼者焉

劉王傳第六十

通傳十一
劉蒼字伯春南京廣洋衛人入武學官本衛副千戶工書習孫吳諸家兵法每晨必誦將鑑一篇務行長厚僚佐有支軍糧者誤浮本數當抵法蒼適不與乃自補署文案事白人異其故蒼曰某素謹且吾兒方稱奉法吏人信爲誤若諸君何以自白嘗得遺牒於路乃遠方人入糧戶部所給者其目千金蒼往候其處三日一人號頓至曰某家向坐此死獄者五六人矣今復失奈何蒼出牒還之其人以金帛謝不受後又伐冰凌陰見一士凍餒挽而救之千戶趙端重其行端年七十敦廉尚義居涇溪其子經亦千戶也善毛詩遵循禮教不越戶限蒼以爲賢命子麟師之端嘗邀蒼至家以饌不時具欲出其子婦麟走告於父蒼至曰朋友與家室孰重以小故而黜之如爾孫何端始解蒼每得折俸布帛必以帛進經而白衣布經辭蒼曰不贊何以遣吾子麟登鄉薦飲魏國公府二更歸蒼怒其流連聲宴不與相見經引麟請罪乃釋時與蒼同志者又有龔海吳英二指揮海年七十謝政杜門搗藥以售其價不貳好誦孟子亦從趙經講學戚黨有爲貴仕者還海將改服以謁聞其載寶而來也遂絕迹不往英亦廉

正不苟麟舉進士謁英英曰勉之勿學貪墨者以隕爾父之志否則雖官至卿相英不願見也趙經子守正德五年舉人厯官登州教授定陶知縣

麟字元瑞一字子振績學能文與顧璘徐禎卿稱江東三才子同里王徽以女妻之弘治五年舉於鄉九年成進士觀政工部言官龐泮等以劾外張氏下獄麟偕同年生陸崑抗疏論救除刑部主事轉員外郎錄囚畿內平反三百九十餘人正德初進郎中出爲紹興知府劉瑾銜麟不謁謝甫五月撫前在部細故罷爲民士民醵金贖不受爲建小劉公生祠以配漢劉寵麟歸金陵家益貧筆耕餬口諸貴人無知者適陸崑爲南京御史偶經麟所惡童子讀書聲從者訊訶不輟怒而鉗其傅則麟也崑愕然下謝曰劉侯一寒至此乎握手語移時而別長與布衣吳琬字甘泉輕財好客因崑迎麟留居弁山之南坦約爲婚姻麟乃自號南坦與琬及孫一元施侃龍霓爲湖南五隱瑾誅起補西安知府遭父憂樂長興山水奉父匱葬焉遂居湖州服闋拜陝西左參政督糧儲都御史鄧璋議加賦充軍餉力爭得寢遷雲南按察使謝病歸嘉靖初召除太僕寺卿

進右副都御史巡撫保定六府以中官耿忠守備紫荆關多縱劾奏之又請損天津三衛屯田課及出庫儲給河南三衛軍月餉徵逋課以償皆報可再引去旋起大理寺卿擢工部尚書侍衛舊不給衣履錦衣帥駱安援紅盔軍例以請麟持不許詔量給銀自製工部後堂大庫司官出納多侵漁麟請特除一郎中主之賜名節慎庫已復上節財十四事汰內府諸監局冒領錢中貴大恨顯陵工竣執役者咸覬官麟止擬賚羣小愈怨會帝納諫官言停中外雜派工役麟因喋罷蘇浙織造而上供袍服在停中中官吳勳以爲言遂勒麟致仕又因顯陵殿閣雨漏追論落職麟清修直節當官不撓解組家居忘其貴仕嘗自湖州歸徒行過其友趙守家某參政突至頗易之繼問爲誰守曰南坦公也乃大慙麟又與妻弟王韋善韋心欲其寶刀未明言也及韋卒麟取刀埋諸墓中曰吾心許之矣不可負死友晚益淡退賦詩自娛好樓居而力不能構因懸藍輿於梁曲臥其中名曰神樓文徵明繪圖遺之年八十七卒贈太子少保諡清惠弟鳳襲父官千戶子膺字納齋上元諸生與弟序俱以孝稱父麟居長興年老矣膺手製甘旨藥餌寄之麟以書獎諭并勉以言忠信行篤敬焉膺亦工書法裔孫應龍字時化號嘯雲萬厯十六年舉武鄉試第一明年成進士歷游擊將軍升中都留守掌印奉命祭陵守陵者例跪進金盆沃盥時中官勢燄薰灼賂以千金求免承直應龍正色曰朝廷大典豈容更易不許後遷左府掌府事以母李苦節年老乞養歸

王徽字尚文南京錦衣衛人景泰七年舉於鄉天順四年成進士歷至南京刑科給事中憲宗初立中官牛玉用事徽與王淵等疏陳四事末言自古宦官賢良者少奸邪者多若授以大權致令敗壞然後加刑是始愛而終殺非所以保全之也願法高帝舊制毋令預政典兵置產立業家人義子悉編爲民嚴禁官吏與之交接惟厚其賞賚使得豐足無復他望此國家之福亦宦官之福也其冬帝入萬妃譖廢吳后謂牛玉前日朦朧奏將已退吳氏冊立今仍遵先帝旨立王后謫王孝陵種菜徽復與淵等劾之曰陛下冊立中宮此何等事而賊臣牛玉乃大肆奸欺中宮既退人咸謂玉必死願僅斥陪京猶全首領則凡侍左

右者將何所忌憚哉內閣大臣身居輔弼視立后大事漠不關心方玉肆欺之初婚禮未成禮官畏權輒為阿附及事發之後國法難貸刑官念其竟至苟容而李賢等又坐視成敗不出一言黨惡欺君莫此為甚請并罪賢等為大臣不忠者戒臣等前疏請保全宦官正欲防患未萌乃處置之道未聞準王之禍果作然往不可諫來猶可追臣等不敢遠引請以近事徵之正統末奪王振矣詎意復有曹吉祥天順初有吉祥矣詎意復有牛玉若又不思預防安知不有甚玉者哉夫宦者無事之時似乎恭慎一聞國政即肆奸欺將用某有也必賣之以為功將行某事也必泄之以張勢迨趨附眾威權盛而禍作矣豈所以不可預政也內官在帝左右大臣不識廉恥多與交結餽獻珍奇伊優取媚即以為賢而稱譽之有方正不阿者即以為不肖而讒謗之日加浸潤未免致疑由是稱譽者獲顯讒謗者被斥恩出內侍怨歸朝廷此所以不可許其貞結也內官弟姪授職任事倚勢為非聚奸養惡廣營財利奸弊多端身雖在內心實在外內外交通亂所由起此所以不可使其子弟在外任職營立家產少臣等職居

言路不為苟容惟陛下裁察帝怒下徽獄欲加罪淵等御史交章也救乃並謫降徽得貴州普安州判至則興學校教士始有獲選舉者卻土官暢及白千戶賄治甚有聲居七年棄官歸言者屢薦終以宦官怒之不復錄論嘗曰今仕者以剛方為刻怠緩為寬學者以持正為滯軟媚為通為文以典隴為膚淺怪異為古健其論治嘗誦張宣公語毋求辦事之人當求曉事之人徽皆服其切中弘治中吏部尚書王恕舉之起為陝西左參政踰年謝病還居雅下二十年而卒年八十三著有辣齋集史疑引笑集子韋

韋字欽佩弘治十七年舉於鄉明年成進士將閣試逆旅中若有祿者云起來試得春陰題遂以所聞授庶吉士以親老乞南改南京吏部主事弟某由國二句入之因登上選子生試政欲言文選求間曹韋正色拒之轉兵部員外郎有快船歌薦方物中貴每抑役之韋厚資給權卒其害遂減半遷禮部郎中政與國學提關舊格以諸生衣冠流一切務為姑息韋曰政尚法不尚情馭民以刑馭士望禮禮有弗協於士何尤於是釐正條目士用肅然升河南提學副使擢南京太僕寺少卿

丁母吳憂邁病在牀哭必痛絕水漿不御數日遂以毀
成一家不與雅頌同趣漢魏降於雅頌唐體沿於國風
以雅文爲近詩未有不流於宋者也故其詩婉麗雋永
子逢元字子新一字貞侯號吉山博極羣書書畫詩詞
兒貴佳不必仕宦故逢元不應科目超然富貴之外世
令顧璘聽事書室必遍揭逢元之字與詩人有丐文者
誰重如此韋從弟韜字欽晦亦有時名商於汴李夢陽
以壽其父秋林翁

論曰伯春嚴正有守與趙龔吳三君若合針芥一時武職
矣清惠當官盡職持已剛方父師之教也辣齋直節有
聲聞子新乃獨以文詞書法顯豈非翩翩濁世之佳公
二沈謝盧凌鄭王李黃胡傳第六十一

沈琮字廷器南京旗手衛人曾祖福從明太祖戰鄱陽

彬琮舉正統九年鄉試十二年成進士官御史剛直敢言
與參議朱貞共平黑虎諸寨賊威望甚著璽書褒美尋卒
齋稿朱貞字惟正亦旗手衛人祖琳父皞繼爲沐府塾師
小學貞舉景泰四年鄉試天順元年成進士歷至磁州
貞慮擾民禱於河魚涌出改知鄧州至卽革陝西等處
以蘇土著時襄陽劉千斤作亂將兵過境者率無紀律
餉士卒按轡以受無或譁遷南京刑部郎中出爲四川
洗撫馭西羌剽掠者不入松潘境黑虎寨恃險不服以
里故人多貸金錢貧不能償者悉焚其券嘗創爲真率
有息軒稿同時句容張紳字仲書正統十年進士除行
清理屯田處置有法擢陝西按察僉事轉布政司參政
流氓以功進階奉政大夫改山東參政峻潔敢爲琮從
九思字天啟自號頤貞子琮兄瑄之孫也幼有亢宗之

素工詩書云唐詩自
多器風詩明徵今
於才學有南原集
其詩文最富曰生
爲有重逢元爲大
以謂軍物贈逢元其
詩又作秋林歌
之中乃有四君子奇
諫垣欽佩德之不墜

死之祖庸廕百戶父
出爲四川按察僉事
官葬鳳臺岡著有休
母平仲微之女也通
州朝命中官取異魚
夫與州民更借走還
夙戒儒生具衣巾供
議總督糧儲宿弊盡
平之尋乞歸周郵鄉
優游十五年而卒著
雲南道御史
其起問室上起居退

卽下帷攻苦迄中夜不休母武憐之躬辟纊以佐其勤九思乃陽就寢察母臥而後起竟讀以爲常父紋病殆九思泣禱請以身代病遂愈尋舉嘉靖二十二年鄉試肄業南雍私居必正衣冠言動皆以古人爲法時呂坤爲祭酒待以殊禮至呼爲畏友而不名遭母憂哭三年不輟給事中賀涇端人也獨重九思有勳貴爲涇所持奉千金求援九思拒其金而陰爲解勳貴德之甚終不敢顯言謝也後以會試至京病困謂友人曰吾生不獲祿養而又無以揚親命也以諸君之義得歸骨從祖宗於地下則死且不朽聞者泣下亡何卒著有頤貞堂稿今石城門內有沈舉人巷其故居也九思子鳳翔

鳳翔字孟威少承父訓讀書勵名節舉萬厯四年鄉試二十年成進士除蕭山知縣縣濱江圩田以畝計者九萬餘隄決滙入稻田悉腐嫁賦他腴田鳳翔曰吾不能令瘠者腴而可使腴者瘠乎乃築堤堤成巨浸皆沃湘湖故產蒲用以糞田而侵沒於豪家鳳翔悉清釐之憂歸服闋補戶科給事中遼東稅監高淮訛言敵闖入自調千總射殺之鳳翔疏言闖人不典兵祖制也極論其無臣禮

梁永監稅關中秦人怨之御史余懋衡將劾永永銜懋衡因膳人置毒事覺以聞永懼嫁禍於咸陽知縣滿朝薦誣其縱劫供御物遣緹騎往逮鳳翔力言朝薦無罪而永可誅朝薦得末減尋奉命冊封襄藩所至必有詩風土民隱可備采擇還至家卒子懋滋懋膚懋衷懋壑俱應天府學生孫欽繩欽矩欽律

沈鍾字仲律號休齋上元人爲諸生時宿學舍鐫門絕游該博五經做衣藍縷家人請更製笑曰讀書不成有愧斯服景泰七年舉鄉試第一天順四年成進士父憂居廬三年未嘗言笑服闋除吏部驗封司主事疏請養母改南京禮部主客司所得俸資必跪奉母時弟鑑爲應天諸生遇公事鍾命弟騎以往而已徒步至部署且不令知崔恭掌吏部欲見鍾而使人借書鍾陽若不喻卽借與有同姓者挾書往見恭笑曰豈使人誤耶鍾所友惟羅彝章懋等修身體道稱十君子成化中拜山西提學僉事吏部堂參長揖不拜崔恭延入握手語曰吾今乃得見子矣山西之士其自此興乎尋以副使提學湖廣李賢謂閣臣尹旻爲座主當候見鍾問所居賢顧座客曰今之不識相門者仲律一人耳改督學

山東再疏乞休歸無居宅笑曰淵明三徑吾一徑也無乃隨子居江夏賦詩與沈周吳寬唱酬無虛日病中曰吳匏庵神遊江湖來邀我也遂十三著有休翁詩集鑑字仲威後舉成化四年鄉試八年成進士官主思古齋集鍾子寶

寶字惟善選爲楚靖王府儀賓以議大禮加一品服父罷官貧甚迎至別室以奉之日具酒邀賓客鍾不耆飲任客自酌論詩不倦年至耄耄時寶養志之力也寶亦工詩當正德時流賊劉六輩作亂有司籍民兵丁抽一猶不足將不成丁者抵數又不得已僞以虛名填冊曰未生保間里驚惶寶作詩傷之云未生保舊冊新供查對了甯死只愁官打拷作三丁報誰爲里正誰屯老過堂官怪成了少丁丁研審盡同名此理看難曉抱屈含啼向官道但恨兒孫生不早大半成丁猶襁褓在腹名爲未膏血不充官一飽春日隕霜還殺草前年民戶損七分官廩何曾到流殍俚蓋寶錄也後坐事勒爲民

謝芳字景昌先世自贛徙南京遂爲上元人芳舉景泰七年進士歷官南部主事轉郎中出爲永州知府以孝行稱蒞政亦有能名子承舉初名瑛卿一字子象八歲能詩長從吳瑄學儲懽在南京考功引與同社生平賦剛發諸詞翰環奇豪縱字近米蘇詞類少游十舉不第退耕國門之南取謚傳中語自號野全子與人論古今治亂文章高下聽者卻坐斂衽劇飲引紙漫書四座若無人雖醉無嫚語貴卿賢達必盡禮致問乃答氣度昂肯少貶暮夜急遽未嘗廢禮與徐霖齊名俱以美須行九人稱髻九又稱二才子霖詩學西厓承舉學白沙所著有采毫日得諸錄東村西游在客廣陵雜錄湘中漫錄卒葬江甯桐墓村同時江甯任德字仲修弘治三年官衛經歷亦與承舉及霖才相埒人稱任謝又稱任徐承舉弟僉舉字良舉字子隱廷舉佚其字皆工詩畫家庭燕樂甚歡孝友慈惠顧璘陳沂咸承舉子少南

少南字應午一字與槐博學多聞舉嘉靖四年鄉試十一年成進士除南

部主事就改大理寺評事進
天過慶都上言慶都有堯母
葬非古與葬興獻后大峪議
學僉事好獎借士類擢陝西
諸稿又有全州志七卷子懋
諭仕至新甯知州諸生欽其
先辦民爲立生祠以祀之
盧雍字廷佐一字保竹上元人
雍舉景泰四年鄉試天順元年
建參議歲饑盜起雍撫安振
十餘本有司以聞詔旌其門
竹間與弟熙泰和緯四人相
布政使編祥刑集覽一書以

其先吳人父至善以富戶徙
書薦官主事從弟誠宣德四年
御史升廣東僉事平新會陽江
挂齒人皆高之

凌文字從周上元人景泰元年
賊呂總聚眾剽掠文捕斬之斬
事外飾以文學推重一時子雲
知縣民苦衛卒侵擾雲翰按其
之令贖歸而爲制產以贍之調
鄭禮字中夫江甯人景泰七年
府知府會大水禮發倉振民監
壑矣如以矯制罪守守無所恨
字廷玉世居琅邪鄉官安岳知

御史督學畿輔得楊繼盛文大賞之已從帝幸承
伏於祀典請祀之帝曰帝堯父母異陵可知合
卽拜春坊左司直兼翰林院檢討出爲廣西提
議督學秦中遷左布政使著有河坂謫臺粵臺
懋垣孫杞字君含舉天啟元年鄉試補元城教
裔多執經問業者杞和平近人不事催科賦額

少有孝行才識開敏同縣顧敬賞異之妻以女
成進士歷兵部主事至郎中能聲大著出爲福
親歷賊巢諭散之遭父喪歸廬墓三年產芝二
闕分巡浙東迎養母於公署復有五色芝生叢
愛爲政多治績所至皆有興革累升至湖廣左
司刑者式弘治元年致仕卒於家顧敬字惟禮

師敬舉永樂九年鄉試選淇縣教諭弟謙以楷
舉人敬子儼字廷望以經明行修薦歷陝西道
賊乞歸結茅城東與故人置酒賦詩世事不以

舉於鄉天順元年成進士累官至湖廣參議湖
更大饑撫按檄文振濟所活萬人生平謙重不
翰字伯道弘治二年舉人十五年進士除德化
肅者真於法遂以帖然有鬻妻養母者雲翰聞
晉水升全州知州皆有惠政

舉於鄉除襄陽府通判進大名府同知擢南安
寺以未上請難之禮曰待報而後發民皆委溝
舉行之同歲生句容蘇潤高諤亦以循良傳潤
亦泣政謹慎諤字士傑世居移風鄉廉介不阿

仕至溫江知縣禮孫濂

濂字師周號石村舉正德十一年鄉試嘉靖二年成進士除行人兩使藩府饋贖一無所受轉山東道御史巡按兩浙廣西有能名升湖廣按察僉事以父憂歸事母盡孝設榻母側旦夕候問起居母稍不釋卽長跪以進甘旨母卒濂已老矣猶哀毀逾禮里人著純孝傳以稱之待二弟淮河無閒言居鄉絕迹公門年八十餘卒淮字惟東以嘉靖元年舉人與兄濂同歲成進士除戶部主事通敏有才銳意改作上官深委任之由是中忌出爲德安知府旋免官歸乃究心天文地理兵法河防諸書欲見諸行事竟資志以卒河字師程一字沙村嘉靖九年舉人二十三年進士官至岳州推官

王韶字思舜句容人景泰元年舉於鄉官至蘄州同知因次子陵選楚府儀賓改合州知州持身端謹爲政亦平易近人歷官兩郡民皆戴德暮年歸老於家詩酒自樂與同縣李瑛及戎世安孫士勉王孟德張世安黃貫之許廷節許本澤爲華陽之遊自號歸閒道人輯有容山鍾秀集陵字仲高授亞中大夫李瑛

字廷玉一字璞庵諸生有學行性度坦夷成化初提學陳某建興社學擇立師範以瑛爲首知縣張某深重之後以衰老辭隱居茅山屢薦鄉飲大賓著有名山百詠

李景暘原名旻以字行上元人舉景泰七年鄉試歷官至御史雲南按察僉事辨雪冤獄貪墨者望風引去生平尚名檢嘗曰吾無貲財以貽子孫惟貽之詩書則惠爲有餘矣好學至老不倦著有容庵稿弟景星字應德一字天祥號鶴塘少侍伯兄游鎮遠從高鑑受詩歸充嘉靖元年歲貢夙有至性親喪三日不食葬祭悉用朱子家禮友于兄弟兄沒善撫其孤與朋友交急人之難不計小怨見牧民者政事非彝思得一邑自効未遂而卒景暘子僑字承高正德八年舉人

黃縉字明章六合人工書天順三年與同縣詹佃並舉鄉試除邯鄲知縣有鄰境官被誣上官委勘縉廉得其情風力大著擢黃州府通判佃字良弼官修武知縣疏請蠲免積逋爲民累者後以不媚權貴調福建補永春知縣又謝瑄字

廷璧成化十年舉人官東昌府通判治河決有功歷吉安寶慶二府同知以疾歸

胡漢字朝宗句容人天順六年舉於鄉選澄城教諭精於經學善詩文嘗應聘主順天鄉試屬賊犯邊僉事嚴某素贖貨迫漢攝某縣事漢一無所餽遂誣以失陷邊儲罷歸素性坦易甘淡泊遠近士多從之學遂老於家又季璘字饒瑞六合人正統三年舉人歷鄆陵邳遂平教諭潛心學問晚歸里知縣唐詔延修縣志

論曰沈琮功著平寇與朱貞張紳同有威名九思敦行勵學剛正無私謝承舉內耿介而外華藻皆篤實之君子也沈鍾當官守道不識權門盧雍愛民恤刑加以孝友以及凌鄭王李黃胡諸人俱能持已清廉不負厥職傳人循良洵不愧已

金陵通傳卷十一

弟作儀參訂受業夏仁沂校字

金陵通傳卷十三目錄

第六十二冊

李應楨 莊景 石淮 馮浩 郁珍 魯昂 湯鼎

第六十三冊

金澤 子達 黃肅 蔣法 任彥常 金冕等 沈庠 吳彥華 吳泰 丁鏞 潘珩 李春

凌傳 陳鉞 許暘 孫棐 袁濟 甘應奎 曹祖齡

第六十四冊

陳鎬 父職 弟欽 陳榮 子府 陳銅 父愷 弟鏡 子沂 沂子時萬等

伊乘 子伯熊 孫敏生 曾孫在庭 張志滔 子舍

第六十五冊

任義 孫友忠等 戴文冠 宗人谷安 王珉 朱景成 周甯 何昂 梅洪 丁

孫文達 趙承行 翟鳳鳴 史相 陳翥 楊璣 孫隨 吳嘉珉 魏倫三

金陵通傳卷十三

李莊魯湯傳第六十二

江甯陳作霖伯雨纂述

李應楨原名姓字貞伯上元人好古博學篆楷皆入能品與官牛玉欲延為塾師固拒之以工書除中書舍人成化中入臣聞天下國家有九經不聞有佛經也不受命幾獲罪由且郎中尚寶寺卿太僕寺少卿平生慕范仲淹之為人名所早若不可親然喜交遊好汲引朋友死經紀其喪尤明時務制議欲逐散之應楨上言流民墾田築舍為定居逐之祇益亂增置府縣如其言尋以年老乞歸卒之日無以為斂友人立著有李氏遺集

莊景字孔陽一字水齋江浦人本宋丞相章得象之後祖志詩文精數學明初屢薦不起成祖北征上書言時政十事帝

通傳卷十三

作霖伯雨纂述

景泰四年鄉試中
即寫佛經應楨抗言
仕皆在南歷兵部
日范齋氣象嚴峻
囊有流民相聚朝
不如因而撫之後
林史鑑買地葬之

甫逃名更莊氏工
嘉納之父詔有隱

德景自幼者古博洽長肆力聖賢之學景泰七年舉於鄉成化二年成進士授
 檢討以諫內廷張燈忤旨廷杖二十謫桂陽州判言官論救改南京行人司副
 居三年母憂去繼丁父艱哀毀喪除不復出卜築浦口臨江建亭林緝熙榜曰
 臥林因號臥林居士遷居定山二十餘年談道授徒四方咸集嘗言人當先學
 理不當學事學理自有脫化學事雖聖人不能盡也學者稱定山先生巡撫王
 恕欲為葺廬辭之生平不尚著述有所得輒見之於詩詩以堯夫擊壤為宗草
 書自成一家與陳白沙齊名薦章十餘上部檄屢趣俱不赴大學士邱濬與景
 不協語人曰率天下士背朝廷者景也弘治七年有薦景者奉詔起用景念濬
 當國不出且得罪強起入都閣臣欲以翰林還之濬聞曰我不識所謂定山也
 乃復補行人司副俄遷南京吏部郎中以病風乞歸居二年卒年六十三天啟
 中追諡文節祀鄉賢著有定山集定山有雙泉橋天峰閣活水亭溪雲諸勝時同縣祀鄉賢者有石
 淮馮浩郁珍淮字石洞天順四年舉人與景同歲登進士改庶吉士歷戶部主
 事河南四川提學僉事正直方嚴尤有藻識浩字養正成化十八年舉人二十一

三年進士歷官江陵知縣夷陵知州珍字君聘以會試副榜歷義烏固安教諭
 勵行植教有冰檠聲再典文衡公卿推重遷南京國子監助教擢魯府左長史
 賜四品服歸弘治中與石淮修縣志焉景孫必壽字二水幼慧工文善書法侍
 母疾親滌溺器衣不解帶以諸生食廩餼聚所入俸銀以置義田贍族俄充歲
 貢生嘉靖中仕至常州教授勤於教誨嘗謂庠序有篤行而後天下有人才與
 楊復所論主靜之學復所歎曰乃祖衣鉢有寄也後卒於官

魯昂字廷瞻江甯人成化四年舉於鄉二十三年成進士歷至兵科給事中會
 院判劉文泰誣奏尙書王恕出閣臣邱濬意舉朝莫敢訟言昂獨摘發其奸又
 中官李廣駙馬齊世恩奪民田下昂勘問悉還之民轉戶科已李廣以罪自殺
 昂請按賄簿究問事連太常少卿楊瑛反為所陷下詔獄訊鞫無驗謫蒲圻知
 縣遂歸語及時事輒悲慨尋以例復原官

湯鼎字用之一字鐵翁句容人居福祚鄉史作壽州人著其原籍也幼穎悟應天府尹張孟
 觥嘗試以聯云室內焚香烟繞熏爐蟠白蟒鼎應聲云池邊洗硯墨隨流水化烏龍孟觥大稱賞以女妻之旋舉成化十年鄉

試明年成進士除行人轉御史孝宗卽位首劾大學士萬安誤國欺君明日
至左順門中官森列令跪竄曰令竄跪者旨耶抑太監意耶曰有旨竄始跪
宣旨言疏已留中竄大言臣所言國家大事奈何留中已而安斥竄亦出
馬馳疏言陛下視朝之餘宜御便殿擇侍臣端方謹厚若劉健謝遷程敏政
寬者日與講學論道以爲出治之本至如內閣尹直尙書李裕都御史劉
郎黃景姦邪無恥或夤緣中官進用或依附姦佞行私不早驅斥必累聖明
禮中官李榮蕭敬曩爲言官劾罷尋夤緣復入遂摭言官過貶竄殆盡致
委靡宜亟正典刑勿爲姑息諸傳奉得官者請悉編置瘴鄉示天下戒且召
仕尙書王恕王竑都御史彭韶僉事章懋等而還建言得罪諸臣以厲風節
聞已又劾少傅劉吉姦貪王恕以盛暑請輟經筵竄極言不可語侵恕當昇
帝更新庶政言路大開新進者爭欲以功名見而竄意氣尤銳人目爲湯殿
大臣多畏之御史魏璋希劉吉意日夜伺竄短會四川饑詔郎中江漢往振
書舍人吉人言漢不勝任因薦壽州知州劉槩等可使而竄宜爲巡按璋

吉人抵抗成命私立朋黨帝怒下人詔獄璋又嚙同官陳璧等言劉槩嘗
白金貽之書謂夢一人騎牛幾墮竄手挽之得不仆又見竄手執五色石
就道因解之曰人騎牛謂朱乃國姓意者國將傾賴竄扶之而引君當道
槩等自相標榜詆毀時政請並逮治既下詔獄吉欲悉置之死刑部尙書
新等持之乃坐槩妖言律斬人欺罔削籍竄受賄成肅州後以吏部尙書
言減槩死戍海州竄既戍無援之者久之始釋歸杜門不出竄瓢晏如自
山居士卒祀鄉賢

論曰貞伯定山學術雅正剛直敢言經濟文章內外交養洵理學名臣也餽
用之隨事納諫白簡生風獵者網羅幾食其肉豈汲黯愚忠三代下真可負
不可爲哉

金黃任吳丁凌袁甘傳第六十三

金澤字德潤江甯人天順三年舉人成化二年進士除刑部主事進郎中累
四川參政蜀寇猖獗以計討平之會歲大饑詔給糧二十萬石以振澤輸稱

方全活甚眾西南夷酋贄謝一無所受轉廣東布政使以右副都御史巡撫江西擢南京刑部侍郎尋改兵部轉右都御史致仕卒於家澤歷事三朝凡四十八年轉十四官而無秕政性孝友居平不以毀譽加人門無雜賓室無姬媵人稱爲全德君子所著有容菴集子述以廕官郎中達字達卿一字望山弘治九年進士除信陽知縣升太僕寺丞官至廣東按察僉事勦平大帽山賊以功績聞

黃肅字敬夫六合人成化七年舉人十四年進士除新鄭知縣入爲工部主事進刑部員外郎出爲廣西按察僉事士官趙源妻岑氏以賄謀立假子肅不受竟立其姪思明又平黃紹岑濬之亂東塞蠻叛肅從間道破其巢遂潰以功進湖廣副使年八十六卒著有靜菴集子驊字德遠嘉靖三十一年舉人官至南昌府同知驊孫三策萬曆二十八年舉人與肅同時爲監司者上元蔣浚字惟深號拙齋性孝友尙樸實舉成化十六年鄉試二十三年成進士歷官南京吏部郎中江西參議致仕微時居下街口有樓三楹讀書其上及罷歸居無易宅

猶處此樓人罕見其面未幾卒滋愛讀通鑑綱目每閱一過卽以一色筆評注凡數閱五色皆備顧起元曰前賢操履清貞矯矯人外卽其終身學古無他者好亦足見純樸寡欲之一端也浚子志學字小渠以恩貢生官贑州府通判清白自矢志學孫尙彬字質甫事祖母繼母以孝聞崇禎中以貢待選教諭尙彬子士瑋 國朝順治九年進士

任彥常字吉夫南京江陰衛人天順六年舉鄉試第一成化八年成進士除南京戶部主事歷至福建按察僉事提督學政深得士心致仕歸入府諸生至京保留凡上十二章不報歸與金冕沈庠等十二人遊結詩社題曰清恬雅會著有克齋稿金冕字彥端上元人父銀一作振字子宣高隱不仕著有竹溪集兄章字質菴成化十一年進士知黃梅縣有惠政行取爲御史冕舉弘治三年進士官至貴州按察副使張孫清字廉夫號石莊嘉靖八年進士以御史巡按浙江瀚字受夫嘉靖十年舉人溘字仁夫嘉靖七年舉人官至兗州府同知沂字源夫嘉靖十四年歲貢生沈庠上元人成化十七年舉人官至貴州提學副使又姚黼字大用江甯人成化十年舉人官至知府工詩古文詞亦著有克齋稿又

有休齋集

吳彥華字汝和南京留守後衛人舉成化十六年知試明年成進士歷官至戶部郎中出為荊州知府荊州故有水患民多流移堤善撫字增戶口九千餘奇進四川參政開瞿塘二峽以通行旅民甚便之以忤劉瑾罷歸瑾誅復官浙江布政使疾革語其妻曰生平不愛錢今死毋以我為市遺命斂畢三日即出賻贈一無所受同時江浦吳泰成化七年舉人八年進士由松陽知縣擢南京御史遇事敢言嘗疏起錢能歷撫州知府福建鹽運使左參政轉廣東右布政使所至皆有政績卒於官

丁鏞字鳳儀上元人成化四年舉於鄉明年成進出為興化知府治行雅循而明斷過人嘗折疑獄工詩好遊多宿山寺居則焚香展卷左經右史每不愧乎古人著有石厓集同縣潘珩字重玉父傑具泰五年進士官工部郎中

珩少有文名舉成化十六年鄉試官南康府同知復白鹿書院歲饑發粟以振全活萬人轉袁州府同知又李春字志仁亦上元人以貢生選建安縣丞修廢革弊政著能聲鄰縣有疑獄上官令往治之遂得理在位六閱月卒民懷思之

凌傅字汝弼句容人居崇德鄉生平端重寡言博學強記長於詩文舉成化七年鄉試除象山知縣多善政嘗修學宮築岳頭陳二塘得田四千頃民深賴之以勞卒官著有鳴蟬象山等稿象山人祀之名宦句容鄉賢亦祀之同縣陳鉞字良弼成化二年貢生除攸縣知縣勤謹和厚吏畏民懷及歸人多送之以詩許嵩字宗寅成化五年進士除貴溪知縣廉介不阿以事忤上官罷歸夙工詩文尤善真行書人得之如拱璧棗同縣袁文紀字邦振成化十三年舉人除龍游知縣明公有威豪強懼服文紀子架字介石正德十一年貢生除泗水知縣劾吏胥除奸弊有以金饋者卻其賄懲之自是門無私

鄉賢

袁濟字訥菴溧水人成化二十年貢生授易州判官兼督捕俸入悉以造屋於野招民聚居以防盜行旅賴之稱為袁公店上官嘉其廉幹委以轉運尋卒官甘應奎江甯人成化十八年貢生除嘉興訓導勤於教士雖盛暑隆寒必公服危坐以督課俄遷龍南教諭同時句容曹祖齡字永年亦以貢生選甌甯訓導遷青縣教諭為人質實無華誨人不倦焉

論曰金黃任吳諸君任崇方面無愧監司丁凌以降官雖遞卑莫不有一節之足重不朽之稱有由來已

三陳伊張傳第六十四

陳鎬字宗之號矩菴南京欽天監籍其先世與童軒之祖俱精天文童定居淮陰地發遲陽地發速吾二人審擇而得其處子孫必有興者父獻字廷玉號與竹天順六年舉人官豐城教

諭訓士有法鎬少有文名成化二十二年舉順天鄉試第一明年成進士累官至郎中出為山東提學副使性平恕嘗夜至濟陽公廨庖人進膳而忘筋鎬略

不介意或請啟門索不許左右乃削柳條為之鎬曰禮與食孰重竟不食啖果數枚而已素善飲酒父慮其廢事寓書戒之因命工製一酒器鐫其上云父命戒酒止飲三盞凡按試三年公廉詳慎遷江西參政轉湖廣布政使與洪鍾被沔陽賊楊清於麻穰灘倣以副都御史巡撫其地遂會勦藍廷瑞於石泉計禽趙風子於商城餘黨未盡鎬曰民可驅而為賊顧不可還賊為民乎於是移檄諸郡脅從者不治湖湘間素服鎬威信見檄即散論功廕敘推兵部侍郎搜山染瘴以疾乞歸命未下而卒謚清肅著有矩菴漫稿金陵人物志貽謀集弟欽字諒之號自菴與鎬同舉鄉試同登進士除南京兵部武選司主事有武庫郎中婁性被誣下獄欽奮身疏其冤詔並逮同繫者二年性病篤周旋之得不死出獄改職方司主事守山海關政令清肅遷刑部員外郎勘事金齒出為廣平知府周達民隱民稱之曰陳母擢廣東提學副使時兄鎬亦提學山東人並前鄉會其捷謂之兄弟三同生平不輕交納服官二十年約素如諸生喜汲引後進詩文典則開遠尋卒官著有海南聯句自菴集與鎬同祀鄉賢鎬裔孫國瑞食貧力學隱居鳳園歲飢

上振荒條議當事嘉納之

陳榮字仲仕上元人祖集明初自處州徙實京師榮生而偉岸舉成化十年鄉試除仁和知縣縣居浙會城政賦龐雜榮案無停判篤意愛民不以毀譽禍福動歲旱請減民租什五上官曰二亦足矣榮曰災應如是奈何厲民以豐國乎卒守前議方冬與築海隄民多凍死榮曰邀遠利以蹙近害民何以堪遂罷役有大璫至杭借修梵教為侵斂榮執義爭辯竟免濫耗已而毀尼舍增飾學宮建社學十許所風教日振御史歲巡咸旌之嘗上御史吳一貫時政十二事曰愛民力正風俗崇節義戒侈靡惠良善屏豪惡育人材厚葬倫慎刑罰長仁愛謹出納清固圉一貫薦之為忌者所沮遂去官買田南郭匿迹養病年七十四卒墓在李子府字孔修性好潔與人寡合正德九年舉於鄉十五年成進士遭憂嘉靖二年補殿試歷知肥鄉清江永豐諸縣擢南京陝西道御史持法嚴峻不獲於鄉人值主者怒臺屬遂劾罷之杜門謝客生平能詩文工筆札曉音律既家居因鬱鬱以終府弟庭亦有名

陳綱字堅遠晚號遲宜子南京太醫院籍祖瑤字伯俊號菊隱父愷字仲和號

艾菴皆以醫世其家

愷得異人書藥人疾一匕輒愈世稱

而綱獨不喜醫族父

都御史濂勸愷使習儒善書工詩遂舉成化元年鄉試除黔陽知縣夷俗居喪好擊鼓歌舞綱教以歌古哀詞俗乃變縣城當沅湘合流數決壞廬舍綱募人采石甃隄千餘丈水不為害南山崖官道數里徑窄甚行者多墜崖死綱積薪燒山沃以醴拓徑丈餘外繚以索行者便之掘地得宋義士張捍謁宋令饒敏學寶山書院碑乃復建書院於赤寶山下祀二公於後寢忽大水漂木數百株以供用民以為神又築南山書院休沐讀書其中綱病民爭籲神願減己算益鋼壽尋遷長沙通判監修吉王府第工竣王賜以金帛不受請王故第材修嶽麓書院掘地得古甃曰既成以祀晦菴南軒二公弘治元年丁母憂歸卒長沙黔陽並祀之著有遺澤稿綱嘗題花瓣有藏裙帙間者其子沂裝畫所寫蕃馬峭勁如生子四沂浚涪潮綱弟鏡字玉泉天順六年舉人歷丹陵知縣武昌通判以廉聞無子以綱子漢嗣

沂字魯南初字宗魯又字石亭十歲能詩十二作赤寶山賦素好蘇氏之學文
自號小坡弘治十四年舉於鄉正德十二年成進士改庶吉士授編修進侍講
嘉靖初與楊慎再論大禮修實錄出爲江西參議遷山東參政以不附張孚敬
桂萼改山西行太僕卿遂乞歸築遂初齋杜門著書絕意人事喜遊名山水初
與顧璘王韋爲金陵三俊後益以寶應朱應登號江東四大家著有遂初齋拘
墟館二集金陵世紀金陵圖考皇明翰林志詢芻錄維楨錄存疾錄畜德錄誨
似錄語怪錄善諱錄花巖志游名山錄晤言詩談總若干卷又有金陵志山東
通志南畿總志皆出筆削久之卒於家墓在安德鄉岔山繼妻馬閒卿字芷居書學大
蘇與沂相類善山水白描年近八十尙不廢吟咏子時萬時億時兆時萬字孟
錫一字東冶有才名嘉靖十三年舉人官淄川知縣時萬子六宏度宏業宏化
宏典宏詰宏訓而宏化最
知名宏化字衡麓其子國賢字惺凡嘗跋遲宜
子稿國賢傳聖初志謙綏猷俱能不墜儒風時兆字叔行一字丹壑應天諸
生與盛時泰顧銘爲世外交又喜共長干僧法會與元課元談藝放浪於山水
開時兆子宏德字紹
壑孫其賢維賢沂從子時伸字元晉嘉靖三十四年舉人由教授歷上猶

知縣順天通判廣平同知乞歸居里十三年多玩世達生之旨晚號兩峯老農
著有遂閒堂集南華百篇稿嘗云一生研究南華每通一解輒得一詩蓋皆天
籟也時伸子宏周字士成號寶麓官廣東縣丞宏周子朝賢孫
日介善謨啟洛宏周從弟宏世
字延之諸生工詩著有延之詩集其金陵古蹟詩與陳瓊金陵百詠章恩金陵
覽勝謝雜白門新詠俱傳沂曾孫繩武字次伏號青峯幼孤終身不食兼味不
衣裘帛母喪三年未嘗見齒性好施予每日必富而爲此彼不及待矣以故人
推重之

伊乘字德載上元人弱冠勵志聞鄞縣楊某精易遂從之學舉成化元年鄉試
十四年成進士除南京刑部主事轉員外郎累至四川僉事分巡州縣每視學
畢卽審獄中免滯一方稱神拯荒捕盜民賴以安年未五十以親老乞歸佳評
事街家居二十年未嘗謁府縣至老好學不倦著有味淡集子伯熊字子光正
德二年舉人官至柳州府同知著有易學講義四卷伯羔正德十七年貢生官
訓導伯熊子敏生字可蒙嘉靖四年舉人十一年進士官知縣升御史與同官

鄭芸等奏嚴嵩私宅乃郭勛家人孫澐所賃澐籍沒嵩宅應在籍中帝怒奪俸一級後官至山東參政伯羔子直生以諸生官訓導敏生子在庭字維美嘉靖四十四年進士官至南京兵部員外郎著有讀易筆記宗人澤宇紹先工詩著有九峯樵唱集裔孫廷聘 國初諸生有詩名

張志澐字進之江甯人成化十九年舉鄉試第一明年成進士除吏部驗封司主事轉稽勳司員外郎會馬文升子錦衣某來屬事不從歸諄於文升文升不信而陰訪之乃服其清公時北邊報警兵部尚書某欲薦張綵爲僉都御史志澐曰綵姦險無學術好亂而談兵亦妄也某曰吾急於取才志澐曰才須有行若無行恐才不可獨任後綵果附劉瑾而敗志澐累官太常寺少卿至南京戶部侍郎著有南園集南園漫續二錄西銘通永昌二芳記子含字愈光少與楊慎同學嘗除夕以詩遺慎慎父廷和亟賞之謂當以詩名世正德二年舉於鄉吏部尚書喬宇重其才欲使就銓選不從歸以遯野荒民自號足迹不入城市嘗自言其文辭寄贈在窮困節義之交頗有萬言不竭之才於通達周旋之友

輒有片言卽窮之拙著有禺山詩文選艱征集戊子吟年八十餘乃卒含弟台字懋觀幼敏悟十歲能詩兄含攜示顧璘璘和贈之以嘉靖元年舉人十一年進士歷官至湖廣副使著有賁所詩文集臺閣名言

論曰陳矩菴澁官湖廣恩威並著自菴誼敦舊故清惠宜民可謂二難矣仲仁遲宜官卑近民而皆能舉其職漢代循良不是過也魯南不附權貴著述滿家談金陵掌故者資爲指南豈非文林之碩彥哉伊德載世傳易學可蒙直觸分宜當官而行何強之有張南園清公藻鑑愈光兄弟緯之以文辭雅望彬彬世濟其美焉

任戴王周梅孫史陳楊魏傳第六十五

任義字淑禮溧水人正統初歲大饑義出粟二千石振之事間旌爲義民勞以羊酒免本戶雜派差役五年同時出粟振饑者句容孫友忠朱濱朱儁各二千五百石唐得全三千石六合胡瑛字叔達與弟瓊珣共一千石義子思德天順八年納粟八百石拜義官思德子三清甫當荒歲嘗振粟四千斛詔旌其閭後

復振粟二千石施棺木千餘華甫別設粥於城隍廟活饑民千餘人和甫亦以
運粟赴北京拜受冠帶裔孫濬見後傳

戴文冠字正生句容人族有訟未決文冠痛哭於家廟族人感泣乃罷訟有戴
元憲者爲捕役所迫以盜自誣且稱奇賊者三十餘家文冠叱之曰勿枉無辜
乃可自活誣者賴以獲免宗人谷安兄弟二十二人同居正統景泰間出粟二
千餘石振饑又有名睿者七世同居成化中旌義門

王珉字宗潤一字拙軒句容人居承仙鄉性孝友親喪營葬悉遵家禮弟璿知
萍鄉縣每以清慎勤勸之處鄉里公直是非不白者以理論之輒服尤篤學問
好吟咏於地理星命之學亦究心焉年八十膺冠帶同縣朱景成字一眞簡重
不佻力學者古教子孫以耕讀爲業飲酒微醺輒歌咏自娛徜徉於四平山中
若與世絕號四平山人有甘隱卷自題詩其上又周剛字南強一字用柔亦句
容人選充韓府儀賓晚年遁迹深山不入城市著有草窗集
周甯字用謚江甯人性端介諸子居常侍食未嘗命坐諸女未有家者不得踰

閩限嘗云家政猶國也非勤弗獲非嚴弗齊非儉弗聚作謝室額曰隱齋子溥

洋濟同縣何昂字以高生而敏達初事舉業尋棄而學詩造語清麗者酒喜音
家饒於貲嘗游江湖間與賢豪相徵逐嘯傲窮日夜不倦以財畀所親行賈信
之不疑遂耗其家以貧卒

墓在新亭
鄉岳家山

又金純字尚德上元人生平坦夷諒直嘗

曰吳俗浮舊京夸皆吾土也生而沿之如草木焉不自矯異將奚取於吾人其
刻勵如此容有賴其力以脫難者懷百金爲謝純正色拒之曰非純心也子伯
鏗季軒皆治易與顧璘同師

梅洪溧水人少孤事母孝每膳必以甘脆婦不樂輒有後言洪覺之乃出婦自
是獨與母居二十年不言娶後其母瞽洪行必負之且泣曰天平安得使吾母
一見孤兒哉無何目忽一明人皆異之母卒洪悲號若嬰廬墓三年知縣某聞
其賢屢訪之洪輒避去知縣語其鄰曰孝子溥令耶吾且欲教孝子以道孝子
其有意乎洪聞始與見知縣曰惜哉子未學也子志於孝而勿娶是不知無後
爲大也是使子父母傳子而絕也奚其孝洪泣下知縣乃爲內婦生子家益貧

婦數求去洪嘆曰吾昔也子而婦今也父而母命也復何言婦竟去鄰有兄弟爭產洪願分已產以償所爭爭者慚而解里中兒有目攝其母者見洪大悔其行洪嘗倡新白侯廟諸富人爭餉之洪日以半升水糲自隨諸富人不敢復言餉議者又服其介洪兩遣婦皆處以禮後數歲其子卒洪亦隨卒葬於城北十里許人呼梅孝子墓同縣諸生丁濬性篤孝如洪母死廬墓知縣王弼聞其哀毀狀過慰之與之語若將厭厭從地下者凡三過無異初喪弼去濬亦無所報謝弼益高之將以聞於朝濬謝曰使君意良厚奈何使濬以大不幸者就旦夕名濬且愧死矣乃止後濬以貲爲龍武衛經歷轉湘潭知縣入都弼時在戶部撰丁孝子廬墓記以贈之稍後花犇地屬高滄有孝子不知其姓名日負薪以市嘗雪中至學宮教諭于鳳見其衣敝日何不以薪直易衣對日小人有母不暇自謀也鳳嘉之贈以錢不受固與之乃日當爲公供薪鳳堅辭之至夜則載薪投學舍園中而去

孫文達溧水人居涇溪家與李某鄰李心計其產父周六力拒之李中以陰禍

官爲逮捕文達曰父老矣兄任家政諸弟皆幼吾其行乎子然就械比對簿竟死杖下後同縣有趙永行年十二其父君朝被誣繫獄當大辟永行大慟族人憐其孝攜之叩血刑路過徽遇雨溪水暴漲漂流數十里不死詞上冤得雪又翟鳳鳴居山陽鄉父爲姚州吏目卒官土官攘其妾匿其柩鳳鳴徒步號訴冤得白卒迎柩還後補諸生

史相字元昭上元人少孤貧工畫孝養其母有司以經明行修薦妻顧謂之曰人盡臣也子實無二養而廢仕誰日無君子其辭焉相曰吾志也遂不就晚號緝熙道人子良佐字禹臣弘治十三年進士官御史正德初以言事罷既而起用仕終副使

陳翥楊獻俱溧水人居涇溪獻字秉獻諸生弘治四年將設高滄縣治應天府尹冀綺奏割崇教立信永豐永甯遊山唐昌安興七鄉隸之使獻經營建造已而行度縣基翥議建於鎮山之陽筮日起工術者謂首事者必死眾皆避去將以重囚當之翥奮然曰此事可屬之罪人乎翥請以身禱三日竟死奠而葬焉

未幾卜學基於翥墓眾難其遷葬綺日生且以身殉邑死豈不願以莫
乎遂移之時有吳嘉珉治六經不求仕進破產施予亦捐墓地為學宮
讓之又有孫暄者盡舍所有縣北地以益學宮後因廢圃築壩浚沒民
產代人輸課鄉里稱義嚙素博學能詩其著作多散失焉翥裔孫悅忠
魏侑三溧水人性慷慨時官課民養馬多以腴地為牧場侑三奮身伏
累得斷還相國等圩田六千六百餘畝後名宣馬田合境賴之其四世
萬厯三十六年水災出粟二百石以振
論曰任戴王周睦嫺任邱德洽宗黨而用謚家法尤嚴可以為鄉閭式
孫史之孝皆能為所難為非庸庸者所及也陳楊魏三人義近於俠當
利之世斯人又曷可少哉

金陵通傳卷十三

弟作儀參訂受業夏仁

金陵通傳卷十四目錄

第六十六冊

許榮子陸 孫穀 沈琪子越 越子 司馬隆黃謙 周文銓 隆

穀孫天敘 徐應坤泰族裔 必售 王霖必售子驥 駒駒從子文

第六十七冊

吳偉強銳 弟睿 史忠湯賢 弟澄 陳鐸 黃琳弟珍

蔣琪 弟雲 姚淵子之裔 孫履旋 姚奎 顧源父銘 弟澄 澄子 朱竹

盛鸞宗人安 子時泰 孫敏耕 族人脩昌 子丹 琳

通傳目錄

讓學宮

遷葬以

嚙素

覓後傳

陶訴其

孫繼倫

奚梅丁

口私自

百左

伊校字

海泰

炎杲

坡子珍

金陵通傳卷十四

江甯陳作霖伯雨纂述

許沈司馬傳第六十六

許榮字怡筠其先由侯官徙實京師遂為上元人榮儒衣高冠多蓄古書鏤板
 細帙定為市價四方文學之士入肆相取而莫之貴賤焉遇寒士輒贈以書不
 求直精本草醫藥有求診者與之藥輒效報以金卽不與又工卜筮太保周經
 嘗求占榮曰善果終善子陞字彥明性孝友伯兄蕩產悉償其逋寡姊無依迎
 歸厚奉以終好法書名畫登臨嘯咏意興閒適嘗游二茅泛西湖歷齊魯至燕
 覽昌平諸陵之概登攝山愛其泉因號攝泉居士詩務道性情不為奇險語曰
 作室不固其基而繡其椽節非吾所能著有嘉會軒稿陳沂贊其像曰軒曰嘉
 會人無泛求居曰惟適身無過求堂曰貽穀後無餘求以觀許子之面目則可
 以類求矣陞子穀

穀字仲詒號石城初生時祖榮占之有貴徵稍長從顧璘遊年二十舉嘉靖四

年鄉試屢赴禮闈不第十四年甫渡江夢人授龍墨一笏旅邸中夢持軸向者援筆作蒼龍形又夢人授牙刻圖章是科遂中第一世宗親試進士穀對策切直讀卷者恐忤上意故抑之除戶部主事管倉務以清慎舉職尚書梁材器之尋調禮部居父喪哀毀不出戶侍郎呂柟曰古稱三年憂是殆近之矣服闋稍遷吏部文選司郎中時繼任者多反前政所舉而低昂之穀曰此不肖之心也亟白尚書考選尚書欲俟覲後乃行穀曰覲官叢至一有蜚語難爲去留尚書謹其言以母強氏年老乞養拜南京太常少卿改江西提學副使轉南京尚寶寺卿致仕家居三十餘年四方游宦至者無不敬慕每款接之而不報謁曰林下當如是也徵文者屢滿戶外贄金投一竹筒中客至命採取之沽酒酣飲達旦不寐平生坦蕩煦和不設城府然涇渭了然未嘗苟合凡游博鑽營之技不敢涉其門春秋佳日奉母徜徉臺榭間子婦孫曾迭起爲壽母年八十考終穀白首盡哀萬厯十三年穀登第周甲新舉人來謁見其碧眼長頭面白皙而微鬚以爲神仙中人年八十二乃卒著有奉常省中武林外臺一臺歸田諸稿及

歸田錄子四恆吉字龍江上林苑監錄事爲人沖夷曠達焦竑嘗以序贈之元吉光祿寺署正貞吉逢吉其生平不詳孫天敘字伯倫號倫所行書師孫過庭萬厯七年舉於鄉官至裕州知州有善政福王之國各州縣認派王莊裕獨以天敘爭得免天敘弟天慶諸生天敘子延祖字無念延祖子岳皆以書名延祖兄弟

輩又有延祿延禱

沈琪字汝玉號雪厓江甯人始祖仲銘卽沈萬三弟萬四也元末萬三居長干里富甲東南豪侈自喜有弟曰貴以詩諷之曰錦衣肉食非爲福檀板金尊合罷休底事子孫長久計瓦盆春酒木棉裘萬三不悛明初以富戶安置雲南仲銘與焉貴去隱於終南山不知所終永樂初釋仲銘子榮回入南京錦衣衛籍居評事街傳信及沂沂字石岩生琪琪有隱德通毛詩長於篇什事親至孝父沂嘗建樓以教子弟卒時年八十八琪乃以瞻雲名其樓以寄慕思尤善鑑識司馬泰髫齡一見知爲奇才以女妻之著有瞻雲樓詩集妻吳嘗夢一盆浴二豸生子越爲御史弟瑋字汝栗有才名子越

越字中甫
許穀同歲
平江行取
上必得請
著書親友
始一接之
紀事前編
峯隨筆澶
田名宦弟
陽字宗明
經學兼通
雲字世升
腹子也補

初號麓邨因治別業於韓山之陰遂號韓峯修幹廣穎氣韻高邁與鄉舉嘉靖十一年成進士除羅田知縣令民墾山谷收流移戶籍調為御史巡按江西以風力著裁京衛旗役冒替賄占者數千人疏四乃已嚴嵩惡之左遷開州州判歷衛輝推官德安同知乞病歸閉戶亦不數數見南京部郎汪宗伊執弟子禮以往越辭立赤日中移時晚號新亭野老著有春秋分國便覽春秋經傳集解宋史詳節通鑑諸史撮鈔三黨編藩鎮傳嘉隆兩朝聞見記西巡紀行詔獄始末韓淵雜著皖湘錄遠遊記麓邨詩草新亭漫稿詞譜續集附餘卒祀羅越字愚甫工醫子南陽東陽元陽春陽秋陽而朝陽乾陽最知名朝一字鳳岡萬厯三十五年貢生歷高郵訓導池州教諭楚府紀善治諸史立身無失不以坎坷措意著有闕里書略沈氏世傳朝陽子登致雲字世龍孫子允字君錫皆能詩乾陽字君明一字君之越之遺應天諸生博學工詩文著有金庭稿瞻雲樓集乾陽子開雲字世開

亦諸生位
司馬隆字
業世稱甫
夕不寐必
甚眾有貧
晚號愛芝
節同時精
事性好漫
鼠拖生草
削籍梁厚
朝一七而
碧峯寺額
謙筆也
病立方多

直氣不肯屑屑于人著有雲岫集延清堂稿季不其先自陝西遷南京遂為上元人祖勳工醫父震字元亨傳其生隆性孝友喜琴棋尤精內經諸書遇有危疾端居靜思或通致病之源與治之之法弘治十四年江北大疫躬往療之全活甚眾有貧士沮疾親戚畏避隆診視不輟每日人皆有死豈獨疫病能死人哉晚號愛芝翁嘗大雪中偕沈琪登南山放歌人羨其豪邁卒後妻吳氏茹貧矢節同時精醫理者有黃謙周文銓謙字撫之江甯人成化八年進士除工部主事性好漫稽嘗閱菊坡叢話於書肆旁一人亟從借閱謙視其貌寢諱之曰老鼠拖生草其人微笑去尋謙為鄉人所累下法司其人適官刑部遂坐以受賕削籍梁厚齋惜其才授以玉機微義遂工醫會皇太后病諸醫束手厚齋薦諸朝一七而愈拜大醫院判歸而求者填門以為林下之業能詩善楷尤工榜書碧峯寺額著者有文房登庸錄紫芝集文銓字汝衡亦上元人醫與楊茂齊名診謙筆也與眾異嘗謂顧璘曰醫者聖人之學也非盛德莫能操其慮非明哲

莫能通其說是故士有知草木金石之藥辨類審性析經致能弗乖其宜弗亂其忌是謂知物知物者巧有知人之疾病淫於四氣薄於五藏動於七情見外知內按微知巨占始知終執生知死由是以審施湯液醪醴鍼砭按摩之治是謂知證知證者工有知臟腑之所表裏經絡之所離會榮衛之所弼勝命脉之所消息選物設方制於未形體微發慮決於眾惑是謂知生知生者聖有知天地之性陰陽之本變化之因死生之故立教布法使人專氣含精以握樞機汰穢葆真以固根柢疾病不作神乃自生是謂知化知化者神夫神聖者上聖之能事未易冀及工巧之道術學之所造也醫不臻此不足以名業其指趣精微如此隆子泰

泰字魯瞻以其居西虹橋畔故號西虹舉正德十二年鄉試嘉靖二年成進士拜南京御史條陳留都軍民利弊七事巡按湖廣疏劾給事中陳光太監崔文寘於法擢懷慶知府調嘉興轉濟南勘魯王許奏事十日而決特旨獎之為同官所忌致仕歸與同縣蔣繼蕃朱環江宗海徐應坤潘守約夏啟友善築園曰

懷洛自稱龍廣山人約同志為二餘雅會

其詩序云吾鄉雖稱都下去輩敲遠

樂天順中翰林學士吉水周公敘始結詩社擇吾鄉能詩士人若賀公確王公麟羽流邵以誠凡十人與游題曰南都吟社成化間翰林學士西蜀簣齋周公宏謨繼之復與士人沈公庠任公彥常金公冕凡十二人游題曰清恬雅會正德間戶部侍郎海陵柴墟儲公疇復繼之乃與揮使劉公默士人施公懋謝公承舉凡十人遊題曰秣陵吟社子歸田來二稔咸甯盧書菴紳來為大司徒而西平王公崇谿諸亞焉通州馬石渚紳來為大司空而餘姚楊東橋大章亞焉未期而為會者七入冬四會俱有唱和得詩四十八首題曰三餘雅會錄蓋以四公經理有暇仕之餘也子與石村力穡就閒耕之餘也又入冬為會歲之餘也性復慷慨婚嫁遺孤內外男女十一人藏書極富編次文獻彙編百卷廣說

郭八十卷古今彙說六十卷再續三續百川學海一百一十卷所撰有蔭白堂稿雜識史流一品明文獻錄西虹視履百錄知次錄山居百咏南都英華錄南都野記龍廣山人小令諸集蔣繼蕃字巽之正德十四年舉人生平重志節讀書務析微意善屬文性復至孝嘉靖七年北上抵淮忽心痛亟歸則母病已篤一見而逝泰稱為文行兼美之士朱環字德佩本姓沈少敏悟以疾廢學比長忽奮起讀書舉弘治十七年鄉試明年成進士官南京兵部郎中曉暢軍事遭蜚語罷躬耕自給穫倍老農與泰為林下會棋品居社中第一江宗海或作潮宗字

蓉夫自號秋宇居士為文敏速並工書畫者棋友規之
生哉中年貧甚一日薪米竭猶未炊妻子有愠色宗
人送錢米至乃以付室中日此豈徒得者耶可以作午
生父雪樵有隱德母湯氏東甌王裔賢明婦人也訓子
兄應乾早卒應坤少為王章所賞妻以女讀書強記有
例當得貢棄去構亭青溪種竹百竿自稱竹溪散人家
日餘年有幾吾以愧守錢虜耳人稱其達潘守約字道
泰子份族裔某當 國初時為運糧千總鄭成功入犯
敵賊斷其右臂而沈諸江有遺腹子必售字鶴岩生而
長以左腕書性敦樸事母極孝必售子驥駒駉
驥字宜亭性伉爽有幹材既補諸生尤尚武事嘗館於
恆扁之驥令關戶然燭持匕首以待及漏四下左楹礎
紅袍烏帽而出瞬高丈許驥叱之遂滅明且即其處掘

可令遷葬於郊為文祭之商宅乃安子章字冠石由諸
知州

駒字溶川號雲皋少失父母事兄嫂極恭家貧習賈夜
小楷會兩江總督高其倬求善書者因入幕歲暮司奏
入奏頗稱 旨其倬為捐主簿仍留司奏疏洊升至清
政使曹單河決調山東就擢東河總督自秋徂冬寢食
莫不用命因得塞口以勞卒官子亶字達甫乾隆四十
亶孫楠字峙亭由供事選昭通府古寨巡檢咸豐中雲
功至藍翎通判署平彝知縣無何賊勢益熾官軍失利
刎死子焜耀殉焉
文字星舟駛子也補縣學生值家中落生齒甚繁日炊
韓飽不先眾勞不後人卒未析居分爨也嗣官河內縣
方兼施藥餌尋自染疾卒弟庠高庠字坦溪性敦謹工

則日世豈有凍餒之江
方作山水小景忽友
矣徐應坤字順之諸
謙損接物寡怨之道
輒應人目為書倉以
宗饒會賓客必以妓樂
加夏敬字伯高皆知名
初糧於京口某奮身禦
右臂不舉戚里異之及
揚州鹽商家有室以崇
聲如裂帛有人寸許
付巨棺商欲火之驥不
官東安知縣擢冀州
眾寢啟書勤讀兼學
者返里駒代擬疏草
道始赴官遷山西布
子躬行風雪中躬弁
年舉人官內閣中書
苗叛楠隨軍攻勦積
陷楠公服坐堂皇日
粟僅充粥食文與妻
疫癘流行文徧覓良
官青縣知縣高字類

菴以諸生官虞城縣丞亦工書著有春暉堂集隨園嘗采其詩無子以從子鈞嗣文子鏞字引泉蚤卒其婦陸事姑孝咸豐二年賊陷金陵姑病篤陸侍疾雖白刃交下不肯離卒與俱死無子以從子湘嗣湘字晴江工畫者吟官浙江鹽大使

鍾字秀谷鏞弟也性慷慨嘗解冬裘以濟人急善繪事片紙可入質庫易錢初畫麻姑懸其母室俄而母病卜者謂麻姑爲祟焚之果愈自是不復摹人物嗣官直隸三角淀通判有求畫者以功名動之鍾峻拒之曰朝廷名器非易筆墨之具我亦不願以筆墨易名器也所居官舍必除隙地蒔花竹植蔬果暇則手自鋤種焉同時有王霖字春波江甯人與同縣鄭廷杰俱以工畫名廷杰幕遊福建霖亦以巡檢需次長官求霖畫不與既長官遷去霖走送十里外以畫贈之其兀傲頗與鍾類然文采實遜之故至今談者必舉鍾畫以配張敬日張雪鴻司馬秀谷雪鴻者敬字也其祖遇隆字襄平號西溪亦上元人康熙三十九年進士官臨潼知縣有惠政民立祠於驪山下祀之遇隆子若谷字居易一字

稼蘭號閩華敬父也雍正初以諸生舉賢良方正歷知順德長清嶧縣事故因以山東寄籍舉乾隆二十九年鄉試除房山知縣畫花鳥有生趣兼善書多用宋四家體而神味則逼真晉人調署江夏省會首縣也忽不見督撫者三日使人覘之方鋪紙作畫覘者曰當言子病甚以不告休沐故誘諸僕則右署怒可解敵不可督撫皆怒飭歸本任俄以解他籍罷免居民走干餘里懇留督撫卒以前事不省時敬父年八十矣乃歸而養親築大隱園於仙鶴街以居性情和易天資明秀望之如神仙中人有願爲入資復官者笑卻之少年嘗爲人畫屏兄敝作書數作文人呼爲三絕屏生平所畫脫稿卽不記憶一日觀畫石於袁樹宅大賞之以爲古人作紙甚新今人則吾所不能爲者何處得此好手樹笑日前月君醉後不以筆以指繼以拳爲之者畫畢歌一曲聲振林木君遂忘耶每坐人於燈下久視之團紙著己手背上照影絕似其人人以爲神技敬畫旣負重名京師吳門及承恩寺廊下僞畫充斥竟有得厚直去者或問敬恨否敬曰使孫叔敖在見優孟亦當笑且黎邱鬼但能效人子弟邑丈人貌不能得況

神氣哉必有能辨之者何恨爲年七十乃卒教字立人一字斗堂乾隆癸酉拔貢官萍鄉知縣敷與敵同舉鄉試乾隆四十三年成進士幼弟數字念于諸生亦工書教子迺者字壽民教子範字墨侯皆諸生範弟迺軒自號虎兒居士嘉慶九年副貢俱以書畫世其家云鍾從弟鈞

鈞字笙和工醫謂治外證者祕其方爲非故每遇富者示以方令自市貧者雖施以藥亦不靳其方也嘗曰醫在臨證審辨之細藥物運用之靈不必泥古方耳少多通累晚歲盡償之曰吾不遺金於子孫亦不遺累於子孫也素病哮喘妻程刲臂和藥以進遂愈著有病機參要四卷子濤字小山歲貢生亦知醫

論曰怡鈞季平以術濟人彥明雪厓申之以孝友石城韓峯西虹雖嘗通籍而皆不竟其用以文學著名亦不得志者之所爲也司馬餘慶綿三百年雲皋治河以死勤事秀谷繪事擬迹雪鴻而笙和復善岐黃其諸克繩祖武者與

吳金史徐陳黃二姚朱顧盛傳第六十七

吳偉字次翁南京錦衣衛人其先江夏籍父剛翁有文學行義卜居秦淮之東

偉年十七畫山水人物卽入神品性慤直一言不合輒投硯去成國公朱儀禮爲上客以小仙呼之成化中召至京除鎮撫待詔仁智殿嘗大醉被召蓬首垢面曳破履踉蹌行中官扶掖以見帝大笑命作松風圖偉詭翻墨汁信手塗抹旣成帝嘆曰眞仙筆也無何放歸弘治初復召命畫授百戶賜畫狀元印踰年以病乞還正德初又召之已卒子山亦能畫同時工畫者有溧水強銳字止之與同縣蔣珙齊名家屢空不以屑意筆墨清遠富人子求不可得然時以貰酒無吝也著有考槃集珙字國賢正德十二年進士除桐鄉知縣

金琮字元玉上元人世大父彥聲以醫侍明成祖彥聲子諒官太醫院使大父彥端字杏莊喜吟咏父銘兄玘琦皆有名琮遐視清嘯人莫能窺公卿貴人非先施不造其門游浙赤松山愛之因號赤松山農家有極高明樓每夜然巨燭一椀學書寒暑無間楷法精工文徵明賞之得片紙皆裝潢成卷題曰積玉並善畫梅自寫絕句其上云一別西湖未得歸孤山風月近誰知春來賸有看花興又向君家寫折枝其題弟璿所畫袁安臥雪圖云一片堅貞天地知甘貧豈

但雪中飢平生恥作干人態縱使天晴也不宜自命可想見矣倪岳參贊南京時擬薦諸朝未果弘治十四年卒璿字元善號松居精醫不計利好責人禮貌尚書梁材延之診脈寫數百言敘病源句讀與之璿答書亦句讀之材見其字古文工愧謝遂命駕訂交焉時有同縣秦雲字士龍自號南堂居士工詩與琮友善琮子漁亦能書後有名魚者字慕楨琮之孫行也工楷善謔詩亦有致史忠字端本一字廷直上元人本姓徐生年十七乃能言外騫中慧人以癡呼之因自號癡仙晚稱癡翁性卓犖不羈好披白布袍戴方斗笠鬢邊插花坐牛背鼓掌謳吟旁若無人居去治城百許步家有臥癡樓生平工詩善畫能爲樂府新聲同輩徐霖陳鐸皆服之嘗至蘇州訪沈周不值見有素卷潑墨成山水而去周歸曰吳中無此人必金陵史癡也追至石湖之濱相見留居三月各圖一卷爲贈同縣湯賢字雪江官邳州衛指揮有文藝一日宵訪忠握手歡甚忠不告家人卽與登舟遊邳焉妻朱氏號樂清道人妾何玉仙號白雲道人皆解文字今望仙橋以忠無子一女旣笄婿貧不能娶元夜攜妻女步月至其家遂

以成禮又好施晚年家用乏絕有妻弟婦攜四男一女來依欣然養之凡素所愛書畫器物悉鬻以供朝夕年八十餘尙健預出一生殯身雜親友中送出南門其曠達如此後自知死期無疾而逝盛時泰以其詩合金琮集爲江南二隱藁焚於火嗣子世揆字度予官上林苑右監丞蒐輯成帙付其子志英刊之忠兄說字草亭弟誼字澡雪俱淹雅宏博詩附癡翁集後後有俞君咫者自稱老漁父所居名種紙菴亦效忠出生殯焉

徐霖字子仁一字九峯先世自松江徙南京遂爲上元人霖廣面長耳美須髯體貌偉異老而豐潤行步如飛因自號髯仙初補諸生坐事削籍能文章善詩歌所填南北曲競傳都下正德中帝幸南京召命侍直試除夕詩百韻及應制詞曲立就意多譎諫帝善之恩幸無比嘗午夜乘舟造其第命置酒惟蔬筍鮭菜喜爲引滿宅有快園帝釣魚池中舟覆落水卽今所傳浴龍池也霖尋隨帝北還賜緋魚袋至京將授官禁近固辭未幾放歸詞翰益奇繪事亦精妙日本安南皆重價購之旣而武宗崩近臣皆坐罪霖獨超然無累天下高之年七十

律生平淡於聲利沈毅寡言卽家人未嘗見喜愠色爲樓市隱園
洞瞻注過者望而歎曰生子當如姚伯子矣或勸之出遊之裔曰
懷五岳謝耽一邱各從所適也與弟延甫皆知名之裔子履旋字
籀得李登之法以萬厯四十四年選貢除揚州訓導擢巴東知縣
民愛戴之著有湖海紀遊香雪等集履旋弟履素字允初萬厯十
十九年進士除刑部主事恤刑湖廣多所全宥擢廣東提學副使
僉事爲海瑞請諡廕抱繇羅活峒黎作亂平之未幾乞歸葺市隱
最盛以坊廂籍科徭煩擾乃與操江丁賓籌議立房號改僱役定
之年七十卒墓在安德鄉著有征黎始末適楚紀勝湖海遊記市隱

綬維縑

姚奎字子東應天人以諸生肄業南京國子監性孝友居父喪盡
承志撫孤甥以恩工詩善書不好服玩法帖名畫鑒玩移日意豁

東有老栝一株購得其地作候鳳堂因號栝園居士一日忽作歌
蔓草生鳳皇不來兮栝且傾遂卒從子南亦孝友

朱竹坡佚其名上元人世居城北之坡山少有俊才取友京師探
歸卜築高峯結盟耆舊仿香山洛社之會嘗曰物之耐久者惟松
時歷冰雪自拱把以至合抱若竹則暢萌解擗不旬日而干霄入
異者也乃手植萬竿自號竹坡暇日焚香鼓琴於其間爲疏篁塞
蘇兮茂林環珮兮清音望美人兮橫翠矜耽于樂兮怡吾心叩絃
蘭契之曲曰天晚兮歲寒偃蹇兮如盤誓虛心兮結金蘭願萬年
是琴竹雙清天高日晴乃換羽移宮爲琅玕啄鳳之曲曰桃實兮
鼎延惟茲實兮鳳凰饋鳳凰來兮鸞鷲連琴罷淪茗賦詩婆娑長嘯
七十一卒其子江村繪竹坡圖沈越序之

顧源字清甫一字丹泉南京錦衣衛人堯世有名昱者自越徙金陵
中傳傑及恆至源父銘享高年多厚福築日涉園於城南頤性葆真

草堂以爲憩息所故別號北麓源貌清癯秉性高雅能詩善草書喜畫水墨遠景尤好山水之遊與顧璘陳沂陳芹盛時泰姚澍嚴賓相友善家多樽罍彝鼎法書名畫摩挲玩味欣然獨笑中年以後棲心內典杜門掃軌治淨室甚精題曰四松方丈自號寶幢居士殷邁馮夢禎輩皆敬禮之著有玉露堂稿焦竑序之弟澄字淵甫一字靜泉後改淨泉居士應天諸生文學高儕輩篤志好義友人勞某自東粵南遊以重貲託之越數年封識如故無錫周某以千金寄其家周死無知者呼其家還之有杜裕老乾沒澄金以鐵石鑄匱給之弗與校也源子今庶有癡癖以庶字復齋萬厯十年歲貢官建平訓導倪有光字仲實源壻也亦有才名澄子九德字常卿隆慶元年舉人除陽穀教諭遷袁州推官告歸菽水盡歡人稱其孝澄族弟鈴字青嶼以進士爲御史巡按湖廣擢贛州知府盛鸞字德輝上元人曾祖全以蘇州富戶實南京祖榮父經皆有隱德永樂九年進士衍宣德七年進士璟亦其族也成化中有名安者字行之號雪蓬居聚寶門外五聖庵爲人梗介清約善畫梅於諸盛中尤知名江浦莊景作雪蓬行

贈之其詩曰雪蓬老人瘦且清前身想是梅花精墨梅一寫幾千萬雞林交趾知其名南京小兒不解事相逢盡喚梅先生雪蓬有屋鳳城裏土脊茅檐竹椽子蝸牛半角祇藏頭我爲量之剛丈許不題偃月畫錦堂扁作雪蓬聊爾耳北風大雪五尺深無限旁人愁壓死老人高坐方掀髯大笑狂歌對兒女大兒捧筆婦捧觴一醉梅花三百紙籬邊竹樹往往佳萬个弓梢千鼠尾忽然幾處鼎石根便是懸厓活梅蕊此時天趣不可當誰人肯許同清狂花光補之已非敵當時空有王元章定山先生無一好雪蓬老人當笑倒只有區區觀物亭半庭茂叔窗前草可以見其風趣矣鸞宅心淵平賦性篤實交遊咸高其品莫忍欺之自號養拙翁著有貽拙堂集子長春字啟元嘉靖二十二年舉人官至太僕寺丞長春弟時泰

時泰字仲交一字雲浦幼有藻思長跌宕不羈好賓客以諸生充萬厯二年歲貢高才不遇妻沈越女也解之日里中得意之人有三殆焉屈志一也黷貨二也生子不肖之心三也孰與君家居著書之爲優乎時泰笑而應之卜居大城

山中又於方山祈澤寺構野築杖策跨蹇欣然獨往家人莫能迹也嘗為子娶婦薄暮偕友人遊城南古寺閱數日乃歸在句容醉過御史張肖甫戟門大鼓肖甫曰此狂生必仲交也邀入痛飲達旦而別又攜所作兩都賦謁王世貞於小祇園和世貞擬古詩七十章三日而畢善畫水墨竹石文徵明題其軒曰蒼潤晚號大城山樵自為傳曰大城山樵都人士也因耕大城山之陽故以樵人稱焉自少耽詩律解飲酒不問家事與之所寄肆筆而書身欲游行心亦不知自止嘗思亢遊五嶽得深山大澤自適而不能乃以大城山為巢居穴處之世焉對客而談口絕不道人長短亦不評文章妍媸人有問者領之而已贊曰孫興公有言躡二老之高蹤古之人多有之而樵人竊志焉故見人稱靖節不以五斗米折腰則曰我既身遇太平矣雖陶公不為也山澤之臞列仙之徒窮約云乎哉榮顯云乎哉其高致如此著有大城山人集玄贖記遊吳遊燕雜記金陵泉志方山香茅宇記大城山志祈澤寺志栖霞小志牛首山入志子敏耕字伯牛自號壺林夙負異材丰神韶秀年十四補諸生博學強記工詩古文詞嘗

讀書永慶山房與顧起元上下其議論又同纂江甯縣志竟潦倒名場以卒墓在起鳳山著軒居集敏耕子振之諸生亦能文宗人肩昌字茂開工畫持身高潔年幾九十行步如少壯時肩昌子丹字伯含山水法黃筌嘗作秋山蕭寺圖與弟琳空山冒雨圖稱二妙琳字玉林每當春日釀百花酒以養親肩昌顧而樂之

論曰次翁九峯才名達於九重醉吟豪誕有李供奉之風焉元玉癡翁齊名二隱天懷曠達史尤為優大聲蘊真狂而兼俠京衛中之矯矯者也秋澗枯園孝友文章可稱雙絕寶幢枯寂竹坡高蹈其山澤之臞歟仲交雖稍晚出而世有文儒與癡翁相伯仲矣

金陵通傳卷十四

弟作儀參訂受業石承鈞校字

姓

金陵通傳卷十五目錄

第六十八冊

王鎮子源 夏儒 常復裔孫延齡 元亮 李璿曾孫言恭 裔孫甯儉 立孫宗城 鄧炳

裔文明 湯紹宗裔南金

第六十九冊

朱可淳弟可理 曾孫知壻 承祿 可潢 子慶霖 慶梨 從子慶斐 孫睿培等

性堂 鄭鈞

第七十冊

顧璘曾孫夢庚 裔孫澄 夢棠 璵子繼 裔孫綴汝

第七十一冊

梁材管景 劉雨 材玄孫之憲 周金 王以旂祖民 王暉

金陵通傳卷十五

王常李鄧湯傳第六十八

江甯陳作霖伯雨纂述

王鎮字克安上元人明憲宗純皇后父也成化初授金吾左衛指揮使后將正位拜中軍都督同知四年進右都督生平厚重清謹雖榮寵不改其素有長者稱十年六月卒弘治五年追封阜國公諡康穆子源字宗本父卒授錦衣衛都指揮使外戚例有賜田源家人怙勢多侵民業給事中王垣劾之詔禁約外戚源乃悉還所占於民人多其能改過尋擢中軍都督同知封瑞安伯弘治中進侯加太保正德初進太傅增祿至七百石嘉靖三年卒贈太師諡榮靖源弟清成化中授錦衣衛千戶累官中軍都督同知弘治十年封崇善伯正德初加太保嘉靖十三年卒清弟濬成化中授錦衣衛百戶兄清每遷職輒以濬代歷官中軍左都督正德二年封安仁伯卒贈侯濬兄弟三人並謙慎守禮在戚里中以賢稱源子橋濬子桓皆嗣伯嘉靖中并清子極均以例革明中葉以來應天

戚里又有夏儒方銳林岳夏儒武宗皇后父也正德二年封慶陽伯性敦厚侍父瑄疾三年不離左右既貴服食如布衣時見者不知爲外戚也卒子臣嗣嘉靖八年罷襲方銳字廷器世宗孝烈皇后父也微時相者言當貴銳曰吾得爲太平間民足矣嘉靖初其女選爲九嬪因授錦衣衛千戶及后正位拜都指揮使扈蹕南巡道遷左都督封安平伯尋進侯居常謙撝自戢未嘗過求非分卒諡榮靖子承裕嗣隆慶元年降襲承裕弟東字貞菴官錦衣都督同知封南和伯尋亦罷林岳字鎮卿亦上元人少習舉業奉母孝撫弟巒友愛成化中選尙憲宗文德清公主主有賢行事姑如齊民禮正德十三年岳卒主孀居三十一年始卒

常復開平王遇春玄孫也常氏以興宗外戚永樂初徙雲南弘治五年詔續功臣後乃召復還授南京錦衣衛世指揮使所居有雕花牌樓今花牌樓常府街是也傳經及鳳嘉靖十一年詔封四王後以鳳子元振爲懷遠侯元振子文濟孫宏緒曾孫延齡皆襲延齡字喬若有賢行遇事敢言崇禎中給事中姜垓熊開元以劾周延儒下

獄延齡請釋二臣而以文彥博救唐介爲延儒勸嘗奉旨清巨璫王氏籍產卽以賜之蓋異數也十六年湖廣全陷延齡請統京兵赴九江協守又言江都有地名常家沙族丁數千皆其始祖遠裔請鼓以忠義練爲親兵帝嘉之不果行南都勦戚多恣睢自肆獨延齡以守職稱引光初馬阮擅政延齡露章糾劾忤權臣意挂冠爲僧名蒼谷居湖熟村菴妻徐魏國公孫女也相與種菜自給國亡不復出死無以斂白夢鼎胡其毅葬之延齡宗人元亮與湯南金爲詩友桂王旣入緬甸元亮訣妻子告墳墓將航海說鄭成功以大舉之激浦之乍浦之丹山覓渡不得遂發憤蹈海死

李璿岐陽王文忠玄孫也弘治中授南京錦衣衛世指揮使所居今名李府巷傳灑及性嘉靖中封性臨淮侯卒無子以從父沂紹封沂字盱山卒子庭竹嗣屢典軍府提督操江佩平蠻將軍印鎮湖廣卒子言恭嗣言恭字性寅號秀巖好學能詩折節寒素累督京營加少保著有楚游燕游青蓮閣貝葉齋等稿卒子宗城嗣宗城字汝藩少以文雅知名旣嗣侯萬厯中倭犯朝鮮封貢議起以都督僉

事充正使持節往及釜山倭來益眾不得達而還徵下獄論戍以其子邦鎮襲先爵宗城後歸金陵賦詩結社徵歌選妓有承平王孫之風宗人甯儉字秀岩官永崇知縣博學工詩晚年目盲猶按銅規作楷極工臨淮之裔世以文采風流相尚至明季多著忠節昇岐陽王十七世孫也年十四詣史可法軍門請爲先鋒能彎勁弩發九矢皆中的弘光初劉孔昭與馬阮比昇遇諸塗戟手誓之爲所劾遂去參可法軍南都亡走天台山爲僧浙東不守發狂死又有名邦鑄者王以旂之曾孫壻也守温州沒於海上錫貢錫祚皆其疏族也從阮駿守螺頭門舟山敗亦死之

鄧炳臨河王愈曾孫也弘治中授南京錦衣衛世指揮使嘉靖十一年封炳子繼坤爲定遠侯五傳至文明崇禎末死流寇之難文明弟文昌襲爵南都亡從唐王入閩時年甫十九妻徐魏國公弘基女也年十七聞 大清兵過景甯關謂文昌曰君毋自辱妾請先死遂再拜仰藥文昌亦絕吭卒

湯紹宗東甌王和五世孫也弘治中授南京錦衣衛世指揮使嘉靖十一年封靈璧侯傳子至孫世隆隆慶中協守南京兼領後府改提督漕運歷四十餘年以勞加太子太保進少保卒諡僖敏傳爵至明亡乃絕宗人南金東甌王十三世孫也崇禎時官本衛指揮使南都立馬阮亂政乞放歸桂王入緬甸絕粒而卒

論曰戚里勳衛豪侈之淵藪也而王夏方三族獨以長厚謙謹名宜其世字厥祿矣林岳尙主化著刑于尤難之難者耳常李鄧湯紹封中葉明社旣屋家有忠貞與國同休戚豈有愧色哉沐氏世鎮雲南雖返葬應天而非四姓歌哭於斯者比也故不著

齊宗朱氏傳第六十九

朱可淳字碧山明齊王榑五世孫也永樂中榑以疑忌暴卒幼子賢赫廢爲庶人養於西內景泰中出之南京賜以谷庶人三山街里第賢赫子能塏字坦齋孫長鈞字守靜可淳乃長鈞之子也嘉靖中以賜名不時宗祿久缺赴闕上疏奏對稱旨封鎮國將軍弟可涅承綵可潢可涅字泉亭讀書通大義積勤豐財

關同春園以延賓客遠近爭慕其賢承絲字國華文采風流高自標置萬厯三十一年中秋開詩社於秦淮會名士張幼于輩百二十人名妓馬湘蘭以下四十餘人至今豔之可潢字巨源博學能文從李登焦竑遊雅好賓客士大夫以得交爲快可潢集其投贈之作爲小山元賞可淳子慶寨字乾塢以孝著名亦封鎮國將軍慶槩字仲望一字小碧工詩善書無他者好據案誦讀非客至不輟倦輒命酒或遊山水多交縉紳無所干求有貴人於酒次從容曰君得無思進取乎慶槩曰幸得託籍疏屬不至溝壑何敢越俎以希寵靈人皆高之著有籜冠集王元美亟稱之慶槩字似碧畫山水及枯木竹石俱清雅可觀可涅子慶槩字天忱事母以孝聞慶寨子睿煊字虹漪長才遠度砥行立名亦封鎮國將軍睿煊字四臣崇禎十五年副貢官廣信府推官睿燭字渤海工詩畫法雲林睿管一名翰之亦工畫晚爲僧號七和尚構數椽於南郭外瓢笠蕭然不輕爲人落筆人稱之曰七師慶槩子睿燧字冷菴築草堂石城之陽榜曰招隱後復構棲賢菴居僧樂愚引余大成凌世韶續蓮社修東林故事逃禪以終睿煊

子知盭

知盭字炎洲崇禎三年以爲宗長管理宗室情法兼施弘光初議復齊王國知盭以宗人居南久墳墓田廬俱在若復之青州眾失業矣辭之故亦封鎮國將軍居平好吟咏詩在杜工部賈閬仙之間與上元諸生周掌文善著有幽居集靜蘭齋稿掌文字澤宮工篆楷國亡後隱居不出睿管子知鄒知鄒字思遠或名珍字遠公幼與陸與可汪子白周敏求齊名國變後棄諸生避居溧水山中詩頗奇詭畫有父風偶入城卒於承恩寺友人斂之著有詩集子亦能畫睿煊子豫

豫字介士一字東田上元諸生充國朝康熙三十七年歲貢官訓導爲文典雅環堵蕭然手一編昕夕不厭著有拙真集又與劉然同選國朝詩乘其孫去浮字少梁重梓之時有與豫同姓名者字介石習舉業精醫遇貧乏則矙之劉然字簡齋一字文江號西澗誠意伯基裔也爲江甯諸生家三山門外南街有玉穀堂友聲閣名流爭集以著述自娛已刊者則古文統古詩詞匯解說林古今逸史約左函合編未刊

者則四書通五經發微讀史證疑經世書韻書廣義資治綱目續編大儒出處
錄百畸人詩諺推靈素真詮六書原西澗文集又輯有西澗詩文詞選赤牘存
雅然子堃字禹平能傳其學可淳裔孫燦字郁文一字霞川居文德橋詩文音
律鐫刻篆書俱妙尤豪於飲酒酣輒縱談史事乾隆中幕游廣東而卒燦從弟
養烈

養烈字濟生諸生寡交游慎舉止語言呐呐若不出慕宋徐積之爲人事親純
孝性好施予課徒所入以卹孤寡有不能償逋者檢券還之居鏃子巷矮屋中
一夕有偷兒竊布袍去旣而置之曰此朱先生物也嘉慶十九年旱災與同縣
諸生鄭鈞倡議捐振鄉里賴之道光元年舉孝廉方正鈞字金門號辛齋事親
孝六十年如一日親友貧困者必加意撫之道光三年鈞又勸捐振濟焉年六
十八卒子森亦諸生養烈子性堂字石渠和易近人舉道光二年鄉試明年成
進士初官樂亭知縣值逆回張格爾作亂縣當孔道協辦兵差羽檄交至人情
震恐性堂從容措置事集而民不擾調任東鹿旋改教授歸去官之日敝車羸

馬行李蕭然晚歲猶訓課生徒年六十餘卒性堂子期銘諸生死咸豐二年粵
寇之難期保字佑之咸豐元年舉人卒無子

論曰貴胄華族率多驕奢而齊宗以憂患之餘屏居白下子孫制詩緝雅有刷
刷裘馬之風淡退自甘不求仕進小碧炎洲尤其卓卓者也東田淵博與西澗
並傳可謂無慚祖烈矣濟生孝義感及冥頑制科之舉不其懿哉

北顧氏傳第七十

顧璘字華玉號東橋其先有名通者世居吳明洪武中以匠作徵隸工部遂占
籍爲上元人通生海海生誠字仲實誠生子四紋字廷繡號愚逸綱字廷威一
字石岡號癡菴

綱嘗結廬於石子岡祖墓側
璘詩所謂松塢草堂者也

縉字廷貴號雙榆紳字廷用俱有

隱德紋子琮字方玉善屬文璘其季也夙負才名舉弘治八年鄉試明年成進
士授廣平知縣精於吏理徵爲南京吏部主事進郎中出爲河間知府轉開封
會盜擾中原兵部尙書彭澤奉詔逐捕舉璘自輔練兵轉餉謀畫爲多鎮守中
官廖堂恃劉瑾黨援予奪自恣璘不爲動瑾誅堂罷去王宏繼之尤悖慢慄疾

氣焰聳人璘故不為禮有所徵一不答用是積忤宏宏愬於錢甯矯詔逮赴錦
衣獄拷訊無所得謫知全州尋擢台州知府台郡瀕海貧民業鹽自食苦權辜
煩苛每迂道轉輸而邏卒乘是為奸利至相賊殺不可止璘為弛禁俾得負販
出郡下薄取其稅入民便之境南倚江多水患地有中津橋且壞璘修復之因
築石堤而樓其上凡數十楹人初莫喻其旨已而夏潦水卒至居民登樓以避
所活千計璘在台久悉浙中事宜既升左參政遂得舉而行之三遷以右布政
重莅浙益諸練宏達召為右副都御史巡撫山西乞養忤旨落職以布政使致
仕俄起為湖廣巡撫行部所至供頓簡約民不知勞在鎮多所建白以湖湘境
控邊徼地大事繁御史巡按歲一更代勢不得周欲乞添差御史分莅湖南以
廣詢謀又言外屬臣僚多有宏才碩望足充任使者比歲限以藩府戚屬不得
內徙非祖宗舊制乞越例推選以收滯才若此者凡數十事皆中當時利病入
為刑部右侍郎轉吏部會作顯陵改工部領山陵事進尚書徙南京刑部仕宦
幾五十年多不能盡其用平居事親孝父病疽璘年已五十餘與同臥起吮濯

扶掖皆躬親之少受學於李璠璠死一子不立妻萬不免飢寒璘為璠子置產
迎養萬氏於家友人胡欽死妻方食貧養姑璘為請表於朝至於里黨族戚婚
喪緩急亦多倚之以成璘虛已下士如恐不及在浙慕孫一元不得見道衣幅
巾月夜泛湖見有小舟泊斷橋一僧一鶴一童子煮茗笑曰此必太初也移舟
就之遂往還無間撫湖廣時愛王廷陳才欲見之不可偵廷陳狎遊疾掩之廷
陳不得避乃定交張居正時為諸生目為國器及鄉舉解犀帶以贈且曰君異
日當腰玉犀不足溷子既歸構息園大治幸舍居客常滿妓樂雜作風流文
采輝映一時年七十卒著有國寶新編近言顧氏七記浮湘稿山中集息園集
憑几集登衡小記璘從弟璣璠璠字舜玉璣字南墅皆綱子也嘉靖十二
年大子生詔許廩生德行端莊年五十以上不願仕者給冠
帶疋與其選璠字名玉號桐莊璠字秉玉號蓉江皆紳子也璠用顯陵恩授入
品散秩每花時具酒集兄弟子姓為會有菊讌雅集冊子璠詩為首唱和韻者
璣璠璠及璠瑁李逢暘等璠孫式芥藏之璠官應天府陰陽學正善草書璠子
巖字忞石號杞原以貢生授武學訓導升新樂教諭岑字虛樓應天諸生岳啓
亦皆能詩璠子嵩字忞中官楚府典儀嵩子穀祥字孝有雲祥字孝豐號龍田
俱諸生精於易穀祥子夢相字與輔夢台字與星皆能文雲祥子夢昭字與璣
夢禧改名昌士字與錫夢遠改名吉士字
與復俱諸生而夢遠偉容觀才名籍甚子嶼字忞涵少俊敏督學蕭鳴鳳試

以鳳臺春曉詩居初四子贊援筆立就遂補諸生有詩名嘉靖二十年充貢入京先璘卒人皆
汴亦以顯陵恩授光祿寺掌醢署正歷後府及宗人府經歷嶼子履祥字孝常號彭山以廕為國子生授南京太常寺典簿遷大名府通判升寶慶府同知未任歸居林下三十年卒賓祥字孝正號小山元祥字孝先號吳山皆有文名應祥字孝符號天也少卽工詩早卒楚祥字孝功號屏山皆諸生璘孫又有耆祥徵祥不知其為誰子也徵祥字孝敷以國子生授北京兵馬司副指揮轉莆田主簿左遷袁州府檢校妻為王以旂女年皆八十餘履祥子夢庚崇禎時入大學士楊嗣昌幕兵敗死之元祥子夢虬字與振號澤泉與弟夢蛟夢蟾夢蟠及應祥子夢芝皆諸生徵祥子夢宸字與極充崇禎十二年貢生與弟夢章夢齊俱有雋才又夢采到股療母疾以孝旌門夢虬子大善字友生諸生工詩著有見遠樓集裔孫
豈字景山號滄源世居望鶴岡生當國朝道光時服賈粵東慷慨好義嘗過

鄱陽湖南風大作移避石套塘見一船欲覆船上人盡哭他船皆斂手視乃出錢置船頭募往救者船爭出以是得免在粵遇故鄉流離子必厚恤之有無主匱不能歸葬者工載歸葬之歲刻普濟良方為母祈壽母病刲股和藥進得愈家居時見觀音門外大江天黑不辨涯岸每大風起小舟利人溺而取其貨曰滂漂武進湯貽公時以副將致仕居金陵塏乃與籌立忠信堂口岸懸燈設紅船救溺自是小舟不敢出釋岫嵐建亦善堂恤廢塏捐百金代募四百金承散各瘡月必親送其家咸豐初避亂居吳親屬往依者十餘人皆留養之其子弟使就塾讀歲疫人藥散人雖重貲不吝後歸里卒年七十餘族人九韶字鳳儀諸生忠誠敦篤與人交然諾不苟館於上元湯氏雖疾亟猶課讀不輟光緒五年遂卒九韶子祖彭字壽人光緒辛卯舉人丁未進士選庶吉士
璘字英玉號橫溪縉子也正德八年舉於鄉明年成進士除南京工部主事武宗南巡欲擇一通敏有識者侍左右備顧問眾推璘一日帝注目久之問曰汝管船官耶璘奏對稱旨帝謂侍臣曰甚爽利可著充護衛官遂扈蹕還京升南

京兵部郎中奉旨
可意考察補外謫
益峻日用所須取
文同官駭愕瓌曰
洗無以供朝夕費
曲雖略有差等皆
間一牆招之飲多
百畝給之堅拒弗
得末疾不良於行
巒巒字忞功號松
潛教諭巒子端祥
府事錢糧羨餘不
懷嘗用宋李南金
善起元稱其賦稟
夢游字與洽幼號
厭舉子業好攻詩
推重與莆田宋珏
表其墓桓死爲梓
屬故舊遺草而不
通籍而故名家子
奢聞其才檄試之
悒鬱杜門蓋自是
所歸分宅居之沒
則主其家禍發逮
早卒遺孤京善甫
有急或以衣付質

以私田數頃歸夢游田瀕江歲多漂沒或被侵奪追呼逋稅無甯日乃盡鬻他產償之丙戌秋鍾山木伐爲薪買者塞途獨不取尺寸問其故不對無何旬慄士賊起城閉旬日乃裂柱以炊貧病骨立晚年以書易米好事者寶其賤墨易簣之日猶爲高座寺僧作詩書大幅年六十一卒著有綠茂軒集宣城施閏章梓以行世夢游從子友惺亦工詞翰閏章嘗贈以詩裔孫綬汝

綬汝字仙沂 國朝乾隆時諸生父城字石頭工篆刻綬汝傳其法文名噪甚客揚州主御史鄭宗彝家與汪中俱以鑒別書畫名鉛山蔣士銓賞之子喬字敬岳束脩自好早卒

論曰東橋才猷卓越文學政事兼擅其長晚年領袖詞壇南都人文於斯爲盛

璘居中正街今猶名尙書坊

寒松剛介之性老而愈篤不爲狂而爲狷尤人所難能也孝直作吏清白林下徜徉不辱其世矣與治身爲遺老比跡陶潛以前朝老明經終蓋當明之季顧氏列庠序者凡三十餘人至於今儒業猶未盡墜云

梁周二王傳第七十一

梁材字大用號儉菴南京金吾右衛人弘治八年舉於鄉十二年成進士除德清知縣勤敏有異政正德初遷刑部主事劉瑾用事以意生殺人材執法不少徇又能文章瑾誅曉諭天下榜文材所撰也進郎中改御史出爲嘉興知府調杭州田租例參差爲酌輕重立畫一之法歲飢發粟以振五日皆徧遷浙江右參政轉按察使鎮守中官畢眞與宸濠通將舉城應之材與巡按張縉劫持眞奪其兵衛尋以伉直忤後巡按爲所劾奏量移雲南材不以爲意曰御史是耶譴死無恨不然自有公論在矣雲南土官相仇殺材召其酋曰汝罪當死今貰汝以牛羊贖御史訝其輕材曰如是足矣急之變生諸酋果衷甲以待聞無他乃止歷貴州廣東左右布政使吏民輸課令自操權衡胥隸不得豫旦夕皆飯堂上以蔬循食廉名聞天下嘉靖六年拜右副都御史巡撫江西尋擢刑部左侍郎轉戶部進尙書自外僚登六卿不滿二載自以受恩深益盡職上言臣考去年所入止百三十萬兩而所出至二百四十萬加催徵不前邊費無節凶荒又多奏免國計安所辦詳求弊端一宗藩二武職三冗食四冗費五逋負乞集

廷臣計畫條請於是宗藩武職各議上三事其他皆嚴爲節帝悉報可中官麥福請盡徵牧馬草場租材不許侍郎王軌清勳戚莊田言宜量等級爲限材奏成周班祿有土田祿由田出非常祿外復有土田今勳戚祿已逾分而陳乞動千萬請申禁之自特賜外量存三之一以供祀事帝命並清已賜者額外侵據悉還之民畿輔屯田舊以御史督理正統中易以僉事權輕屯政日弛材請仍用御史御史郭弘化言天下土田視國初減半宜通行清丈材恐紛擾請但敕所司清釐籍難稽者始履畝而丈母喪去服除起故官時張璉桂萼用事材以清介挺立其間不爲下中官常有所需於部帝止之曰尙書嚴不可干也大同巡撫樊繼祖請益軍餉材言大同歲餉七十七萬有奇例外解發又累萬較昔已數倍口益月增太倉銀不足供一鎮無論九邊也不可許時修建兩宮七陵役京軍七萬郭勳請給月糧冬衣材以非故事拒之勳劾材誤公帝詰責材竟如勳奏勳復建言三事請開礦助工餘鹽盡輸邊漕卒得攜貨物材議不盡行勳益怒材自以屢忤權貴懼不免乃乞改南爲給事中周琬所劾吏部尙書

許讚請留之帝不悅令材對狀材引罪得有六年考滿遂令致仕初徽王守莊者與個人訟材請革守莊者令有司納租於王報可王奏不便帝又從之材已去侍郎唐胄等執初詔帝大怒并責材令以右侍郎閒住明年戶部尙書缺帝念材廉勤大臣亦多薦者乃召復故官加太子少保三掌國計砥節奉公如一日帝眷亦甚厚其秋考察京官特命監之有大獄不能決又命兼掌刑部事帝歎曰尙書得如材者十二人吾無憂天下矣大工頻興役外衛班軍四萬六千人郭勳籍其不至者責輸銀願役廩食視班軍材堅持不予勳劾材帝命補給勳又以軍不足籍逃亡軍布綿折餉募工材言今京班軍四萬餘已足用不宜借口耗國儲帝從其奏勳益怒劾材變亂舊章先是醮壇須龍涎香材不時進帝銜之責材沽名誤事落職閒住既歸門庭闐然如寒士時有檢校管景者亦罷官還同居武定橋南北相向景造樓居廣田產其門如市人反戲稱之曰管尙書梁檢校材去國未幾卽卒年七十一後邊儲國用大窘世宗乃歎曰材在當不至此隆慶初贈太子太保諡端肅著有奏議七卷管景字子山上元人以

貢生官廣信府檢校攝永豐知縣遷上饒值橫峰窳民作亂作勸善懲惡箴示之盜悔罪殺其魁民塑像祀之遷布政司檢校著有西浦稿其江甯縣志應天府志則與徐霖劉雨同撰者也雨字潤之江甯貢生文亦高古武宗幸南京索地志知縣白思齊延景等撰之不浹旬而成材子山冠俱諸生舟嘉靖十九年舉人山子應輔諸生應輔于桂芳以貢選徽州教諭桂茂字鳳池善書尤工入分有肆應才以廕敘宗人府經歷歷至臨安知府告歸飲酒賦詩翛然自得桂苓諸生桂茂子益生官桂林府同知資生力學有文名資生子之憲字爾礪願夢游之甥也鎮江姜鶴儕以事繫獄夢游力營救不得出除夕遣之憲同囚守歲久始得雪之憲亦慷慨有至性行類夢游以諸生終

周金字子庚一字約菴號橫山南京府軍右衛人家於尚書吳文度之側金幼赴塾文度目而器之曰此子名位當勝我遂以女妻之一日召金飲坐上果有藕杏文度出對句曰綠荷方得藕金應聲曰有杏不須梅文度大喜金舉弘治十七年鄉試正德三年成進士授工科給事中累遷戶科都給事中閻達警敏諳習世務疏言京糧歲入三百五萬而食乃

四百五萬當痛爲澄汰中官迎佛及監織造者濫乞引鹽暴橫道路當罷都督馬昂納有姪女弟當誅昂而還其女朝議用兵土魯番復哈密金言西邊虛億而土魯番險遠且青海之寇窺伺西甯不宜計哈密從之嘉靖元年由太僕寺少卿遷右僉都御史巡撫延綏邊人貧甚金爲招商聚粟廣屯積儲以時給其食改撫宣府進右副都御史宣府總督馮清苛刻諸軍請糧不從且欲鞭之眾轟然圍清署金方病出坐院門召諸軍官數之曰是若輩剝削之過欲痛鞭之士氣稍平擁而前請曰總制不恤我耳金從容諭以利害眾乃散得無變移撫保定巡按李新芳疑廣平知縣謀已欲扶之知府爲解并欲執知府發兵往捕知府及佐貳皆走一城盡空金發其罪狀而都御史王廷相庇新芳與相爭帝卒爲黜新芳官擢金兵部右侍郎以右都御史總督漕運章聖梓宮南耐護行大臣議從陸路金獨言宜從江民免勞役尋巡撫鳳陽諸府久之進南京刑部尚書就轉戶部致仕卒贈太子太保謚襄敏金喜讀書尤善詩歌雖羽檄倥偬不廢吟咏著有上谷漁陽二稿子仕廕都督府都事官至苑馬寺卿偉國子生

王以旂字士招號石岡其先有名以才者仕張士誠明平吳以才逃亡其妻狄年二十六生子民甫六月隨例徙京師遂爲江甯人居南郊小市狄氏守志四十餘年教民就學有成人稱安節先生以旂民之孫也廣穎豐頤音吐如鐘爲諸生時都御史金澤器之贈以所服金帶日子異日當似我也正德五年舉於鄉明年成進士授上高知縣華林賊方熾以旂訓鄉兵禦之賊不敢犯徵爲御史出按河南宸濠反鎮守太監劉璟與濠通倡議停鄉試以旂言河南去江西遠罷試無名乃止璟又言帝親征道且出汴牒取供頓銀四萬兩以旂執不予世宗卽位欲加興獻王尊號以旂抗言不可已上弭災要務言司禮監取中旨免張漢賊科臣不豫聞此啟矯僞之漸也帝不聽督學畿輔得容城楊繼盛補博士弟子員後以劾嚴嵩被禍者也累遷兵部右侍郎徐呂二洪塌漕舟膠命兼右僉都御史總理河漕并修復昭陽諸湖以旂因河道梗塞言海運所當講求帝卻其議乃濬山東諸泉以濟運且築長堤聚水如閘河制踰年渠水通進秩一等尋拜南京右都御史自以風憲重臣居鄉里奉法惟謹每過家必引避

小市路口曰此皆吾鄰家父老爲貿易者吾不忍以車前八騶妨其務也微時卑屋三楹旣貴移於園中不加粉飾題曰存本堂宅地荒僻多草臺撥餘丁四人芟除以旂急遣之曰此四人非姻卽鄰何忍用之有謂其郊居不便勸置城中大第者不從召入爲工部尙書止江西所進樣器改左都御史復轉兵部尙書兼督團營曾銳被逮代爲三邊總制屢破套寇延綏甯夏開馬市其長狼台吉約束所部終市無譁在鎮六年修延綏城堡四千五百餘所又築蘭州邊牆加太子太保比卒軍民爲罷市贈少保諡襄敏著有石岡集漕河奏議督府稿子管行太常卿齋府通判黃院照磨竹推官

王暉字克明一字子緘句容人正德十一年舉於鄉明年成進士初除吉安推官從南贛巡撫王守仁平宸濠遷大理寺副嘉靖初以爭大禮下獄廷杖累擢至右副都御史巡撫江西歷兩京戶部侍郎出督漕運進尙書歷官皆著清操而倉場給事中厲汝進反劾其受賄遂罷歸卒於家

論曰端肅理財裁抑貴近屢躓不悔世宗卒諒其心司農之良也二襄敏諳練

邊事威惠兼施而石岡治河拳拳於海運見及三百年之後可謂明如著蔡矣
子緘則武功謙讓顯於正嘉之朝卒以蜚語中傷莫竟其用惜哉

金陵通傳卷十五

弟作儀參訂受業夏仁虎校字

金陵通傳卷十六目錄

第七十二冊

弓元 父贊 裔孫錫 景陽 宗人鄉 火城 霽 張翊 黃琮

第七十三冊

李熙 父吳 邵清 王弘 范祺 趙俊 金賢 子大車 大輿 夏輯 立孫國卿 國卿子哀 愷 袁愷子賦臣

第七十四冊

王鑾 子可大 可立 立孫萬禩 何遵 祖瑄 從父鉞 子世守 曾孫光顯

第七十五冊

黃宏 子紹文 鄭璫 子守矩 嚴紘 紘孫不承 楊銳

第七十六冊

邢珣 宗人燦 科 夢珂 珣子埴 曾孫仕乾等 孟麟 瑁曾孫昉 瑁從弟瑗 向異 魏子世橋等 孫繼本等 襄 必慶 建祚 星 族一人如斗 景陽 夢卜 皆等 楊殿 鳳陽 原邠 懷西 自業 紹發 在尙 之鵬等 宗楷 承 瑞年 土所 邦華等 上森

通傳卷十六目錄

第七十七册

羅鳳 王顏 姚隆 丁沂 李重 邵鏞 沈恩
清 胡 吳珣 夏甯 王文光 吳惠 李傑 強毅 張瓚 尹賢
朱珩等 俞莊 莊子倫 張蕡 弟綦 從子應圖 堙 章慈

金陵通傳卷十六

江甯陳作霖伯雨纂述

弓張黃景傳第七十二

弓元字大方江浦人自云駢臂子弓之後也世居孝義鄉父瓚博綜書史練達時務充陰陽學訓導里中諸大建置力任修舉元舉成化二十二年鄉試弘治九年成進士除岳州推官擢御史巡按江西上修內攘外一疏幾萬言洞明政要報聞未幾卒官著有午夢錄及文集裔孫錫字子周 國朝康雍間諸生以孝友推重鄉里年近九十兩舉鄉飲賓不赴知縣項維正嘗造門禮焉
張翊字惟忠先世自吳徙實京師遂為上元人父晟性倜儻尚風誼思大其家謂儒者經濟學問在詩書乃多購書藏之翊少穎悟十三解讀書力學修業非定省及父召不出戶家本近市凡俚語玩具一切不曉每對客自尋奧義漫不知客語云何唯唯而已舉弘治十七年鄉試再上禮部不偶其勤學在館如家在舟車如館不奪於可欲自京及家人問京國繁盛與所過城邑皆不知也

初試大理評事卽日取獄囚勘詳輕重其學淹貫歷代史事及明初朝章國故
旁涉天文地理星卜草木之書正德六年夏夢神告曰金公請作調愀然曰金
秋氣調弔同音人其弔我乎一日往別墅有自城中來者曰某坊火翊曰吾里
也恐燬吾書急馳歸馬羸多蹙遂得疾果以秋卒年二十七墓在建業鄉張家山翊嘗謂
蘇伯修元名臣事略多缺作元名臣言行錄四卷又采宋史臨奠大臣之禮爲
一編曰臨奠錄言大臣宜厚也又有豎鑿錄爲瑤燄而作妻鄭耳熟文義能屬
詞子鶴齡亦有名

黃琮字元質其先籍撫州父度浩字望雲以事至金陵愛其風土遂定居爲上
元人琮補應天諸生作平蠻金陵二賦文譽騰起與張翊同歲舉鄉試弘治十
八年成進士除青田知縣興修浙江省志旣與時不合謫長樂教諭復遷郟城
知縣作問官祠祀郟子及孔子自爲記又感時弊著馬政二篇擢橫州知州得
秦觀海棠橋址拓堂宇以風夷俗升岷府長史以母柳年高乞養歸未幾卒墓在
夾撰有求志行義青田謫游郟城諸稿嶺南日課續課楚征日錄宗說東歸乞

黃堂等集子伯耕仲牧世其學

景陽字伯時祖成與御史大夫清爲從兄弟居真州父宣廣東布政司照磨歸
老青溪遂爲上元人暘數歲能文劉大夏器之事母孝母目盲數歲復明夙治
易與何宗伊字賓方宗顯相砥礪善書工小篆舉弘治十一年鄉試正德二年
成進士以一甲第二人及第除翰林院編修時劉瑾專國見者屏氣暘獨不少
阿每當進講必越宿齋戒冀有感悟在館九年遷國子司業以資當進梁儲謂
之日成均士子師範非君不可因奏留之尋請歸養改左中允管南京司業事
南方士習競便利有請託者一切謝絕初友人張貢見暘女欲聘爲子婦俄而
貢卒暘曰吾曩已心許之忍負亡友乎卒召其子妻之會以母憂去位服闋赴
都方宗顯仍爲布衣與同舟行至儀真暘以疾卒宗顯親爲視斂痛逾手足送
其喪歸葬焉葬夾岡門外孫家山暘著有前溪集同縣火城字國用出百金梓之曰吾不
忍故人精華沒於地也暘宗人卿字夢弼善畫小景嘗自寫杏花題絕句云晴
團紅粉護春烟彷彿江村二月天記得踏青回首處一枝斜拂酒樓前齊字光

甫工詩著有登陟紀吟避暑吟上元萬夢桂有詩贈之夢桂字稚徵以貢生官
崇義知縣賜子二擇持擇子二禎祥祥子四昇星暹早星子三躍
榮熙天啟初建景公祠於雨花山使躍奉祀給以衣巾
論曰學能經世之謂儒非徒咕畢章句而已也弓元修攘之疏張翊豎鑿之錄
黃琮馬政之篇練達時務莫是過矣景暘正身進講不為瑄屈不言而躬行其
有得於鄒魯之宗旨乎

李邵王金夏傳第七十三

李熙字師文上元人父昊字致遠天順六年舉人成化五年進士除檢討改南
京禮科給事中二十二年宮中黑眚見昊力陳時事當罷行者出為浙江左參
議值紹興水災乃寬民逋負嘉興陳百戶聚眾劫庫卽調兵禽之以伉直轉長
蘆運同改廣西太平知府著有坦拙謫居二稿熙以弘治五年與邵清同舉鄉
試九年成進士除將樂知縣擢御史十八年奸人徐俊等造謠言帝遣齎駕帖
至南京多所逮捕已而知其妄熙疏言陛下於此事威與明少損矣儻奸人效
尤妄以蜚語中善類害何可勝言帝納之正德元年九月以災異抗疏請誅劉

瑾詔逮至錦衣衛撲二十罷歸踰年瑾復摘牘語文致微過詔於南京午門杖

五十時南京禁衛久不用杖乃選卒習之人人為熙危熙在獄猶為外舅作壽

頌數百言見者嘆服瑾誅得禍者皆起熙獨廢居十六年家在新橋西橋舊名

飲虹人以熙方嚴峭直因稱為飲虹先生況其負氣而善藏也嘉靖初始起為

饒州知府遷浙江副使尋卒墓在鳳西鄉李家庫著有尙友集明農集飲虹遺稿

邵清字士廉江甯人幼有至性三歲喪母號泣別室必欲往視禁之不可既長

貌古神秀音聲清遠以舉人選授德化教諭山東巡撫聘典試事悉心校閱事

竣拒贄不納馬文升戴珊廉其賢薦擢御史由教諭為御史自清始在臺委督

抽分奸弊一無所容近侍屬請者不少貨外戚張延齡奏人負券若干縉有旨

與追清置不為理正德初按鹽長蘆兼理河道忤中貴人劉瑾矯旨逮清榜於

午門下家人泣清曰我非自敗名節以辱先人至此況得失在我何哭為因罷

歸閉門灌畦瑾誅復官分巡雲南瘴鄉賊藪靡不親歷累至廣西左江僉事忠

州龍州土官罪惡日甚清不動一兵而禽之疆圉晏然生平所莅皆膏腴地而

一毫不染請告還里家貧無屋依外氏敝廬以居提學林有孚過訪無茗椀可
設有孚太息去南京禮部尚書霍韜以所毀菴廟田若干畝餉清清不受疾革
語其子曰爲己謹獨最難務保此生無過至瞑目心始安耳遂卒後祀賢良祠
王弘字叔毅號巴山六合人家世業農弘年十餘齡聰慧異常兒莊景以女妻
之嘗騎牛讀書遇知縣某試之日牛首親黃卷即應曰龍頭奪錦標知縣舉成
奇之留與語既出弘送之知縣曰送別黃泥壩即應曰相逢白玉階舉成
化十六年鄉試弘治六年與溧水范祺上元趙俊同成進士除御史正德初因
災異上疏其略曰自古奸臣欲擅主權必先蠱其心志如趙高勸二世嚴刑肆
志以極耳目之娛和士開說武成毋自勤約宜及少壯爲樂仗士良教其黨以
奢靡導君勿使親近儒生知前代興亡之故其君惑之卒皆受禍陛下卽位以
來天下顛然望治乃未幾寵倖奄寺顛覆典刑太監馬永成魏彬劉瑾傅興羅
祥谷大用輩共爲蒙蔽日事宴遊上千天和災祲疊告廷臣屢諫未蒙省納若
輩必謂宮中行樂何關治亂此正好人欺君之故術也陛下廣殿細旃豈知小
民窮檐蔀屋風雨之不庇錦衣玉食豈知小民祁寒暑雨凍餒之弗堪馳騁宴

樂豈知小民疾首蹙額赴訴之無路昨日雷震郊壇慧出紫微夏秋亢旱江南
米價騰貴京城盜賊橫行可恣情縱欲不一置念乎閣部大臣受顧命之寄宜
隨事匡救宏濟艱難言之不聽必伏闕死諫以悟聖意願乃怠緩悅從異順退
託自爲謀則善矣其如先帝付委天下屬望何伏望側身修行亟屏承成輩以
絕禍端委任大臣務學親政以還至治疏奏劉瑾大怒廷杖弘二十削籍歸瑾
誅起爲廣東僉事提督學政征猛賊有功俄復罷嘉靖初有援引出議大禮者
弘辭之復與時忤致仕卒祀鄉賢著有巴山集范祺字應禎以成化三十年舉
人登進士歷至福建僉事有操守於法無少貸豪右咸屏迹改雲南值劉瑾用
事祺不樂仕進遂告歸家居二十餘年足迹不入公府年八十四卒著有拙齋
集趙俊字克用號雪岩以御史按治屯田巡江巡倉釐革宿弊薦林俊楊一清
才堪大用時太監汪直以罪安置孝陵乞茂陵司香火冀復用俊疏其好事遂
已出爲淮安知府正德初劉瑾執權中飛語歸閉戶讀書訓子尤嚴子兌字鸞
洲以正德十六年進士官御史罷歸猶戒之曰汝還而閒居毋蕩曠業可日課

詩文兒恪遵弗違也兒後起爲常州知府仕至參政俊遂不出著有雪岩集兒子合字練江王可大之壻也合卒子如循尙幼妻守節獲旌

金賢字士希一字東園曾祖洵自永平徙南京遂爲江甯人賢偉幹修髯顧盼自喜舉弘治十四年鄉試明年成進士除仁和知縣疏復西湖田數百頃入爲兵科給事中勘獄兩淮時劉瑾執權諸司錄囚非取其意旨不敢決賢獨據法剖斷瑾大恨之出爲大名知府建狄仁傑寇準祠籍贏金二千兩於官卒中忌改知延平蒞任七日乞病歸生平重敦睦樂周卹與王韋交最摯韋常有所貸身後焚其券年七十一卒賢少學易於吳彥華聞晉江蔡氏著易說乃與董林推衍奧義歎曰聖人精微盡於易而行事則在春秋學者不通春秋終不達聖人之用遂取三傳及諸家之說作春秋紀愚十卷春秋或問百篇于二大車字子有嘉靖四年舉人耆古博學周秦以下諸書無不研究文尤奧衍詩亦超逸父卒遺產千金悉推以予諸弟人有負所貸者召責之已稔其赤貧更遺以金著有方山遺稿大輿字子坤號平湖諸生性曠達豪邁不問家產名日起而貧

日甚著有詩文諸稿卒後其友郭次甫日子坤極有義氣交遊中乃無好事者梓行之余囊中僅有一漢鼎若售去可成此舉適吳人以四十金買之其集乃刊成焉

夏輯字良成高淳人年十三居親喪廬墓二年長與王守仁爲友舉弘治二年鄉試除沙縣知縣以忤劉瑾罷歸瑾誅起補瑞安知縣調曲江皆有政聲著有懷慈集玄孫國卿字石渠性孝友撫猶子如己子焉國卿子衷愷字感如耆古好學尤精於易屬世多故遂棄諸生隱居湖濱與魏吉韓无疾等結社賦詩著有強裁草衷愷子鉉一助賦臣皆諸生賦臣初名雲字雲士號漁生喜吟咏與張自超訂交嘗輯三湖逸詩修高淳縣志著有漁村詩稿

論曰劉瑾專政內外百僚從風而靡而李熙邵清王弘獨與相抗繫獄廷杖節義之風凜焉范趙金夏諸人一與瑾忤蕭然遠引識保身之哲矣東園父子文學斐然較諸雪岩鷺洲不幾兩無軒輊哉

王何傳第七十四

王鑾字汝和號西泊南京錦衣衛人父潤字宗本以孝友長厚名鑾面白皙有威丰骨清峻舉正德五年鄉試明年成進士觀政吏部時流賊初平鑾作原治三篇略謂今之賊盜皆由守令非人監司惟利趨承撫按固覈實效以致浸淫潰敗弭盜之本在禁奢崇禮敦教化黜貪墨尙書楊一清器之補文選主事朝夕扃戶人罕得見遷考功員外郎節益峻進驗封郎中武宗南巡上書力諫廷杖被創歸踰年卒著有西泊遺稿子可大

可大字元簡一字曉山號少治修軀銳首面長尺眉目疏朗音聲如鐘舉嘉靖十年鄉試三十二年成進士歷刑部主事至郎中閤臣嚴嵩欲陷人重辟可大執不可出爲台州知府與總兵戚繼光敗倭於花街白水洋嵩猶惡之復左其官遂歸閉戶讀書士大夫有過訪者才一報謁而已嵩敗起爲興國州同累遷黃州通判承天同知拜南京戶部郎中未行授瓊州知府平李茂之亂尋致仕家居高自位置得簡貴聲年七十餘猶蓄聲伎衣必華整四邊以紅紫黃綠帶緣之香氣拂人飲宴談諧人謂有東橋之風書法鮮于伯璣非所愛索一字不

得著有三山彙稿國憲家猷白雲稿縣筒集金陵名山記弟可立字丹邱諸生淡於名利御子弟嚴整有法度七十後猶手書所撰小程吏數十卷又有建業風俗記引睡稿可大子肖徵萬曆四十三年舉人孫某海瑞來掌南院謂之曰乃祖在瓊只飲一杯水爾曹毋墜家聲曾孫萬禩萬禩字日華號夏甫崇禎十三年貢生性至孝母武氏病禱天求代刲股以進工詩善書暮年足疾終日臨池手不釋卷年八十餘卒著有香醉山房存稿及詞稿彙陶全編金陵名勝記名山雜記河海錄奕林閑詠萬齡字月華亦諸生風雅與兄並著又萬壑字壽甫其從弟也著有詠物詩

何遵字孟循號味淡其先有名文廣者自吳江徙實京師文廣生澄澄生瑄字素菴精天文遂入南京欽天監籍性慷慨好義母喪哀毀目盲年八十九卒子鑑嗣爲天文生鑑弟鐸卽遵父也鐸弟鉞字勳伯號東谿正德二年舉人六年進士由行人轉御史奉命清戎務閱軍器剔蠹殆盡巡按浙江適值柄文甄拔名士爲多除荊州知府振興學校調常德尋乞歸放情泉石勵諸子以耕讀鉞

子適嘉靖二十八年貢生鐸妻夢赤葵而生遵甫六齡見日食即跪護之幼無他好粗衣糲食不以屑意家貧父命之賈不願也去爲儒舉正德八年鄉試明年成進士吏部尙書陸完聞其名使子弟從學及選臺諫遵引疾日不可因人進也授工部主事權木荊州涖任初卽申嚴禁令首竄奸胥數人輿論稱快舊弊有丈尺畸零樣木熟抽諸名色悉徵課入官備用遵盡革去凡稅自百金以下減三之一風濤敗貲者勿算入算者手實其數自識之藏於郡帑數日一會比去不私一錢登舟波浪大作遵投詩與江神云兩袖清風歸去好滿船明月順流安此心若與神明悖一任長江有急湍少頃風息旣歸京師會帝將南巡以進香東嶽爲詞遵抗言淫祀無福萬一宗藩中藉口奉迎潛懷不軌則福未降而禍已隨蓋指宸濠也諸權倖見疏邊勿進時郎中黃鞏修撰舒芬等先後以言下獄遵復極言江彬怙權倡亂鞏等無罪願特寬宥毋使後世傳有殺諫臣名帝怒并逮繫之拷掠瀕死復罰跪將加廷杖友人勸令用賄買輕遵曰法不可枉囊亦無錢杖至四十肢體俱裂越三日而卒年三十四當遵草疏時家

僮何安前哭諫曰主縱不自計獨不念老親幼子乎遵從容曰爲我謝大人兒

子勿令廢學足矣已復書託周金陳沂以後事語不少亂死之日父鐸方祭墓

歸有鳥悲鳴心異之或傳工部有以言獲罪者鐸長號曰遵死矣旣而果然世

宗立贈尙寶寺卿應天府建祠祀之在紅紙廊霍韜題其額曰廉直子世守以廕爲

國子生除刑部照磨出爲臨江通判值水漲世守願以身塞之潮旋退平謝法

四賊黨民賴以安改判永昌定木邦之亂轉安吉知州除寇救荒舉天下清官

第一進南京刑部員外郎乞病歸卒贈少卿與父遵俱祀鄉賢著有天邊別駕

夢談錄廣續別等集續志動集榮忠忠節大獄庶獄清曹平刑等錄撫定木邦

記止足分陰等書世守子應鼎監生應鼎子光顯

光顯字丕承諸生以名節自負天啟中南京建魏忠賢生祠於雨花山光顯捐

貲購地上闢祠數武起海瑞祠同日興工一榔一斧務令聲相應云以愧彼且

爲國家存一綫也嘗上書觸闖怒御史游鳳翼疏其妖言謀反并誣以不孝父

應鼎力爲辯亦下獄子齊賢方七歲哭爭於刑部尙書周希聖會闖誅得解崇

通傳十六
七
禎十年復疏陳時事不報弘光初又上書痛詆馬士英劉孔昭遂被戮於市
論曰西治味淡直諫而死刑不上大夫有明一代君臣其深愧此言矣少治觸
忤分宜猶有厥考之風烈其清操介節爲海剛峯所稱豈易得哉丕承以太學
生屢上封章卒以身殉雖昧出位言事之義然與陳東歐陽澈後先同揆已

黃鄭嚴楊傳第七十五

黃宏字德裕六合人弘治十四年舉於鄉明年成進士除萬安知縣縣民好訟
訟輒禱神宏毀其祠曰令在何禱也訟者至每片言折之入爲戶部主事改南
京刑部累官南贛江西左參議從王守仁討橫水桶岡賊督餉有功甯王宸濠
縱賊閔廿四等劫掠宏率兵捕之走匿王墓所盡獲其輜重以歸宸濠逆節益
著士大夫以爲憂宏正色曰國家不幸有此我輩守土死而已有知大義不入
其黨者則陰左右之及宸濠反被執不屈下獄憤恚弗食作絕命詞云天翻地
覆霎時間取義成仁自不難蘇武但知持漢節文山豈肯受元官丹心貫日三
台爰忠血凝冰六月寒報國此身今已矣九原還爲老親歎遂以柩觸項死賊

義而殞之子紹文奔起求得其棺以僞命治斂非父志亟易櫬扶歸嘉靖初贈
太常少卿祀旌忠祠王守仁額之曰孤忠抗逆崇禎中追諡忠節紹文字道甫
以貢歷官南安訓導晉江教諭文行並著嘗修六合縣志及廣德州志著有徵
忠錄紹文弟紹武諸生工詩宏孫坊著有白忠錄

鄭獻南京驍騎衛人弘治八年舉於鄉十二年成進士除新喻知縣行取爲某
部主事歷郎中出爲高州知府遷南昌時宸濠蓄異志招巨盜劫江上獻捕之
宸濠誣奏獻捶殺王府校尉賄太監錢甯矯詔撫按提問宸濠反械獻小舟中
忽風吹船開見鄰船有舊部兵獻諭以禍福眾共釋其縛因奪馬登岸潰圍一
呼從者千人斬賊范成等赴王守仁營備陳賊勢烏合易散請速進兵守仁授
以兵四百又俘甘桂等賊平復官以訐直忤大府爲楊材所誣侍郎吳廷舉疏
辨之乃擢山東運使卒官子守矩字子方嘉靖三十一年舉人官邵陽知縣廉
明仁恕亦以不合上官乞歸少有文名晚詩興益豪年八十三卒守矩從子時
選亦知名

嚴紘字仲周號石巖江浦人父良有隱德紘少從莊景遊與鄭獻同年舉鄉試弘治十五年成進士官御史正德初疏劾劉瑾出知南昌府極論宸濠非制進九江僉事從王守仁討逆有功就擢江西左布政使尋告歸見里民困於馬政冊江賂賦衛軍苦輸月銀白當事悉罷之他無私謁年九十四卒子師範孫不承字曉溟隆慶四年舉人歷孝豐商城知縣振饑鋤強恩威並著轉惠州府同知潔己愛人及歸父老繪臥轍圖以紀之

楊銳字進之南京羽林前衛人世襲指揮使正德初以才擢掌龍江右衛事督造漕舟於淮安兵部尙書王瓊以宸濠有異謀安慶居要害宜置戍乃進銳署都指揮僉事守備其地銳與知府張文錦治戰艦日督士肄水戰未幾宸濠反東下將順流取南京銳命軍士鼓譟登城大罵賊軍怒留攻城城西尤衝銳自當之晝夜拒戰殺傷賊二百餘人已而賊悉兵至號十萬舳舻相銜幾將百里宸濠乘黃艦泊黃石磯身自督戰令人持檄入城諭降銳腰斬以徇賊怒攻圍益急雲樓數十瞰城中城亦造飛樓射賊夜繼人焚外樓賊又置大梯廣二

丈高於城版蔽之前後有門伏兵其中輪轉以薄城城上束葦沃膏然其端梯近卽投之須臾燼賊多死時軍衛卒不滿百乘城皆民兵老弱婦女饋餉人運石一二數日積如山賊攻城城上或投石或沸湯沃之賊輒傷銳等射書賊營諭令解散有亡去者乃募死士夜劫賊營賊大驚擾宸濠慚憤謂其下曰安慶不能得安望南都會聞王守仁破南昌遂狼狽遁去凡十八日而圍解事聞擢參將且薦鄭岳胡世甯用之世宗立論功升都督僉事廕子千戶再遷僉書左

府改南京右府充總兵鎮遼東移督淮安漕運被劾歸未幾卒
論曰宸濠駭豎子也而欲效靖難之師其鋒何足畏哉然黃宏從容以死則陷於羅網而不得免耳鄭獻出險入夷與嚴紘邢珣皆隸陽明麾下克成大功余謂力過兇鋒楊銳尤爲功首云

邢氏傳第七十六

邢珣字子用高淳人弘治六年進士正德初歷官南京戶部郎中忤劉瑾除名瑾誅起南京工部遷贛州知府招降劇盜滿總給田授廬撫之甚厚後討他盜

多藉其力南贛巡撫王守仁討橫水賊珣率兵自上猶石人坑入常為軍鋒進擊桶岡賊方約降珣與吉安知府伍文定已冒雨奪險進賊阻水陣珣直前搏戰文定等出其右賊遂奔潰珣先破其大巢以功最增一秩甯王宸濠反以重賞誘滿總總執其使送珣遂從珣討之王守仁既克南昌遣珣等分道進宸濠自安慶還救遇於黃家渡伍文定當其前賊趨利珣繞出賊背貫其中文定乘之賊大潰再戰即平珣遷江西右參政嘉靖初增秩二等尋因大計被劾吏部以軍功未酬請進秩布政使致仕從之遂歸久之卒時有宗人燦正德五年大水振饑施藥死者給樵科亦於嘉靖八年捐粟千石助振夢珂嘉靖四十四年舉人官慶元知縣夢沂字魯生家貧事親孝典衣以奉甘旨親怒必跪而受杖及居憂哀毀盡禮以諸生終珣子埴少從學於張璠嘉靖初舉於鄉璠貴顯屢欲援之辭不應除浦城知縣有徐沛者役公府埴一見異之令與子同學且為娶妻後登第為給事中其家世世祀埴埴弟址由進士歷御史終山東鹽運使以清操聞珣從弟瑁

瑁一

瑁字南涯諸生工詩著有南涯集子符符子尚賓尚賓子一涓均有名學校一

涓子昉字孟貞亦諸生家多積書博聞強記與里中李昌裘結詩社又偕胡蛟之韓仲孝韓與九魏吉魏耀為湖濱六逸性剛下一語不合見色拂衣恥為俯仰之態屢游吳越山水間崇禎五年試於有司斥其文曰太狂因作太狂篇遂棄舉業益肆力於詩古文詞明亡依王子京以終年六十四著有石日前後集昉弟亞貞失其名亦工詩甥季東野從昉學詩有集四卷濟南王士正雅善昉詩屬高渑知縣李某訪其子孫厚贈之至 國朝乾嘉中昉後中絕有族孫坦字平坡為立近支承其祀且助以婚娶費復生字純修號荻洲為校正石臼集著有寶綸堂詩草

瑰字廷美性慷慨好義嘉靖二十三年大祲代人輸賦且出粟振饑施棺置義塚孝子宋德以救父誤傷人胡達以盜屬株連瑰皆為辯明福建王某以獲罪鬻妻瑰代贖之陳某以病來投旋卒瑰厚葬之子世橋亦嘗捐粟千石助振世榮官兵馬司指揮嘗築襟湖隄造永濟橋從子世仁字良性官錦衣衛千戶有

指揮某擅擬疏論眾世仁力沮之母喪歸捐置宗祠周卹窮乏世文嘗代人贖

罪又捐貲建明倫堂歲祲出粟以振世忠安貧有隱德世榮子繼本

繼本字惟立嘉靖四十年舉人除衛輝府推官獄繫盜趙會等七人皆奸吏所
羅織者繼本廉得其情惟以會抵罪餘皆釋免有幼童姦獄久不決繼本閱爰
書歎曰十歲男女相戲耳立雪之又有盜殺七歲女於路繼本焚香籲天捕趙
姓者一訊而服會早饑設糜振民全活甚重歷擢至知府卒官從兄弟繼芳繼

初繼康繼寬

繼芳性好義以湖廣留守衛經歷署沔陽知縣築沙陽隄民便之母病告歸遂
不出愛弟以公產讓之姪貧又割田以助焉

繼初生而磊落憫鄉里水患疏胭脂河以消之後官鄆縣主簿爲民築湖隄焉
繼康字惟泰宗人某瀕死以幼子屬之撫至成立族子鬻於異姓贖之歸嘗捐
貲修橋梁歲祲出粟振族又捐穀六百石建議倉後官太甯都司斷事捐俸置
田以歲入治糜療民饑人咸頌之乞歸出境而卒子仕際字警我以貢生歷戶

部員外郎詔往振江西饑官帑不足捐貲數萬以助之歸建家廟修世譜興文
社立義倉年八十四卒

繼寬字惟嚴官貴州經歷性明決讞沙鋪王嘉猷殺人獄一訊而服尋以母老
告歸萬厯三十六年大水繼寬積粟十囤有掠之者官將寘諸法繼寬悉爲求
釋子仕乾字健甫諸生敦孝友博學能文弟仕貽以遺腹生及長推己產予之
著有歷代帝王世系圖考職方備覽仕乾子振岱歲貢生振岳字畏之 國朝
順治十一年拔貢生除金華知縣境與閩鄰耿精忠未叛時各弁出貸其地於
民積息數十萬民鬻子女不足償振岳請於上官將以奏聞各弁乃懼棄券歸
縣額南米三千餘石例解温台甯紹解戶往往破家振岳曲爲申請即以米給
本縣防兵撥解之害始除轉陽曲知縣有冀勝雲者名入逆案將就磔又貢生
戴廷拭馬如龍以忤鄉豪被誣振岳皆昭雪之後擢知邛州告歸振岳孫復升
字虞聞以貢生官繁昌教諭歷擢至邛州知州與祖官同事父及繼母以孝聞
繼寬從子仕徵仕礪

仕徵字久我年十二從父任某所父卒奉母扶櫬歸好行利人事嘗捐貲修路
建一石橋術者曰先行者必亡仕徵曰吾欲濟人反以病人耶先徒步往竝無
恙

仕礪字帶甫戶部主事繼鯤子也崇禎中以貢官南康主簿丙戌歲城陷死之
子振孫抱父尸痛哭亦死僕袁本負二尸歸葬南康立祠祀之仕礪妻孔苦節
撫幼子鉉成立仕礪從子振羽

振羽字翔之萬曆二十二年舉人由海陽知縣擢知華州時渭南知縣某索富
人賄不得使盜誣之振羽奉上官令覆訊悉釋去吏以涉嫌難之振羽曰吾豈
可避嫌殺人乎尋入爲戶部員外郎轉郎中出知邵武府事罷杉關商稅親喪
歸廬墓六年以疾卒時有宗人祖尹字任祚崇禎元年官邵武府照磨署光澤
知縣多惠政此皆其有繫屬者也若輩行無可考略依時代次之在明時則有
如斗尙異獻之期仁諸人

如斗字觀之初爲惠州府經歷調樂清縣主簿歲大旱聞雁宕山石潭有龍乃

冒暑徒步行百里往禱不越日而雨人皆感之

尙異工畫楊文驄稱其得王維筆意兩中副榜舉人以終

獻之喜讀書工雕鐫嘗以小胡桃一枚刻十八羅漢凡屋宇松竹題咏皆備焉
期仁性好施天啟元年捐穀二百石振饑崇禎七年代完積欠田租三百兩後
又積穀贍族逢歲歉輒施米以救貧民焉在 國朝順康時則有道孝襄必慶

孟麟建祥星一科景陽諸人

道孝字心之弟卒爲撫其遺孤順治九年旱捐粟以振又嘗助修學宮焉

襄字文煥以貢爲江陰訓導士貧乏者分俸錢給之因散振勞卒孫會字世英
諸生

必慶字佑徵康熙中屢出粟振饑捐田五百畝以贍族以及修文廟革里排無
不與力從弟景慶字天儒值大水没圩捐米百石助振又出穀三百石以周族
人

孟麟字玉書諸生有章之子也工詩以貢爲英山訓導著有雲籬集子孫亦諸

生

建祚字與配與穆合倩馬天成梅素五友善嘗以詩唱和焉

星字景之諸生篤行能文施閭章贈以詩云四海倦遊後還疑汎愛非寸心如
落木逢爾復春暉移榻連蔬圃烹魚出釣磯清懽成信宿不是醉忘歸可以想
其風趣矣輯有高涪縣志

一科字仲舉諸生才識不羣遇事有關繫者輒引爲己任並工詩古文詞

景陽以恩貢爲清河教諭月課諸生以詩文歸里後與修縣志居平以孝友勸
宗黨人多化之在乾嘉時則有夢卜堦鳳陽原邠諸人以文著懷西自業紹發
在尙諸人以孝著之鵬宗楷瑞年士昕邦華諸人以義著至咸豐時上森以忠
烈終焉

夢卜字茂林豪放好學工吟咏著有日陽集子芝字蘭畹性沈靜工古文及樂
府詩年八十餘猶手不釋卷著有日湖漁唱楚字荆圃諸生淹貫經史暇則蒔
桑麻種蔬果怡然自得年七十餘卒著有容膝齋草

堦字蘭軒少孤貧躬耕以養年十六外祖楊殿見其英俊勸之讀書夜攻苦足
不出戶遂通經史性剛敢言處公事如家事以歲貢生終楊殿字夢溪亦高涪
諸生工詩善畫著有偶存諸稿堦弟圻字抱真嘉慶十三年舉人性醇厚博覽
羣書尤精左穀知縣許心源創建學山書院與酌條規未及竣事而卒從弟堦
字玉川諸生性爽直不善治生喜爲人排難解紛雖被斥者毋敢怨見人作阿
曲態輒去之

鳳陽字丹峯諸生性耿介不諧於俗工書著有花岡遺稿

原邠字度波工指頭畫

懷西字日明性至孝母卒葬於浦橋去家三十里懷西年已六十二猶廬墓三
年

自業少孤家豐於財有田五百畝爲兄蕩盡自業無怨言

紹發亦孝友與兄析產已久一日鬻田得數十金割半與兄不使家人知也
在尙字愷生事母孝朝夕不離母沒抱尸呼阿孃晝夜不絕聲旣葬朔望拜墓

十餘年如一日

之鵬以監生官至知州嘗捐田百畝爲村中置義倉又設祭田大宗四十畝以周宗族小宗三十畝以恤親戚子本姬字魯侯性至孝父病革嘗糞以驗劇瘥親沒後未竟之事皆體行之排難解紛施而不德舉鄉飲大賓本姬弟本岐亦好義嘗欲爲邢族設義倉未就而卒其子復誠復吾爲成之復誠字良生性樸慤樂施予自其大母陳建石橋於邨溪上久而圯乃更建之又增置祭田數十畝乾隆中高涪大水壞民廬舍旣而大疫復誠爲籌醫葬諸費至五十年大旱復出藏粟千餘石以食眾貸數百金佐施議敘得州同年八十二卒復誠子晉從桐城姚鼐遊多文學晉弟國勛字允桐嘗捐修祠宇及學山書院費不貲皆國子生復誠從弟復遇字濟生憫族人多貧乏捐田四十畝以濟之宗楷性好義乾隆五十年捐白金二百兩以振妻孔道光三十年水亦大施米穀焉

承性慷慨敬禮儒素嘗捐田百畝爲士人考費

瑞年嘗重建賈墅橋并砌通衢四里

士所嘉慶十九年捐銀二千兩助振又捐書院田四百畝與族人禹吉俱以好

施名

邦華字石湖國子生善書寫二十四孝圖最工有王正吉者家貧將鬻妻以供母甘旨特給錢米慰留之子祥鳳字子儀諸生工四體書邦華從弟邦達字顯廷道光二十年捐田百畝以供祀事

上森字裕廷歲貢生有文行咸豐六年粵賊警其徒買舟請偕逃不可賊至奮罵不屈斷舌而死

論日子用武功卓著卒挂吏議不竟其用明之賞罰亦頗矣哉孟貞潔身不仕徜徉於三湖間而詩名滿天下遺老之有文采者也帶甫以忠烈傳翔之畏之觀之以循良著譬諸大海之中珊瑚木難無不有焉其餘文行孝義綿延至今過石湖者莫不仰布政公之遺澤云

羅姚二李二張傳第七十七

羅鳳字汝文號印岡南京水軍右衛人父富負才氣圭峯羅祀重之鳳少者學與鄭獻俱從王顏遊弘治二年舉於鄉九年成進士性峭直官御史守法不阿出爲兗州知府武宗南巡上官問以供頓費欲額外取民鳳辭曰非守職也上官忌之當大計注其名曰宜簡乃移守鎮遠復忤巡按御史又注之曰宜簡遂改石阡故自號簡翁凡三縮郡符皆有惠政及民而不合上官乞休歸開延休堂以接賓建芳瀾閣以儲書所藏法帖名畫金石遺刻數千種夙工詩晚年尤動手書所著延休堂漫錄五十卷王顏字廷表上元人與鳳同舉鄉試歷滄州教授謫南城訓導遷國子助教出爲益府長史輔導得體卒於官

墓在鳳臺門王家山

玄孫燾字元溥以貢官光澤主簿有淵泉集

姚隆字原學號東津南京留守衛人弘治十一年舉於鄉十五年成進士除新昌知縣專以節費恤民爲務凡斷大獄必焚香告天然後以法按之會歲旱民多流殍設法振濟擢禮部主事去日士民饋遺一無所受轉郎中出爲荊州知府值大水駕小舟千餘濟之修築黃潭決隄有土豪鄧玉堂者爲南道御史所

按以千金求援於隆隆曰吾六年太守只飲荊州一口水若以千金發一書盡喪其生平矣卻之中官從者殺人卽捕置於法因罷歸居城外瓦屋數間頽陋不修時人皆服其清未幾卒時溧水丁沂字宗魯與隆同年進士累官湖廣僉事振湖湘饑民被其惠仕終左都御史正德中考察爲天下清正第一

李重字元仕號遠菴南京金吾後衛人弘治五年舉於鄉正德六年成進士除戶部主事時芻糧皆中官預之重清苦自持不受饋遺尋督賦兩浙鎮守太監劉璟侵官銀二十萬兩欲厚餽以鉗其口重正色曰與其遺我孰若代民償以足國乎由是宿逋幾清歷員外郎授德安知府宗藩羣校豪橫爲民害捕寘諸法以是中讒被逮安陸民劉鵬隨入獄重未之識也訝之鵬曰太守爲民受過民皆願効死豈待識乎重卒得白謫歸俄以薦起工部郎中出知九江府進江西按察副使持法不能俯仰與上官忤去任日誓不持一物妻有耳環任中置也取投諸水旣歸教授於溧陽史氏史念重貧以學俸爲置子錢及歲暮進之重僅受所應得者餘揮之不以入囊也尙書霍韜以祠宇廢田贈之亦不受有

達官來謁忽屋漏塵土墮客茶
子种嘉靖二十五年舉人官同
述遺事與重同時又有邵鏞字
九補諸生沈恩司馬泰俱相友
郎雲南知府四川副使所至有
以拓業沈恩字復之正德十四
學正遷德化知縣治民寬和對
府嘗云向只知爲士貧不料爲
縣砥節礪行不妄取予擢御中
昌邑知縣留心民瘼以清直爲
李傑字伯奇六合人弘治十七
外郎杜絕私謁有關門李之稱
督軍營往來給餉以功賜金白

遠上元人父英以舉人官教諭
選紹興推官剖決疑案人咸
年八十二乃卒
張瓚字宗器南京虎賁右衛
江瓚涕泣督瘞之又懇請振瀟
官怒瓚應對不屈卒得免由見
人多以循吏著尹賢字復之南
縣憂勞民事亦與上官不合六
主簿署知縣均徭役練卒伍擇
義之南京廣洋衛人以貢生除
別墅取六合故事作私考邑中
潔官福州府經歷署連江福建
爲人所稱瑚字汝器有高志

孟中客改容啜之曰吾飲公清德也年八十卒
知 國朝康熙中有諸生無已者其裔孫也能
伯倫號前川南京羽林右衛人少有異質年十
善舉正德二年鄉試明年成進士歷戶部員外
聲以性伉直見忌罷歸放情泉石而不屑生殖
年與上元王文光江甯吳惠同舉鄉試除深州
上官侃侃不屈罷歸貧甚意晏如也工詩善樂
官後更貧耳王文光字有孚號竹墩官定海知
出知敘州以慈惠稱吳惠字仁甫博學工文官
權貴所構憤卒喪歸士民哭送之

年舉於鄉正德十二年成進士歷南京刑部員
出爲廣西僉事土酋岑猛作亂王守仁檄令監
後與中官忤罷歸與傑同舉鄉試者強毅字致
毅幼不好弄母薛病癰親爲洗滌中夜不寐晚
服稱爲強司理以事與上官爭不合拂衣徑歸
弘治八年舉於鄉除餘姚知縣值海溢浮尸蔽
上官方督租瓚俟其行縣率饑民路號乞貸上
見忤遂調竹溪卒官祀六合鄉賢當正嘉時郡
京太醫院籍正德八年舉人通經術晚知平樂
於任厲堙字達之南京龍江右衛人以西充縣
不急之工革鹽法水利諸弊民咸頌之章慈字
龍游訓導就攝縣事不妄取一錢歸老後讀書
二書又著學基學統以闡儒理慈宗人清字源
知縣嘗放犯吏還家吏得有子弁訊奸婦伏法
屑詭隨以貢生選嶧縣訓導有詩集瑚從弟環

亦為威縣教諭人謂章氏以儒官世其家吳珣字良瑞號以貢生除綏安教諭有諸生忤布政使學政將加斥革職歸耕詩輯有警行錄七卷夏甯字蘆溪高涇人以歲貢官有富人廬舍當毀賂甯求免峻拒之官終餘干教諭嘗與同修縣志俞莊字敬夫六合人以貢生歷温州訓導伊與鬻馬以濟貧乏升東阿王教授子侑性好義嘗出貲埋張贇高涇人母好施贇備物以順其意既官龍游縣丞孤奉命至京遇閩人虧官帑哭甚哀傾囊予之弟綦字棲野與工文贇與齊名從子應圖應亮少孤贇撫之成誼人益高其行應圖字鍾河萬厯中官政和知縣縣故無遺興築民得無虞擢知睢州乃歸應亮字汝龍嘉靖二十二年倭寇入犯偏師拒卻之調慶元入為御史抵中貴人於都陽知縣進嘉定知州平蠻有功以忤蜀藩歸家居議

年八十三卒

論曰印岡之躋東津之惠二李之廉幹二張之慈仁皆不可為哉然君子所守者道如必枉己求合則柳下三子邦之司直吾為諸君詠之矣

土泉南京會同館籍刀爭乃已晚告歸賦邵武訓導會廣學宮同縣諸生朱珩諸陞教諭修祭器置官書見遺金不顧焉獄舍修橋路振貧郵淑一字桃菴晚號岩及姪入官敦請不往數罹倭患應圖首事年舉人除餘杭知縣改四川僉事坐事謫天生橋河改折漕糧

能諧於俗豈良吏真何以稱焉詩云彼已

金陵通傳卷十六

作儀參訂受業何允讓校字

金陵通傳卷十七

第七十八冊

都勝

劉璽

尹鳳

陳忠

劉煥

胡宗仁

陳廷瑄

李佛保

孫二把勢等

高鵬

鄭印

夢熊

第七十九冊

張一鵬

子明熙 宗人問仁

明熙從子

土驕子

天銘

祖善子

謝堂等

族人效齡

武

鍾子濡 孫曙等 從孫暉 周 易 暉子向賓 周子向耕 向耕子

鍾化中

竟中 位中 可俱 光輔等 弁 玉 雲 文衡 孔瞻

第八十冊

何岳

子祖卿 孫汝健 曾孫湛之 涓之 玄孫棟如 卜璿 那一鳳

楊廷俊 廷俊子士元 涓之裔孫師孟 師孟子延慶 鎧從

從子有都 璠子鏜 王橋 橋從子萬邦 萬邦子輔 鎧從

子履吉 宗人有徵 族裔世儼 世儼從子熊 熊子官

第八十一冊

趙嘉

張文達

弟文進

周卿

子慎 魏鏜

唐詩

弟子沈野雲

司徒顯祖

宗人化

望

秦漢

朱良佐

湯銑

張曉 趙善繼

熊子成

周膏

何敬卿

鄺典

第八十二冊

通傳十七目金

吳國賢

姚福

國賢曾孫晉

鄭道先

子之彥

孫笏

嚴賓

蕭相

周

晉子睿思

趙子實

子元

謝儒

玄孫珊

暉謝一桂

張正蒙

張鈍菴

周相

章甫

章甫

章甫

章甫

章甫

章甫

金陵通傳卷十七

江甯陳作霖伯雨纂述

都劉尹陳劉高鄭傳第七十八

都勝字廷美南京羽林左衛人年十五補應天武學生襲父忠職為指揮僉事成化初擢都指揮僉事備倭揚州擊敗鹽徒作亂者尹旻等舉勝將才乃命充參將協同漕運陝西大饑勝奉詔輸米百萬石往振遷署都指揮使充總兵官弘治中以都督僉事帶俸南京前府勝居官廉靜歷任五十七年所處皆膏腴地而自奉簡淡日食止豆腐時因以稱之曰都豆腐早好讀書與名士遊及歸遂以詩文遣老焉

劉璽字廷守號省齋南京龍驤衛人面嶮削肩聳如寒士博雅好學世襲本衛指揮掌運諸衛漕糧正德中江彬倚勢需索璽峻拒之升都指揮僉事江西都司巡按穆某薦之有僚友比之學官家人謂之窮鬼語遂掌都指揮事巡撫王守仁奏充參將協同漕運兼守淮安時戚畹郭助私市南貨將齎漕舟分載入

都璽預置一棺於舟右手握刀左手招諸幹言曰若能死犯吾舟吾殺汝即自殺以明若輩之害吾軍也吾不能納若貨矣諸幹懼而退尋升都督僉事挂印充總兵官改僉南京都督府持廉甚苦人以青菜劉目之世宗時督漕總兵缺所司以璽名上帝識之曰此窮劉也即任之既莅官疏請折兌山縣糧米以免稽遲凡三十餘贖至今為漕政良規復患淮揚河道淤淺奏起四府丁夫開濬致仕歸行李蕭然有書數卷而已

尹鳳字德輝號在竹南京府軍後衛人世襲指揮同知鳳少孤讀書嫻騎射嘉靖中舉武科鄉會廷試皆第一授中都留守俄進都指揮僉事備倭福建討平海盜許朝恩徙僉浙江都司轉福建參將所統皆新募兵選其驍果嚴加部勒遂成精卒倭陷福清南安連踪出海鳳邀擊沈其七舟追至外洋連戰浙嶼東洛七礁禽斬二百人又擊倭梅花洋走之追至橫山禽斬二百六十八大小凡十餘戰嘗糧盡馳島中采稗食之改掌浙江都司謝病歸隆慶初以故官泣福建平巨盜曾一本再告歸尋起浙江都司進徐宿歸德參將徙守蘇松萬厯初

用譚綸薦召為後府都督僉事提督京城巡捕先是譚綸內召道杭鳳執三司禮見綸不悅既詞得其治狀乃重之首推轂焉鳳掌環衛踰年汛防嚴密貴戚貂璫多斂手避者條便宜十事上之報聞未幾告歸居白下橋西年甫五十以詩酒禪誦自娛平生施予無所吝而非義則一毫不以自點凡居林下三十年始卒事聞賜祭葬墓在孝義村龍山子邦憲萬厯五年武進士湖廣郎襄參將邦富邦定俱以文名孫心裕心祥心禛俱諸生

陳忠字南塘南京府軍左衛人家貧有膽智膂力絕人能浮江游百里嘗於神烈山禽兩虎由是知名初補新江營兵主將以隙鎖禁營中欲致之死忠夜斷索遁去投督兵李某麾下李方以倭警治兵廟灣偶宿關王廟忠夜巡見倭縱火焚廟乃毀垣救李出集兵與戰斬級七十二復於牛王河遇倭倭以奇兵襲忠後忠負李渡河得免李深感之後隸胡宗憲部一日方布陣倭挑戰宗憲撫髀曰得猛將衝之其鋒可挫也忠請往宗憲喜以所乘馬與之白鎧雙刀躍入倭陣萬眾辟易宗憲揮兵繼進遂大破之又於通州逐倭舉矛刺一倭於牆餘

驚遁凡百戰未嘗稍
蒼嘗有盜數十人入
鄰家以免焉

劉煥字用晦六合人
田緝捕盜賊升山西

有功時禦倭得名者
陳廷瑄居崇賢鄉身

以示武倭不敢逼一
也居平忠義自許人

把勢六合人知縣董
死於水陳山王速宗

遷周浦沈坤崔貫孫
八團山速仁憑皆死

溺死當事上其狀命
高鵬字南溟號雲程

下家丁謀逆逼鵬傳
優卹

鄭印字賓野南京某
征蠻將軍印鎮守廣

並馳能超越而過仍
論曰都劉二將廉而

傳其武勇名與位稱
矣鄭氏父子弓裘繼

張武傳第七十九
張一鵬字舉之號少

之而愈年甫十二也

推由卒伍歷至參將世稱名將云妻沈亦有勇力家居倉
將登樓沈持鐵槍守門盜不敢近乃焚樓沈挾槍啟窗投

嘉靖三十五年武進士累官指揮僉事奉勅巡視南京屯
都司掌印尋分守揚州進參將嘗督戰姚家蕩親斬倭酋

句容胡守仁官福建總兵世襲指揮其保護鄉里者溧水
長八尺力能舉重會倭經村口廷瑄獨立井傍挈汲水輪

利以全又嘗三捐穀以振饑廷瑄同縣李佛保亦有力人
未之識倭犯溧水與丁遵挺身出鬪同死於募軍橋孫二

邦政拔為民兵長倭入犯禦之屢奏奇功後因眾寡不敵
仁張憑李秀季寶許金郭能呂洪姚訓崔甫陳甫嚴在盛

寶黃庚十九人皆六合民兵也嘉靖三十二年與倭戰於
二十四年又來寇秀寶等十人死舟戰於劉家河坤等皆

以屬壇為位祭之

元人嘉靖中官太原左參將巡撫葛縉嚴嵩戚也其標
營中鵬舉刀殺二人眾遂攢刺之而死以嚴氏故不得

人世事襲指揮少好學家多藏書以武進士累官總兵挂
子夢熊字虛白官亦至參將短身虬髯精悍有力雙馬

矢中的為一時邊將之冠

威豆腐青菜之名達於朝野尹陳破倭有功疆場之間
哉偉人高鵬志不從叛賈志以終內有權奸雪冤無日

詢有儒將之風焉

句容人居坊郭父古州病閉戶焚香到左臂以進父食
嘉靖三十四年倭寇犯南京句容民半逃去一鵬時年十

傳七十一

等露宿教場隨知縣堵禦賊退

六誓於

知縣欲

明熙字

念錢糧

法以故

行明熙

鍾凌秀

以出見

吏部郎

點又平

歸卒妻

宗人問

著有國

駟

士駟字

無吝色

謁長吏

樞字端

田產未

非薦不

人效齡

禦之以

恐其通

視同安

廷超字

石門吳

日如民去城誰與守率家人張甘

其功笑而謝之後以諸生終子明

皇一字問卿號圮上天啟七年舉

重令納戶自封投匱旁懸大鉦有

不虧額又逐戶科糧派丁吏胥不

畫軍實禽斬賊渠劉香老因遣人

三人俱恃眾挺身出上官欲慰撫

謂我不敢殺也除之事立定矣遂

釐剔宿弊吏不能欺出為廣東副

遠峒蠻賊嶺南肅清調福建單騎

不當明熙赴閩時與子士驪妻胡留

字子兼號鳳池幼端敏有至性以

名臣履歷瑣碎綴錄五者軒文集

大隨明季諸生事大母徐母李依依

性淡雅嘖笑不苟年三十二妻蔣

使楊某為賦招隱之詩屢舉鄉飲

七歲失母於喪次挑燈讀書隨讀

家人以為言樞日忘孝友而棄仁

嘗妻王卒戒諸子治喪勿用浮屠

子長充 國朝順治二年貢生除

直被劾總督李率泰重其才留知

效齡力爭不得辭歸 聖祖南巡

官樞子廷超

躍號乘菴康熙三十四年舉人四

有江南二超之薦廷超遂除貴州

崇禎元年進士除高要知縣首

壓分毫者擊之以聞即立置於

上下其手民大便之時賊盜肆

九連山招降山賊陳萬謝廷桂

明熙日賊中惟三人最强其所

之又計禽劇賊黃侯綬以功擢

復臨武等十一城禽偽官朱衣

官平仙游山寇進太僕少卿乞

會土寇竊發遂皆投井死明熙

以貢為合肥訓導歸里杜門卻掃

承年譜明熙弟明皞明皞子士

知孩提仲兄因役破家鬻產應之

終身不娶國變後隱居讀書不

賓年八十一卒子樞

泣及長敦孝義從祖明熙沒後

非吾願也父沒終身哀泣飲食

亦舉鄉飲大賓年八十一卒族

安知縣鄭成功犯境團鄉兵力

林州事嗣督者欲徙濱海居民

駕奏對稱 旨年九十七卒

二年進士與高濬張自超齊名

遠知縣懷遠獠獍雜處俗好仇

殺縣南有梅寨與黎平烟寨世讐時時鬪廷超甫至卽率眾前往約束吏民泣阻不聽及至果有持械以待者是夜宿山下吏役皆逃廷超以一騎一僕入苗見無他意乃撤備以迎廷超以 聖諭十六條反覆開陳眾苗泣作番語叩謝去後復屢至其地苗設鼓樂送之歸黎平烟寨聞之亦皆感化調任隆安值大水不待報卽發粟以振徙知大竹俗好以人命誑訟廷超先揭反坐之條嚴私和之禁有誣必懲不數月俗革適報造升科冊籍廷超不取民財凡部司等費皆以俸償又重治掠賣苗女之馮某奸人破膽再遷太康時禁賄例嚴縣民多造葉子戲具廷超訪得十餘家傳至指示利害民俱抱板自首總督田文鏡異之薦升行人擢刑部員外郎在署勤敏李衛適掌部事贈金以爲眾司官勸會世宗詢司官賢否衛卽以廷超對蒙 賜鮮荔支異數也告歸家居代完窰戶丁銀歲饑振粥平糶請罷元夜張燈長官咸折服之卒祀鄉賢弟凱維凱子嶸坤一皆諸生嶸子祖善坤一子春元天銘

祖善字誤勳號姓湖性端重盛暑不袒裊舉乾隆五十七年副貢年四十事親如兒時道光元年將以孝廉方正薦力辭不就晚年境愈困歲歉恆以瓜代飯澹然安之年八十卒無子以天銘子澍堂嗣澍堂字雨春號潤之歲貢生謙謹不與外事

春元一名天錢字紹彭號杏林性情和厚舉嘉慶九年武鄉試凡遇救荒捐振修治橋道諸事必身爲之倡焉

天銘字敬修號勉齋幼穎悟長而失明乾隆五十年大荒家雖不裕猶推有餘以濟戚族子雋堂字璞巖諸生雋堂子士衡亦諸生與弟監生定樾皆死咸豐十年粵寇陷城之難

武鍾溧水人居蒲村性純樸垂老不識縣廷明嘉靖二年旱出穀二千石振饑又建三清堰望湖山二橋行人便之子濡從子滋俱以長者稱濡嘗建通津橋修天生橋香山觀中柏宋時物也又買存之已而欲置義田不果濡子曙易煦出腴田三百畝爲崇正書院費上官欲獎之辭曰父志也煦子尙敏以孝友聞於鄉與兄尙飭析產時讓田千畝滋子嶂

暉字元晦幼孤棄儒業以吏員除台州府知事攝仙居知縣調黃巖皆稱治會
倭人入犯暉禦諸勦嶺勝之迨至釣魚磯倭還兵奮擊眾遂潰暉力戰死年三
十八上官不以聞其子尙賓明史作尙實訴於朝乃贈暉太僕卿而廕尙賓國子生
尙賓字邦嘉號鶴汀少以陳父死節疏知名嘉靖四十三年舉於鄉乃請移廕
與弟尙冕大學士李春芳見而奇之曰得非前日抗疏生耶尋選建甯推官獄
無冤者遷南康同知時中官權酷動以廢格詔書脅有司尙賓恐中其禍告歸
年六十四卒著有雕蟲雜集

曷字元亮號橙墩暉從弟也少有俊才能文章以例選浙江按察經歷不赴性
伉爽嘗有族人負齊王孫朱可淳千金可淳禁之別室而邀曷飲令僕微洩之
曷投袂起曰族人被禁索逋而曷高坐歡飲豈有人理乎即代償亦易易耳何
見辱之深也乃縱其族人去歸與婦謀盡以簪珥之屬畀可淳曰此可值八百
金餘容續納聞者義之一日宴客忽失金杯一諸客驚索曷妾蘇氏曰無容覓
已收入矣客去謂曷曰杯實亡失然公平日好客豈可以一杯故使滿座不歡

乎曷然其言卒祀鄉賢著有攸好堂集弟昂字元績號紆溪孝友端方不樂仕
進年八十卒著有紆溪集惠迪堂詩曷子尙耕字邦聘隆慶四年舉人五年進
士除陳鄉知縣考選禮科給事中出爲四川參議平峒蠻之亂勒石峨眉山擢
湖南左參政居官廉介不名一錢歸田後里人王希仁見之三子化中堯中位
中侍體無完衣以是清名大著卒祀鄉賢著有秦川稿化中字大治萬曆三十
七年舉人選黃陂知縣黃陂素號難治民輕國課不時完納莅者輒以累去化
中一以德化不事敲朴會計無損邑多豪強化中逮治其尤餘皆懾服入覲後
將擢御史命下而卒堯中字熙唐天啟元年貢生選竹溪知縣操守廉潔平易
近民繼因遼餉急歎曰正供且難况額外乎即日告歸民爲立遺愛祠位中字
國寶萬曆四十年貢生除揚州訓導捐俸修文廟祭器遷城武知縣有寇不窺
城蝗不入境寇不侵疆水不爲患之歌仕終西安通判化中子令緒 國朝順
治十一年貢生以博學稱武氏世多傳人明時又有光會光宸光輔可俱蓬頭
等輩

光會光宸皆以貢生入仕光會官同知光宸官仁化知縣光輔應天諸生性至孝少失父事非母命不敢專習學有悟好遊山水力舉巨石善畫竹葉如生每以自娛母卒遂學道服方外衣一日端坐而逝可俱亦諸生有女艾年十六橋年十二當明亡時艾爲亂兵所執伺隙以帶自經死橋罵賊被傷赴水以救免蓬頭習太素脉決人生死悉驗至 國朝以來其宗人又有弁玉雲文衡孔牆等輩

弁字功伯玉字一仙皆諸生工畫弁習形家言當事舉諸朝考取天下堪輿第一雲善鼓琴尤工鐫刻晚號石湖漁叟

文衡字商平歲貢生內行修潔養親無違志其父老矣非博塞終日焦然每失負輒親友丐貸文衡隨而私償之率以爲常父大安以爲於家無累也文衡性耿介非義不取坐是困甚有子將娶而天其婦誓死歸夫家人皆曰毋重自困也文衡獨毅然整衣冠至女家叩其父母知志決命出拜越日以禮迎歸文衡少攻舉業及與方舟交始習經史近六十益刻苦晝夜不休丁父憂以毀卒子

洙字季子以七喪未舉走四方謀葬費卒於京師

孔牆字魯瞻號恥齋諸生耆義甚篤族中貞女梁氏守節三十年爲顧恤立後又設義塾於西浦里乾隆五十年倡捐振饑嘗著學聖論以見志爲方苞所賞從子自厚字愛渠號秀山亦諸生少失恃事繼母孝父勤齋好施予自厚能繼其志當歲大歉鄉鄰多賴以全

論曰張一鵬忘身以事父殺賊以報君忠孝之尤者也明熙才堪治劇廷超德可格苗不辱其先世矣武鍾尙義元晦禦倭元亮好俠各有所表見而尙耕及三中皆有循吏之風兩家傳世至今爲句溧之大族也宜哉

何卜傳第八十

何岳字畏齋南京留守右衛人居苜蓿園負性耿介嘗夜行拾遺金不使家人知次早攜至其處待失金者還之其人蓋因父解糧虧額繫獄變產二百金以完欠者岳得其情并爲前導省諸煩費云又嘗館某宦家某宦入京寄一篋數金於岳處數年音問絕其姪以他事至金陵不知有篋也岳堅託以持去其

不苟如此又滄波門祖塋前隙地爲王姓所盜葬諸兄弟將訟之岳曰彼信有罪然死者何辜其掘之也留守吾經皇不亦可乎諸兄弟笑而止後以諸生終其身子祖卿字北泉亦好俠有某指揮爲事應拔黃求解於祖卿得無恙以女鬻於人復爲贖之指揮願以女備酒掃拒不納其他所爲多類此祖卿子汝健汝健字體乾號龍崖身長七尺威嚴若神舉嘉靖二十八年鄉試三十二年成進士除濮州知州年才二十四政尚嚴敏而主以實心升工部員外郎轉郎中有戚周某爲商人居間以三千金進求一劄付催各省拖欠上供錢糧汝健日以三千金害及各省使人賣妻鬻女償官雖死不爲也麾之走俄徒禮部出補浙江參議分巡溫處以京察降級知冀州不數月爲巡關御史誣劾歸性喜獎拔後進濮州馮祿冀州李再命皆於髫年識之爲之延師授讀俾成名士家居貧甚杜門謝客會清查田糧縣以虎頭蛇尾冊上汝健名居最後巡撫朱鑑歎曰何鄉宦一清至此宜子孫之多賢也卒祀濮州名宦著有竹素園集子湛之涪之最知名餘如澄之字秋水武進士濬之混之叔之事蹟皆無考

湛之字公露一字矩所少有風貌白晳疏秀體弱不勝衣而神鋒標映舉萬曆四年鄉試十七年始成進士除南京刑部主事獄多平反進郎中築疏園以娛親家有鳴鳩亭雍容隨侍其中如爲諸生時與同官捐俸買白雲菴爲退食地設義冢於鳳臺門作漏澤園記俄丁父憂服闋補工部郎中時日本封事起疏劾石星誤國罪請除戎器以備不虞報聞出爲江西僉事以母喪歸再起浙江僉事務以風裁自見如某少卿主使殺人某宦室殲其子某寺僧誘婦女爲姦盜眾多以嫌疑不肯問湛之獨毅然治之一時有搏擊聲就轉參議工部與溫處皆父舊治所莅也觀手澤而惕然尋改四川參議未上乞休歸居飲虹橋別業旋被災買鳳嬉園爲娛老計生平尤重倫常無錫鑿工婦殉其夫以詩祭之弁白知縣旌其門吳俗勢家奴多虐里中獨嚴束其僕從後生有文行者必以齒牙獎借之復改疏園爲元津書院延四方志士肄業其間地方利弊言無隱情見諸行事不任受德工詩善奕草書繪事並臻絕妙晚耽禪悅兼治養生家言卒之日神檢吏澹人以爲學道之驗云著有疏園歸田二稿

涓之字仲雅一字太吳九歲能文長而聰悟過人才復敏速與兄湛之同舉鄉試萬曆十一年成進士除開封推官所蒞三十餘屬并他州縣案牘剖決如流有奸胥以蜚語中一知縣使者屬鞫論胥如法雪知縣枉上官檄行河條畫盡善歲荒振恤躬行粥糜以濬河所得銀硯買藥設局療病全活甚多被病數日郡人奔禱得異人藥而愈人立生祠以祀行取授御史旋告歸家居者垂十年文酒之會無虛日復起爲福建巡按下車劾二墨吏所屬聳然奸人張嶷造言山產赤金請中使開采民懼將變涓之調停中使罷其役誅嶷以徇後行部至仙遊道卒先是汝健夢孔雀入室而生涓之及在福素工行書畫山水寫墨蘭尤妙著有足園稿湛之子棟如

棟如字充符一字子極號天玉少時讀書山寺除夕家人促歸方研毫苦思不輟舉萬曆二十二年鄉試二十六年成進士除襄陽推官值板角苗亂薦廢將王十桂討平之遂以知兵名中使陳奉奏開棗陽青山礦棟如察爲顯陵來脈繪圖上聞事得寢後奉至襄檄府佐如屬吏棟如日理官係天子吏中貴人安

得檄旋代知府事奉集打手欲劫而辱之以棟如有備乃止及開穀城礦無所得官民被掠大開執梃起棟如執奉黨羽二十五人坐以劫庫律擬絞以聞後五日奉亦具疏上神宗裂之不問亡何奉造蜚語言擊殺天子稅使帝大怒首逮棟如榜掠之襄陽人赴闕訴冤不聽繫獄四年棟如日從馮應京投易談兵未嘗以患難挫志會因星變釋歸時父湛之尙健棟如隨侍左右園館華曠張燈置宴分韻賦詩極天倫之樂家居十七年天啟初起南京兵部主事適遼陽陷議募兵往救棟如自請行遂齎金赴浙江得六千七百人甫抵通州而廣甯復失又自請出關視形勢乃進太僕少卿充軍前贊畫兩疏請論經撫功罪又請非時考察京官朋黨朝貴大恨誣以冒餉逮獄拷掠氣絕復蘇坐贖謫戍滁陽崇禎初復官致仕六年具疏言時政十年言留都兵事兵部尙書范景文薦之未及用而卒棟如晚年與楊廷俊陳我如友善建龍德書院於烏龍潭上講學其中著有攝園稿出山疏牘初續商音徂東草恢復議石城會語又輯實用編經武編近溪要語楊廷俊字籲之上元人父名世以貢生除沂水訓導歸里

後八舉鄉飲大賓與黃應登俱務撰述所著有讀史偶鈔詠歸集廷俊耆古博學明亡以隱終子士元字屆先 國朝順治四年舉人十八年進士除東阿知縣修學課士革派蠲供轉洧川擢沔陽知州瀕江田多沈沒民苦逋累士元繪圖請免汚人德之尤精藻鑑所識皆為聞人告歸時宦橐蕭然著有組霞亭集棟如子壽字德溥潢字德坤明亡後不與科舉孫某殉難次孫以坊字曰範輕財好義著有鐘影堂詩集澄之子械如字子新諸生有文名著有初蘭集械如子蒸佚其字炎字季野寅字德亮皆力學敦行以諸生終械如從子熊何氏在明為著族入 國朝無顯者而能以學世其家洎之事在胡任輿傳中裔孫德昌道光丁酉舉人德昌子師孟字澹臣江甯諸生性落拓不拘小節咸豐初粵賊據金陵與張繼庚謀內應事洩跳免同治中江甯新復西夷執庚申盟約多所要求當事資紳民折之師孟侃侃與爭辯無所畏他人率噤口弗敢言也師孟子延慶字善伯面有豆癍色蒼黃長身挺立似汝穎間奇士同治十二年舉於鄉性明決操守極嚴好讀書工詩古文辭嘗從軍天津防營於屯務多所贊助以軍功保至知府府主周盛傳卒遂歸侍母疾不遠出母卒復應提

督賈某之聘至天津仍總全軍營務處咯血疾發卒於軍贈道銜著有賜策堂文集寄漚詩存

卜潘字璞菴上元人性慷慨好施予嘗卜葬於牛首過鐵心橋見負擔往來者多苦渴即傾貲穿井以濟之邢一鳳為記其事又過某橋聞橋下哭聲則夫婦為債家所迫挈幼子將投水者潘輒予金代償明年渡江舟覆與家童攀舟底飄泊數里始抵岸見一家燈向明急往叩戶乃昔之橋下人也為具食易衣以行人咸以為有天道云邢一鳳字羽伯本姓林南京龍江右衛人嘉靖十六年舉於鄉二十年成進士廷試第三除編修歷侍講遷太常少卿罷歸家居留心民瘼上元首附留都為根本重地而是時吏胥科派民不堪命府尹杜晴江治中趙西津訪得蠹政害民二十事奸蠹十四人陳於大府治其罪未幾蠹黨復熾府尹楊邈川知縣林東瀛按其成牘悉裁以法一鳳言於後尹汪少泉刊碑上元縣前永絕其弊且為之製文素工篆隸楷法著有雉山集一鳳從子有都不治舉業好讀奇書見郭忠恕佩觿即熟其辭弁序尤精楚騷兼考韻切字法

星麻算數嘗登友人姚履旋樓望長干塔曰此影可射而入也遂閉窗塞竅斜對日光塔影果宛然焉璠子鏜

鏜字子振一字虹泉好學工詩與吳伯誠顧國輔王橋同舉隆慶四年鄉試

是科寫榜逾半應天府無列名者治中包某言曰後官至長史著有華館集應天不見一人中式首善之謂何乃取中四人焉

吳顧二人自有傳王橋字公濟一字與竹亦上元人

遠祖一政生暢暢生晟皆客居於杭晟生宗光宗光生繼源字澄公讀書豪爽遵祖母錢遺命載兩世柩歸葬鳳臺門今王家墳是也繼源生鏞字景容精研書史為應天名諸生鏞生濫字東苑孝友好學濫生子四相

村橋梓既領薦遂中萬曆二年進士除刑部主事歷郎中出為江西僉事轉四

川進福建按察使雲南右布政貴州左布政擢順天府尹以目疾歸生平清正仁恕所至皆立生祠以祀家居後高懷雅量口不言人過善飲酒喜賓客年八

十一卒子遵憲監生遵謨亦有名從子萬邦字誠齋兄楣子也樂施與能周急

與人交有信充禮部儒士萬邦子輔字世臣國子生性孝友喜梅蘭竹石構一

亭於園名自省齋吟哦其中倪嘉慶重其品

王氏又有諸生名獻者一政次子曉之曾孫也曉生銓國子生銓生道新道新生獻字策史以學為一時推重余光鄭淮許穀朱衣焦鏜從子履吉

端李逢陽盛時泰何道之路伯鏜徐昂宋存德等皆其弟子也

履吉字中立號訥齋少事父頤全以孝聞舉隆慶元年鄉試萬曆二十六年成

進士除泉州推官時中官高某以開礦虐民履吉窮治其黨又捐金助礦稅使

之出境閩地乃安於是為置書院立義倉百廢具舉歷仕至兵備副使就攝布

政使告歸年八十卒弟豫吉字介甫工詩著有嘯餘集快菴草宗人有徵

有徵字伯符號虬岩萬曆二十八年舉人除昌邑知縣歲饑振粥全活萬餘人

考課天下清官第一行取入都給事中祁某疏言臣鄉災荒全賴卜令一旦內

轉頓失慈母乞就近升擢乃遷萊州府同知仍管平度州事未幾卒官

卒前一見其絲服入城墮廟乃肖像以祀也著有瞻紫堂灌月亭漫稿至國初其族屬有世儼

世儼字若思康熙三年武進士官貴州鎮遠衛守備吳三桂反不屈死事聞

贈都司廕一子千總四十六年聖祖南巡賜盡節邊疆額乾隆二年諭祀

昭忠祠子沒無後以從曾孫士恆奉祀所居名白塔巷族子熊

熊字后昌雍正中以歲貢選盱眙訓導急公好義族祖世儼祠圯竭力倡修之

又與吳睿思蘭啟勳陳士騏楊我白章樹屏姚友賢吳蓀巖捐貲為文廟春秋

祭費謂之灑掃曾子官字禹上
而能得堂上歡心品高行潔非
生汝霖學尤充粹汝為子鴻藻
論曰畏齋耿介不欺克昌厥後
佐之可謂不隕厥名者矣璞其
必百世祀宜哉宜哉

趙張周唐司徒秦朱湯周鄭傅
趙嘉字君祿涑水人少孤嫡母
夜弗怠者八年御史毛某過其
居山林不喜華侈生平無疾苦
償之日益以貧蕭然壁立立意
化其德焉

張文達字汝賢號一溪句容人

親孝奉兄文通極恭性勤儉
縣之旌善亭文達與焉年七
史尤長於詩歲時與朋儕棋酒
周卿字宗政高淳人母靳遺
旨輒奉母有餘以周族親性孝
以歲貢入國學或贈以三十金
適鄰人因追比將鬻妻復傾產
振家貧力學歲歉絕糧或以去
年鄉試選泗水訓導甫上官而
唐詩字古峯應天人事母孝既
入山修煉詩曰家有老母世無
能醫有王鼎者得惡疾野雲庵
野雲喜曰自吾失真師氣雖銷

生於貧而能自給者其志可嘉也

龍溪祖孫三世經商其德可嘉也

慷慨與齊而謂為儒者其志可嘉也

如也鄉人或相親其德可嘉也

居山林不喜華侈生平無疾苦

償之日益以貧蕭然壁立立意

化其德焉

親孝奉兄文通極恭性勤儉

縣之旌善亭文達與焉年七

史尤長於詩歲時與朋儕棋酒

周卿字宗政高淳人母靳遺

旨輒奉母有餘以周族親性孝

以歲貢入國學或贈以三十金

司徒顯祖溧水人充禮部儒士公平爲里中所服人有小爭訟輒往求決無匍匐公庭者宗人化邦字光宇以諸生入國學性清介考選上高縣丞徙遼陽衛經歷以疾歸家居十餘年而卒士望字錫三以恩貢官舍山教諭屢署縣事并代知和州小心慎密惟以造士爲務學校感之

秦漢高澹人嘉靖十七年誥宦者奉章聖太后梓宮南耐所過州縣皆有饋獻高澹知縣陶某獨無備眾擁陶去幽之人莫敢救漢曰吾力能返之乃衣錦乘馬往闢戶出陶負以上馬絕塵而去復厚賂諸宦者遂得無事

朱良佑字太和上元人好古工文爲都御史海瑞所知瑞卒良佑經紀其喪送歸瓊州人咸稱朱布衣高誼云著有紀異錄留京偶筆平倭志家訓三十六條湯銑溧水人有義俠行時應天六縣分養官馬爲民累隆慶二年銑以布衣疏陳其害得旨革除縣民卞蘭以熟田二千九百畝報荒加糧概縣又高澹以飛糧八千五百石加溧銑皆發其奸謀當事重之給以冠帶同縣張曉熊子成當溧舉改折漕糧之議並走京師疏請定則邑人賴焉又上元諸生趙善繼字白

石以民苦坊甲之役傾家殞命者相續乃奔訴於大吏疏請蠲除卒之日遠近來哭者千餘人從祀惠澤祠未幾舊弊復作有張崇嗣者力言於當事止之周膏江甯人性亢直不畏強禦魏國公弟徐天賜宅在大功坊與府學鄰欲易學旁隙地膏時爲諸生作非非子一篇言孔子貧厄門人售地語侵上官事乃已同縣諸生何敬卿家貧市米御史陳某以紅票糴子半價民畏勢不敢言敬卿訴於都御史海瑞乃已由是諸官不敢妄取市物

鄭典應天諸生性慧直訓童子於大中橋尹氏夜有羣盜猝至粹典令呼主人門典不可脅以刃典大言曰吾受主人請教若子今乃爲爾輩呼門以劫之豈復有人理耶汝殺則殺吾口不可開也盜不得已掠典衣被而去

論曰趙張周唐皆敦內行而唐不以好道忘孝得修煉之本矣秦朱以下諸人無不忘身徇義至周何不爲勢屈鄭典不爲威劫不尤爲人所難能哉

吳鄭巖周張周謝傳第八十二

吳國賢字一所上元人諸生選於易四中式皆被乙例得貢不就盡以生產付

三子以一老僕自隨讀書吉祥寺受業四十餘人學俸悉以市書貯大樓任弟子取讀以餘錢給膏火不繼者歲讀十三經及史漢一過著有白土山房集同時好藏書者姚福字世昌一字守素南京錦衣衛人世襲千戶嘗構屋一楹榜曰青溪精舍每俸入輒以購書訓子弟里中多從問字有求詩文者輒應之博學洽聞留心古今之事著有風露亭稿青溪暇筆定軒詩話窺豹錄避喧錄其詩佳句如送醫士云路從大李題詩處人送長桑賣藥歸國賢曾孫晉字介茲一寒食云鬼節又看逢百五人家先已縛秋千皆可誦也字介受 國朝順治初以諸生舉鄉飲大賓著有一硯齋詩稿退菴文稿晉子睿思字喆鄰性孝友析產皆取其瘠者慎交遊寡言笑亦舉鄉飲大賓年八十餘卒其子式遽哀其事為前後賓筵集

鄭道先先一字韜菴宋監門俠之後也明洪武時自閩遷金陵遂為上元人父

祐字雙槐有隱德道先喜賓客樂山水者吟詠并工畫梅善鼓琴精六書晚號

水雲逸史著有蕃綠亭草子之彥字蘭厓少為諸生試不售輒棄去習神仙吐

納之術遇異人授以刀圭遂精醫僧古曇開壇普德寺之彥診之曰六脈沈弱

殆不起矣明日果死人以是服其技之彥子七笏字謙臣篆字頡書笈字笱史

籌字孺房皆名諸生笏幕游公卿間尤喜談經世之學節以百總從唐王死海

上符居金陵奉一拂祠祀簠字汝器號谷口亦能醫工入分書得曹全碑法好

金石文字東岱西華孔廟諸碑皆策驢遠至手自摹拓構灌木樓以藏之朱彝

尊嘗贈以長歌以為六朝遺老僅見斯人簠字蘭字猗園自稱墨稼主人能詩

嚴賓字子寅號鶴邱上元諸生工書善畫亦能詩以羣鬪點齋臺史被斥遂自

放廢嘗得王安石此君亭碑置亭覆之家有藤牀藤椅棗根香几皆極天然不

假鑿削精於煮茶茶具皆佳妙文人喜與之遊往來顧璘文徵明之門身長面

大口濶語多排調以嚴猷名同時工詩畫者蕭相字漢卿江甯人南京禮部書

更居秦淮上曉起蓬垢倚門而立手執古詩一卷咿唔不絕日高三丈不知晨

炊之未熟也嘗以詩投禮部陸某盛為賞譽金鑾亦極稱之楊一洲字伯海一

字萬壑亦江甯人性好遊迹徧五岳善畫山水人譏之曰伯海手不如腳以

諸生終著有東中集妻沈宜謙之女也工畫折枝花

周暉字吉甫上元人諸生博洽古今老而彌篤性好編錄隱處不仕自號鳴巖山人嘗云向平謂富不如貧貴不如賤此語尙有較量未能脫然於富貴貧賤之外又云清事不可太著迹若器用必求精良飲食必求異巧乃清中濁也世事惟偶然者最佳其志趣如此吟咏所適不求人知撰有金陵舊事二卷瑣事十卷山中白雲一卷及尙白齋客談幽草軒集子夢熊亦有名同時江甯謝一桂字芳孺一字天聘居高橋門暉嘗問以石馬沖石馬何代物一桂曰馬蹄皆龍爪陳武帝陵前物也地名萬安營史云陳武帝葬萬安陵可據也又云蔭蕪澗在青龍山亦可游覽惜路遠無知者又云雪浪宏恩言金陵諸寺佛像獨祈澤寺爲冠工人最爲高手著有竅鳴集一日明又黃汝金字西野溧水人亦博學耽著述以山人自稱萬厯初與修縣志

張正蒙字子明江甯諸生居通濟門外曾灣臨河結廬柴門晝閉帶索拾穗未嘗干人年九十餘猶能日行數十里不多飲酒而善飯如壯夫著有蓬蒿集同縣趙子實性夷曠隱於燈工嘗游諸名山命童攜壚一釜一甌一秋菊英一甌

自隨對客輒自炊手勺泉以供壚去薪用炭僅二斤許可供主賓一日聞者感高其雅而許其儉上海朱察卿爲寫作炊圖顧元祥王世貞等皆題之又張鈍菴亦佚其名性耆書史善草書隱居不出三原王介菴莆田林見素皆重其爲

人

周相字東皋上元人通麻算占候之學歷官欽天監正加順天府丞嘗言候占星宿不但知其分野度數其光色星星不同要須隔紙窗穿隙窺之一見其光便知爲某星百不失一方可言占候耳又云知麻理又知麻數此吾所以異於儒生知死數又知活數此吾所以異於麻官著有勾股測望論勾股容方員論弦矢論分法論六分論子元師事何湛之章甫師事顧起元元舉萬厯二十三年進士除安陽知縣卒官

謝儒江甯諸生能文并工醫遇奇證他醫不能辨應手輒瘉文徵明爲文贈之同時許紳應天人以工部尙書掌太醫事嘉靖中宮人王金蓮之變世宗危甚紳用藥下血而愈加宮保儒子日昇日昇子世泰字約齋存心濟物不責報於

金陵通傳卷十八

江甯陳作霖伯雨纂述

句容李氏傳第八十三

李春芳字子實號石麓句容人始祖海一居朱榭村曾祖某寄籍興化明史作興化人此父鏜復返句容春芳少聰敏讀書崇明寺嘉靖十年舉於鄉二十六年成進士廷試第一除修撰簡入西苑撰青詞被眷超擢翰林學士累遷太常少卿禮部左右侍郎轉吏部拜禮部尚書時宗藩蕃衍歲祿苦不繼乃考故事為書凡吉凶大禮歲時給賜皆嚴為之制帝嘉之賜名宗藩條例尋加太子太保命兼武英殿大學士參機務生平恭慎不以勢凌人居政府持論平不事操切時人以比李時才力雖不及而廉潔過之徐階為首輔得君甚春芳每事必推階階亦雅重之隆慶元年詔修翔鳳樓春芳曰上新即位而遽興土木可乎遂止又奏罷太倉羨金織造歲幣務以安靜稱帝意及徐階以人言罷歎曰徐公尚爾我安能久居容旦夕乞身耳同列張居正素與春芳不協遽曰如此庶保令名

春芳愕然三疏乞休不允俺答款塞求封春芳偕居正及高拱卽帝前決之拱
既得志修階故怨春芳每從容爲階解拱益不悅時春芳已累加少師兼太子
太師進吏部尙書改中極殿度拱輩終不容已求去愈力乃賜敕乘傳遣官護
行有司給夫廩如故事歸侍父母晨夕置酒食爲樂鄉里豔之尋舊時讀書處
以玉帶付寺僧微時嘗戲題寺壁云年年山寺聽鳴鐘此馬長安憶遠僧因建
玉帶樓焉年七十五卒贈太師諡文定著有遺安堂集子茂年字容齋尙寶丞
茂材尙寶卿茂德山東運使而四子茂功最知名

茂功字季成號健齋生而穎異美容止豐下厚幹眉目疏爽骨隆隆起髮際初
以諸生貢國學旋廕中書舍人萬厯中奉命冊封衡藩諸所饋遺悉不受以病
乞南除南京都督府經歷就轉戶部員外郎嚴禁胥吏侵牟尋權稅杭州北新
關關故稱膏腴地奸胥張拱先以賄嘗茂功冀得穴以爲利茂功置諸法諸奸
乃大窘浙中牙僧往往停商貨而斬其直且半徵郎舍薪水費茂功廉得狀盡
斥罷之關市爲清既進郎中出知福建興化府始至值校士有借勢關說者拒

不聽捐俸入以葺學宮構講院請祀理學名臣八人表節孝三十人郡有母訟
子茂功鞠之實以貧缺養乃給以緡錢母子咸感泣閭里有少年聚眾爲豪俠
行知縣上變上官命兵捕之檄茂功往治其事茂功歎曰是不過使酒博徒耳
何忍驅之爲亂乎爲戍遣一人杖數十人而釋之諸生蔡承芳與某有隙會其
舍中兒死某遂誣告承芳茂功審死者父兄在也反其牘曰父兄不明冤而以
譖入人罪可乎鄭東霖奴殺人獄坐東霖以家富莫敢訟言白之者茂功曰奴
死人於市東霖耳目所未聞張云威力主使耶奴服罪而東霖免林棟與姪鬪
未幾姪被殺求賊不得坐棟死以蔗刀赤色爲左驗茂功曰刀無新刃安能殺
人且赤蔗色也奈何妄意室中之藏而以人命爲戲乎諸所平反多類此往官
有所需問市魁魁則取之市茂功令貿易者自詣府平賈市不知有官需自此
始奸商擅鹽利其直以意爲高下茂功定畫一之價示之而窮民乃無淡食者
莆田戍卒餉不時給茂功力請以期至會有倭警卒感其恩亡不奮材官龔守
忠健將也人謂宜留以自衛茂功曰軍書狎至豈可先身家而後邊圉哉卒遣

之值歲祲不待報即振廩食餓者夏苦旱齋戒步禱雨輒應境有木蘭隄爲水所齧亟庀材築之隄以復固奸民倡種蔗之利以警民茂功痛懲之俾復樹穀焉尋乞歸茂功天性孝友當甲子省試時母徐疾病父趨令入闈甫入而心動亟投卷出則母已不能言漏下三鼓絕矣父身後廕次宜及茂功推以讓兄茂年斷解組家居與兄弟觴咏竟日中外子姪競前上壽怡怡如也舊卜築城隅有園曰依綠至是復葺治之囑傲其中後八年而卒子思聰字沮修自號再謫仙人曰句容徙居金陵登臨咏古若將終身復留心時事著開老鶴河江防城守等議凡爲文集十二卷堪輿十二種春芳孫又有思謨字聖彰工詩古文辭思訓字于庭著有晚好齋詩存思敬萬厯十九年舉人思誠字碧海萬厯二十六年進士官至禮部尙書思聰子長科字小有崇禎十四年歲貢官懷集知縣嗣京崇禎元年進士官御史巡按福建喬字子高一字松軒號玉峯萬厯四十七年進士除靈寶知縣歲旱喬竭誠祈禱雨即大注入爲禮部郎中提學山東累轉河南按察使陝西布政使軍書劾午喬以一人理餉軍無匱乏尋擢巡撫

時寇氛甚惡喬兵僅千人督以勦撫斬三千餘級以父喪歸遂不起春芳曾孫又有長盛字傳叔官諸暨知縣明亡隱居教授長祚字延初崇禎十六年副貢爲河南劉理順所薦國亡亦不仕長順字天助長敷字維凝皆崇禎中舉人能詩長標割臂療母不效以毀卒長倩字維曼思敬子崇禎六年進士唐王時官戶部尙書國亡仰藥死信字吾斯崇禎十七年歲貢桂王時官廣東和平知縣城陷與二子泓遠淑遠俱死署中一老諸生楊某曰吾亦江東文學也忍獨生乎亦死思誠孫清

清字映碧一字心水天啟元年舉人崇禎四年進士除甯波推官擢刑科給事中熊文燦撫張獻忠疏論其失策旋以久旱請恤刑忤旨謫浙江按察照磨未赴憂歸起吏科出封淮藩燕京陷復命南都進都給事中上言陛下自中州播遷後櫛風沐雨備極辛苦漢光武不忘麥飯豆粥唐太宗不忘質衣餓舍皆從安樂憶艱難以勵儉也陛下亦宜持此自勵則安不忘危侈源塞矣否則奢用必多藏多藏必厚斂厚斂必繁刑恐全盛之天下膏血亦殫況今日乎乞申飭

內外廢無用之金玉罷不時之傳奉勿謂奢小而爲之勿謂儉小而不爲則宗社臣民幸甚又言當今各鎮爲自守計增設兵馬需求器械曾不念司農之艱各監局爲御用計增索金錢務求華靡曾不顧司空之匱且昔以天下供天下不足今以一隅供天下有餘乎乞敕各部察見徵之數通行會計量入爲出皆報聞又請裁宮中獸炭歲省千八百餘金嘗陳內治之規俱切中時事復請追謚開國名臣及武熹兩朝忠諫諸臣於是李善長等十四人陸震等十四人左光斗等九人並得謚旋請更思宗廟號修實錄及惠宗實錄允之未幾升大理卿遣祭南嶽南都亡歸隱棗園以著述自娛 國初屢徵不出閱四十年乃卒撰有三垣奏疏筆記南渡錄澹甯齋史論雜著正史外史摘奇女世說三餘瑣錄南北史南唐書合注諸史同異歷代不知姓名錄清諸從兄弟又有潛字啟美國子生著有葉聞齋稿潤字朗玉著有芝媚集漳字盧生浴字子與皆能詩沛字平子諸生負才尙志以忠義自許著有平菴詩集澄字鏡月一字鏡遠又號鏡石 國朝順治二年舉人好遊山水詩文盈篋尤邃經學著有敦好堂集

沂字壺公一字艾山幼孤事母孝不求進取性和平坦易獨於名義無所假晚好道著有鸞嘯堂集澹一名景福字梅隱明亡不應試以隱終瀚字士翔一字猶史國變後爲僧淦字若金一字季子長倩子少負才名博學好古尤喜游覽雖破衣食之資觸寒暑而不輟舉 國朝順治十五年進士自稱滄浪水樵著有礪園集妻徐字幼菘七歲能與父奕詩爲王士正所賞澄子儒琛字鄴如康熙十六年舉人瀚子國宋字湯孫號大村康熙二十三年舉人能詩著有螺隱居集清子楨枏

枏字木菴初名葉字倚江康熙十一年進士初除檢討歷中允侍講侍讀庶子侍講學士內閣學士擢工部右侍郎命祀南嶽聞母訃歸起復轉左仍聽終制三十八年迎 駕宿遷 賜御書及蟒袍九月調戶部左侍郎奏請修高家堰俄充會試副總裁轉左都御史卒官著有藥圃詩存子炳石字存齋康熙二十六年舉人官中書著有花隱軒集枏從弟棟字吉四一字松嵐父流早卒母吳苦節教子棟枏皆成立棟著有楚游草

論曰石麓雍容華貴務為寬簡承平之良相也自乞歸以後高張當國操切之風作矣健齋循聲卓著尤以治獄得名其于公之流亞歟吾斯殉節嶺南不求苟活洵無愧世臣之胄焉映碧侃侃直言雖不及劉黃之風節然視循默守位者豈可同日而語哉

殷吳二李向王傳第八十四

殷邁字時訓一字秋溟號白野南京留守後衛人曾祖福祖冕父俸俱有隱德邁始受書即有志聖賢年二十舉於鄉以少失母居恆茹哀倍加刻厲肄業南雍與江西何善山游得聞陽明宗旨又從司業歐陽南野論道有當於心以為非靜無以成學遂居山寺鍵關默養嘉靖二十年成進士除戶部主事改南京吏部進郎中遷江西參議轉貴州提學副使感疾歸杜門卻掃隆慶初起浙江提學歷四川右布政使擢南京太僕卿時馬政廢弛邁釐革諸弊民困以蘇尋移病返里萬厯初張居正當國欲引以為重使操江王篆致款曰公幸俞此言暫出當以大司馬相推邁不應篆曰坐久矣我飢公幸有以陷我復默然篆不

擇而去其子慶曰何介介如是邁曰江陵終當有禍篆非端人不可與作緣也

乃拜南京太常卿就升禮部右侍郎管國子監事累乞休得請年六十二卒著

有懲忿窒慾編逍遙訣測言停雲館野語山窓漫錄宦蹟自警墓在白子序字家湖

汝明一字尚白嘉靖四十年舉人嘗築室近謝公東山盤桓著書有瞻東草堂

集慶字子餘一字玄洲以國子生為開封經歷自少績學工文辭美筆札沈越

器其才以女妻之著有北山草堂集邁弟遷有才名遷子康字汝錫與序同舉

鄉試仕至潭州府同知著有雲棲集序子士龍士騏慶子士繩字念祖後改觀

頤字晉公少承家訓究心良知之學嫡母沈早卒生母周守志砥節士繩有孝

名以諸生終士繩子宗琥宗璿宗琥字虎玉亦諸生能文

吳自新字伯恆一字韞菴江甯人祖節自祁門遷金陵父明德字子明號鳳洲

應天諸生孝友純樸自新偉軀方面目光外見有威棱性復警敏耿定向督學

應天首拔之與論學即通陽明之旨舉嘉靖四十三年鄉試隆慶二年成進士

除都水司主事出董徐呂洪務審擇便利杜夤緣乾沒之奸先是自新謁選時

過徐驛役夫例應踐更其丞靳不予且嘖嘖出不遜語未幾自新以督河至丞其部下也置不校轉營繕司督工大內宦官無敢侵漁出爲杭州知府有勳貴匿重犯章某於家自新執其黨索之論章如法嘗按某豪宦罪當大辟上官屬其稍寬執不可又廉得滕某寃破械釋之滕范金爲自新像事之終身織府有金數萬前官多利爲私橐自新一一檢核不濫出入歲省數千緡人以其清正比梁材時有狂生以訟牒強干而不得乃乘自新宴客突入誚之自新第遜謝而已其德量如此擢按察副使備兵溫處海防肅然尤精法律能令老吏震懼加參政督儲先予之期無敢後者上計獨先他省進布政使主藏吏以餘金例進自新悉以充餉歲歉振卹有條遷太常卿尋以右副都御史巡撫河南宗藩驕橫自新選其俊彥爲宗學長始皆守法會陳卒譁餉立逮首事者誅之召爲南京刑部右侍郎卽與諸司約謹官箴慎交與簡聽斷尋卒官自新素敦孝友里中羨其家法好汲引名流所推轂徧天下耿定向每日伯恆語默動靜無非學也晚好易宦邸構洗心軒家有玩易窩又起萬卷樓以藏書刊友人楊希淳

李逢暘遺文著有韞菴遺稿大受錄弟自玄字遠菴亦從定向學自伸性並謹飭自新于汝琦博學能文鹿門茅坤重之汝璟萬厯三十一年舉人汝璋亦有名又同縣陳桂林字孟芳亦遊定向之門後以貢官於潛知縣建天目書院以課士焉

李逢暘字維明號翰峯南京金吾後衛人幼端謹如成人盛暑衣冠危坐終日無傾側容與人交誠意懇至爲諸生時府尹喻時延以教子出入未嘗左顧見者肅然嘉靖三十七年舉於鄉丁母憂啖蔬處外三年隆慶二年成進士除戶部主事改禮部進郎中詔選良家子備六尚職逢暘惟擇端淑者以進諸冶豔悉斥之校試醫士以蕪業爲低昂長官有託亦不納奉命祭楚王歸卻其贖平生篤於踐履不事空談見耿定向心服曰吾向來毫髮動止皆不是友人楊希淳病瘵親視湯藥或勸少選逢暘曰與道南同返亦快矣希淳卒未浹旬逢暘亦卒年僅四十無子著有翰峯遺稿希淳字道南上元人初生之夕母夢笙鶴羽蓋擁仙官入數歲詩文下筆立就年十四學使胡象岡賞其文遣就常熟錢

有威學因得師唐順之皆忘年敬禮之館梁溪華學士家比歸贈白金置其書篋中返舟卻之而去與逢陽相切劘動以聖賢自待耿定向督學南來聞其名試學莫先於立志論大加矜獎由是得聞陽明之學一夕大悟曰道在此矣自是與人論學直指心要素稱方嚴乃益和粹隆慶五年以補貢至京時方題貢不得補禮部侍郎萬理菴雅重之移文定為明年貢歸逾年病自知死期預為墓志曰我固無求者何必死後求人耶卒年四十二有僕周安江甯人初為周時時竊聽拱身而立不敬不倦生物故乃事希濬講學破寺中心地益開希高卒後投雪松和尚為弟子改名定林創牛首華嚴閣焦竑為作記焉李登字士龍一字如真上元人父燦官長史母王韋女嘗割臂療姑夏氏病登生三歲而孤事母孝稍長者古好學精六書小篆學嶧山碑鐘鼎文尤妙既補諸生為督學耿定向所重遂充嘉靖四十年拔貢旋除新野知縣至則勵士風嚴考課歲凶設糜振饑復置義倉改贖緩令折穀以實之境屢患水為築堤三成梁一民賴其利以伉直忤時改崇仁教諭乃立社與諸生講明鄒魯之學又以不能承事知縣某成邠當事欲伸登而抑某登自願去官以全之遂歸居林

下三十年自號利仁老生性友愛視子姪如一有產俱中分之修雍睦會以聚族人開建講堂四方向學之士歸焉又與姚汝循起白社經社遊社長干社同社耆舊四十人可知者王元坤陳所聞王文耀叢文蔚王元貞等輩其餘若陳武尚耕許恆吉薛應和孫謀朱衣盛敏耕金鑿皆自有傳若吳新麓柴養素黃叔初常鴻江陳翼善程禱堂徐澹明孔魯川薛文居王肖准王筠池羅惟一張五山鄭象老張鯨川胡楓橋王小石張懷南侯菊齋黃安值李盱山則皆未詳其生平也又有僧聽文講楞嚴李朱山善歌潘虛舟鼓瑟汪潛夫張鄰虛彈琴登每與酣飲自適家有逸我閣嘗為詩云委形雖在心先化玄髮俱絲骨近仙其曠達如此年八十六卒著有願學編寶唐語錄六書指南書文音義便考私編難字直音治城真寓稿撫古遺文續古干文上元江甯二縣志其孫克愛字虛雲以孝友著與弟虛舟卜居長干之西俱工詩王元坤字德載南京錦衣衛人世襲指揮好藏書每展讀至夜分不休著有雅娛閣集陳所聞字蓋卿上元諸生豪邁不羈工詩識曲以抑鬱終著有蘿月軒集王文耀字少岡與所聞同縣善畫多收宋元名筆因結畫社於秦淮入社者多名流叢文蔚字翠岩與元坤同衛隆慶二年進士官烏程知縣罷歸游

覽青溪秦淮閒年八十餘始卒王元貞字孟起亦上元人曾祖博祖世英字廷傑與弟世芳世萱皆有名父繼文字純夫一字南淮孝友誠信遠方爭欲識其面兄元中早卒元貞撫其子玉京如已出歲祲民疫道殣相望元貞捐金千計振濟瘞埋吳人朱慶餘遊南都疾沒遺孤二元貞歸其喪而卹其子又修建文廟欲爲國家得偉人家秦淮上構閣名卧癡有桂園在迴光寺前嘗與姚汝循陳宏世柳應芳程漢漢字孺文由歙遷金陵生性簡傲目斜視須髯奮張及顧見人輒自誦其詩年八十老於布衣著有柵塘集及顧體菴張白門王元崑等結詩社其中著有桂園社草臥癡閣集

向德象初名宸參字惟其上元人高祖輔賈於溟嘗傾貲佐邊餉曾祖璽隨父賈而死祖芳訪父墓留貴筑父覺字序伯因舉貴州鄉試仕至興國知州聽訟明決既而歸老金陵著有二淮稿德象少師事萬夢桂補應天諸生從耿定向及鄒南皋遊得聞論學宗旨萬曆十九年舉於鄉會試時草一疏論建文當祀通政匿之不報時惟國子生莊若華著信心草議與之同歸肄業南京國子監爲祭酒鄧定宇所知於有司無半刺干謁而里中利弊如戶部之庫役兵部之

斗級十八批解差與布絹之改折皆挺身上書當事改庫役爲顧役民解爲官解清軍納絹諸政應時而定久之謁選得甯洋知縣或難其僻遠德象曰古之至人幾小國寡民以自試吾儒與小民相濡沫得微效其平生足矣既莅任察民疾苦與之更始條十一事上之議倭者一議兵者二以及清軍積穀入計貢市諸務部使者嘉納以病求改教職甫抵家而卒德象內行純備爲世父覺及弟宸柳納室爲弟宸宸宗人義置產不少吝焉子明泄明淵孫延耀皆能世其家學

王堯封字爾祝號華岡上元人幼慧父敬所愛異之既補諸生督學耿定向得所對策拔置高等授以爲學宗旨萬曆元年舉於鄉十一年成進士除戶部主事進郎中其閒管黃土倉督清源鈔務監兌江西條上便宜十三事皆著爲令出爲南昌知府降許州州判州民苦糧多逃亡時值編審極意剋減下戶舊額民乃歸業豪民侵太昊氏陵奪而復之修許州志語客曰有此志不負此州矣擢知滄州復謫兗州府通判所至皆加意人才留心民隱志在革弊鋟奸精

於法律而用之以道嘗言明豈能盡好要在執一實以御百虛法豈能徧有罪
貴乎刑一人而萬人懼進南京刑部主事就轉戶部郎中拜思南知府乞休歸
堯封性好賓客年尺不遺千里自守官以至歸田率以一日造請一日赴客飲
一日召客酷嗜書繙閱購買無虛日入其庭後堂無絲竹密室無裙屐自架書
外酒第其局而已爲文谿刻非細味之不能句讀士有持行卷造門者必束帶
倒屣迎之逢人稱詡不置仲弟以貢爲教授族兄雙山名動京師皆得揚扆之
力也每戒子弟曰吾家世澹樸勿流於澆世清貧勿汙於利世讀書勿荒於嬉
時以爲名言嘗欲著書論學條例已具會卒年七十一撰有學惠齋摘稿子廷
鉉孫仁彪仁濠皆諸生

論曰自姚江以學倡海內誠明之旨與經濟相權衡天下翕然宗之於是金谿
大盛新安稍稍衰矣夫朱陸本出一源考亭之派不善學者流爲褒衣博帶之
積習故陽明得以良知勝之白野伯恆皆王學也而清介剛正爲世名臣翰峯
道南因心得悟操守方嚴如真緯之以文章惟其勵之以氣節非皆蹈道之效

哉華岡燭弊如神愛才如命躬行之篤老而不倦天臺之遺澤長矣

楊張姚廖鄭梁馬陸黃宋傳第八十五

楊成字全卿號水田南京留守衛人父寬官百戶與劉蒼趙經龔海相砥礪成
初爲武學生從趙經學以世職讓其弟武遂舉嘉靖四年文鄉試十一年成進
士除南京兵部主事進郎中出爲嚴州知府有政聲憂歸服闋補萊州知府擢
廣西副使遷四川左參政駐節府江御夷有法人相戒曰公劍眉鐵面不可犯
也歸里後咏歌自樂工詩詞一夕病中得白石清江一酒樓黃花無語對人愁
之句自知不起遂卒年五十八同時句容楊沔字柬之號鶴臺正德十一年舉
人嘉靖八年進士除南京大理評事轉左丞出知桂林府蠻荒俗陋遴俊秀以
訓迪之獠人羣聚爲盜諭以禍福乃解散擢四川按察使剛正有守藩戚怙勢
以法懲之尋卒子某號少臺官漳州府通判少臺子森字季玉崇禎十五年御
試以貢生賜進士官眞陽知縣有惠政

張鐸字鳴治一字士鳴上元人嘉靖四年舉於鄉二十年成進士選庶吉士轉

御史巡按遼東規度要隘建諸臺堡積粟六萬
疫賴此以濟歷官至副使卒後遼人祀之著有
皆有名與鐸同以邊才稱者高濬張蘊字一貞
事歷至懷慶知府均科額辨冤抑政聲大著擢
獮蘊至修城隍簡軍實寇不敢犯久之卒其孫
舉著有林屋史鈔又顧昊字欽甫號石坡江浦
知縣禦倭有功歷至雲南知府蠻夷懾服著有
子其養字小坡研精理學

姚汝循初名理字敘卿其先元玉明洪武中以
孝旌門之再傳生林林生昇昇生慶慶生鑑字
姚君玉也面上圓下稍銳白皙微須嘉靖三十四年舉於
甫冠以簡御煩事皆辦公餘則與名士謝榛等
進郎中有奸僧不法置於理都人快之大學士

大盜蔡伯貫境內安堵郡故土城乃伐石開陶
河溢水不得入會宦族子殺人汝循抵以法其
調民為建生祠去思碑既歸杜門十年著屏居
知州時越嵩用兵饋餉千石瘴癘乘之道殫相
省千金全活甚眾撫按交薦值入覲之期大學
操江王篆嘗遣舟送入楚責不相謝構之遂坐
居近鳳臺別號鳳麓留心鄉里之事有丁糧議
德之旨曰德猶鑑也匪醫弗昏匪磨弗明近淫
一人耳為鑑為醫復為磨者可乎汝循方悟又
為天授不可學久矣自良知之說出乃切人
以入道此萬世功也時以為篤論年六六三交
風雅集七十卷無子以兄璋子景春為嗣景春
居在城東四十里山路犖确為修道數百丈以

廖文光字士龍上元人父經廣安州同有清名文光舉嘉靖十六年鄉試除清江知縣捕治嚴嵩橫僕為巡按所薦升廣信同知有商被盜夢神呼之曰曷不訴廖青天乃投告即獲盜進戶部員外郎工部郎中罷歸家居二十餘年嘯咏自樂卒年八十著有萬厯統天賦位宜集子希元隆慶五年進士歷至貴州副使時不為嚴嵩屈者又有江甯朱潤身字海峯嘉靖二十八年舉人四十一年進士嵩欲招致門下以廷試第一人餌之拒不應遂置二甲歷吏部主事兵部郎中出為雲南僉事土酋鳳繼祖反設方略募死士禽之尋罷歸居天闕山植滇茶名卉其巔至今名海峯茶所著有海峯稿其孫應昇字允升崇禎十二年舉人官寶慶推官

鄭宣化字行義南京龍江衛人因居獅山下故號獅南嘉靖四十年舉於鄉四十四年成進士除袁州推官潔已奉公遷南京工部主事權蕪湖稅謝請託斥羨贏就改吏部父憂服闋補兵部郎中清軍官襲替黃緣詐冒之弊時吏部侍郎王某欲以其甥百戶冒襲千戶覈罷之一日執政出片紙以錦衣某掌衛

事固陳不可激其怒出知邵武府有惠聲未幾卒官著有成趣園集三華館集

瞻紫堂稿灌月亭漫稿邵武名宦應天鄉賢並祀之

家人自福建歸攜一榭子樹植之青翠可愛時人以

此日

弟宗化字尚德事繼母孝居喪未嘗見齒遊耿定向焦竑之門潛心理學

以貢選滁州訓導雖大暑不輟講學者稱明臺夫子宣化子元煒字美涵姚履素壻也宗化子元厚字載之善導引術治病輒效與宣化同時有上元胡汝嘉

字懋禮一字沁南嘉靖三十一年舉人明年成進士官編修亦以言事補外仕

至山西參議文雅風流不操常律工草隸著有菑園集沁南稿

其墨蹟焦竑顧起元皆有跋

梁楹字汝直南京府軍後衛人父八老以俠稱楹舉嘉靖二十五年鄉試選鹿

邑知縣以清慎為民所懷遷知眉州境有玻瓈江其水湍悍轉徙無常楹乃修墓頤堰斜截大江導使中流長百八十丈有奇不二月遂成轉湖州府同知終

荆府長史歸里後與南京禮部尚書袁洪愈結詩社有洛陽耆英之風同時江

浦朱賢字及泉嘉靖三十二年進士除永清知縣擢御史巡按貴州以風力著

致仕後亦與里人鵬詠無虛日賢同縣張邦直字草窗與楹同年舉鄉試除葉

縣知縣潔已愛人致政之日貧不能歸禮部尚書姜某餽以金不受居鄉二十餘年凡里中著作皆出其手子可聞字毓華萬厯中兩充副貢雅志林壑行有古風可聞子達字木水孝友直諫崇禎十三年副貢國變後鍵戶不出以終馬汝侯字誠望號鷺汀南京錦衣衛人嘉靖三十一年舉於鄉除慶元知縣歲值攢造率胥吏盟諸神織毫假巡撫檄禦劇賊李文標滅之入覲過家遂謝不赴買地城南瘞暴齒千餘具貧邵氏銀無券邵沒其家不知必致還之工詩善畫年八十二卒弟汝橋字誠履號春江嘉靖二十二年舉人官桂東知縣同時句容許彥忠字汝敬嘉靖十年舉人二十三年進士歷荊州推官禮部員外郎河南僉事左遷湖州同知擢廣西參議乞歸囊中惟圖書數卷杜門課子睦嫻任恤鄉里感之年踰八十卒彥忠孫堯咨字君疇事兄敬同居至老萬厯己卯舉於鄉除雲南臨安推官以事罷歸著有閒居樂二卷

陸昌字希文六合人嘉靖三年貢生選臨朐知縣值旱蝗力爭於上官以全災報得發粟振濟時議開採昌念民貧邑敞請封完洞口禁戢礦徒事遂已著有

什一集同時高涪柳江字朝宗由貢生歷官石城甯津知縣嘗平反馬省冤獄省後以數百金爲壽江峻卻之江同縣張傑字世興性亦狷介以薦爲汝府審理涖官十年卒貧不能斂同官醵金歸其喪又蔡銳字宜山一字抑之南京留守左衛人嘉靖二十五年舉於鄉除通許知縣性端介不能俯仰當世改杭州教授轉襄府紀善告歸愈貧年八十卒杭州有去思碑在學宮曹存句容人個儻有大節嘉靖三十三年與同縣經儒周易俱舉鄉試選嘉興教諭諸生初食廩餼例有贈金悉卻不受月課諸生鎖門如聞人稱嚴師仕終沔陽州知州儒後官上猶知縣易後官思恩同知皆有能聲

黃尚質字宗商一字龍岡南京水軍左衛人高祖玄保曾祖勳祖隆皆有隱德父銳以貢官邵陽教諭尚質舉嘉靖三十七年鄉試除劍州學正攝知巴縣會妖寇蔡百貫作亂竭力捍禦境賴以安歷南京國子監博士謫江夏縣丞擢峽江知縣驛有羨金歲終當輸縣尚質令存驛以減明年額派萬厯初詔雪靖難諸臣尚質訪練子甯裔於廝養中爲立祠買田俾主其祀遷饒州府通判漁人

網篋金千以獻尙質弗視曰此天所以資貧民也尋告歸布糲如寒素李逢陽稱之曰不以身涉仕途而二其操不以中更坎壈而變其塞今見之宗商矣年七十八卒與尙質友善者金光初字玄予一字子元江甯人先世自金陵遷吳至父斗復還南京光初勤修耆學手寫書數十帙明習世故胸中洞然而外若不能言者隆慶元年舉於鄉歷官奉新遷安永平知縣嘗謂治民無他無擾之而已所至鋤奸折獄咸當其辜入覲卒於旅邸尙質與焦竑斂之橐餘七金吏胥聞之皆哭于山立山止山立諸生尙質子應登字徵甫一字少龍幼者讀萬厓中以貢選德清訓導歷侯官教諭廣西教授端廉愛士暇輒著書歸里與焦竑共事纂輯授徒賣文以養親著有獻徵錄列卿記京學志謝山詩文章謝山暇錄偶然語顧起元嘗云吾鄉著述之富無踰澹園與徵甫者其爲名流推重如此應登弟應仕應升皆諸生

宋存德字惟一號育齋又號浴泉南京錦衣衛人先世以醫顯父溥嘉靖十年舉人官饒州通判存德舉隆慶元年鄉試五年成進士除安邱知縣裁賦酌役民甚感之巡按以茂異薦爲忌者所中左降浙江按察知事擢沈邱知縣治盜息訟經理水利轉工部主事歷刑部員外郎禮部郎中補福建僉事冒暑瘴卒性素孝友頤而偉立健談諧簡易直致人皆親之著有鴻雪稿子夢弼夢周夢鳳夢騎而夢驄最工詩與存德同舉進士者句容王敬民歷東昌大名推官入爲工科給事中使朝鮮不受饋贈轉太常少卿徙大理提督南贛軍務巡撫廣東三年無風塵之警歸卒於家

論曰水田威重士鳴強幹有猛虎在山之勢安邊材也鳳麓士龍海峯獅南皆能不畏疆禦奔走權門者聞之宜愧死矣汝直以下諸人績著循良而希文不貪礦利龍岡不受羨金一則智燭幾先一則清勵寮屬語曰處脂膏而不潤陸黃二君有焉

卷之六十八
 通鑑十六
 三

